

醫學後論

序

余素不解醫讀乃圭書輒不能終卷非忽之也以其為道精深微非淺人所可意窺非躁心所可嘗試又自度聰明才力皆有所不暇給計惟節之於起居飲食之常謹之於四時六氣之辯於以閑嗜欲頤情志順性命以託賦於天至談醫則不敢知誠重之也誠難之也憶曩在都中吳航陳修園先生以名孝廉宰畿輔醫名震日下嘗奉檄勸災恆山時水沴之後疾疫大作先生采時方百餘首刊示醫者如法診治全活無數仁心仁術其施溥矣後三十餘載余返自都門與修全閣通志廣搜著述家言時先生已捐館數載得所撰方書已刊行者十餘種條其目著於編其遺書存於家者哲嗣靈石先後梓而傳之令孫徽菴世其學精且業復取所遺醫學從眾錄八卷彙校付剞劂重以林戟門先生屬序於余余既歎知醫之難而何敢言醫之易乎雖然先生自序言之矣先為醫士治膏肓之疾又云此錄簡便易知頗切時用所謂醫者正治不若從治之為得也蓋必治醫者不謬其方而後受治者不戕其性此即先生作宰時刊方示醫之仁術也雖其言之峻而其心良苦矣錄以從眾名非徇眾也導以可從乃所以防其不可從者也得此說而通之庶易言醫者或深悟其難而得所從者轉困難而見易乎願受是書而竟讀之

道光二十有五年歲在乙巳秋九月東洋和齋魏敬中序

序

陳君徽菴以醫世其家今歲夏間予患沉疴徽菴以數劑立起之蓋信其學之有淵源也一日出其令祖修園先生所著醫學從衆一書示余曰此先父晚年採擷各家之精華折衷而歸於至當堪為初學指南將付刊以公於世請題數語可乎予受而讀之其論證則窮究根原其診脈則剖分宜忌其下藥則酌量加減取古人之成法以己意運之矯枉者不得出其範圍拘虛者有以開其神智名曰從衆實大衆之津梁也先生本吾郡通儒為孝廉時以制藝名為吏時以循良名而卒以醫名生前活人無算身後濟世有書徽菴承祖硯之修不私為枕中秘均足令人欽佩也因謹序之如此

道光乙巳重陽日戟門林振榮拜謨

卷之三

蘇東坡詩集卷之三

蘇東坡詩集卷之三

蘇東坡詩集卷之三

蘇東坡詩集卷之三

蘇東坡詩集卷之三

蘇東坡詩集卷之三

蘇東坡詩集卷之三

先父醫學宗長沙一生精力在傷寒論淺註金匱要略淺註等書復以餘力集長沙辨證之法纂取千金方
外臺祕要以下諸方書為醫學從眾錄八卷蓋恐專用經方之駭眾特降而從眾也學者既精傷寒金匱
之法進而參究乎斯編則宜古者亦復宜今此書正不無小補也謹付梓以廣其傳

長孫男 心典 謹識

凡例

一是書前曾託名葉天士今特收回

一是書論證治法悉遵古訓絕無臆說浮談以時法列於前仲師法列於後由淺入深之意也

一坊刻萬病回春嵩崖尊生古今醫統東醫寶鑑等書所列病證不可謂不詳而臨時查對絕少符合即間有合處亦不應驗益以逐末而忘其本也試觀內經難經傷寒論金匱要略每證皆寥寥數語何所不包可知立言貴得其要也此書如怔忡頭痛歷節諸證非遺之也怔忡求之虛癆頭痛有邪求之傷寒無邪求之眩暈虛癆歷節尋其屬風屬濕屬虛而治之所以寓活法也

一學醫始基在於入門入門正則始終皆正入門錯則始終皆錯此書闡明聖法為入門之準不在詳備若得其祕訣未嘗不詳備也有證見於此而治詳於彼者有論此證而被證合而並論者有論彼證絕未明言此證而即為此證之金鍼者實無他訣惟其熟而已熟則生巧自有左右逢原之妙

一論中所列諸方第三卷第四卷俱載弗遺惟傷寒論金匱要略方非熟讀原文不能領會此書偶有闕而未載者欲人於原文中尋其妙義闕之即所以引之也閱者鑒余之苦心焉

一方後附論或採前言或錄一得視諸書較見簡括閱者自知

卷一

真中風

類中風

癆證

虛癆續論

卷二

欬嗽

痰飲

喘促

驚悸

血證

卷三

遺精

赤白濁

癃閉五淋

心痛

腹中上下諸痛

嘔吐噦

呃逆

卷四

疝

厥

癰

狂

癩

癰瘻

疝氣

眩暈

頭痛

卷五

隔證反胃

瘧證

痢證

痢疾續論

卷六

傷暑

自汗盜汗

腫證

消渴

腰痛

卷七

泄瀉

風痺痿

鶴膝風

脚氣

卷八

婦人雜病

傷寒附法

閩吳航陳念祖修園甫著

真中風證

次男元犀靈石參訂孫男心典徽華心蘭心蘭同校字

曰真者所以別于類也風者八方之風邪也中者邪之自外入內也有中經中府中藏中血脈之分此數句與病機要發明大同小異各有語病余從發明而訂正之中經外有六經之形證中府內有便溺之阻隔中臟者性命危中血脈者外無六經之形證內無便溺之阻隔先以中經言之中經者現出六經形證太陽頭痛脊強陽明日痛鼻乾多熱不得臥少陽胸滿口苦脇痛耳聾寒熱太陰自利腹痛或便難少陰口渴時厥厥陰囊縮遺溺手足厥逆而面色亦現出五色可診此中風之淺也宜小續命湯加減主之

小續命湯方見時方

穴在足外踝後跟骨針透太髕

皆太陽經中風也

如中風無汗惡寒依本方麻黃杏仁防風各加一倍宜針至陰出血穴在足小指外側爪甲角針二分 如中風有汗惡風依本方桂枝芍藥杏仁各加一倍宜針風府穴在項後入髮一寸針入三分禁灸 以上二證

如中風有汗身熱不惡寒依本方加石膏知母各二錢甘草再加一倍去附子 如中風有汗身熱不惡風依本方加葛根桂枝黃芩再加一倍宜針陷谷穴在足大指次指外間本節後陷中針入五分 去陽明之賊兼刺厲兌穴在足大指次指端去爪甲如韭葉

瀉陽明之實 以上二證皆陽明經中風也

如中風無汗身涼依本方附子加一倍乾薑加二倍甘草加二倍宜刺隱白穴在足大指內側去爪甲角如韭葉 去太陰之賊

此太陰經中風也

如中風有汗無熱依本方桂枝附子甘草各加一倍宜針太谿穴在足內踝後跟骨上陷中針透崑崙此少陰經中風也

如中風六經混淆擊之於少陽厥陰或肢節痠痛或麻木不仁依本方加羌活連翹灸少陽之經絕骨穴在足外踝上

三十灸以引其熱刺厥陰之井太敦穴在足大指甲聚毛間以通其經此少陽厥陰經中風也

又以中脘言之與傷寒腑證略同內有便溺之阻隔宜三化湯通之夾有經證宜防風通聖散兩解之

又以中臟言之中臟多滯九竅有唇緩失音耳聾目昏鼻塞大小便難之證或卒倒不省人事有閉脫之別

若口開為心絕眼合或上視為肝絕手撒為脾絕遺尿為腎絕汗出如油聲如鼾睡為肺絕及面赤如妝脈急

大皆虛極陽脫不治之證惟以三生飲一兩加人參一兩另煎濃汁調入灌之或可救十中之一如牙關緊閉

以烏梅浸醋擦其牙痠塞咽喉以稀涎散吐之不省人事以半夏末吹入鼻中蓋此法為通關所設而藥汁方可灌入非藉此法吐痰以愈病也 男元犀按不省人事有閉證脫證之辨一證誤

認用藥則死生立決 內經云風為百病之長也善行而數變或為寒中或為熱中如陽臟之人素有內火

而風邪中之則風乘火勢火借風威遂卒倒不省人事牙關緊閉兩手握固雖有痰聲非漉漉之聲亦無湧

起之勢可用橘皮一兩半夏一兩入生薑汁少許煎服或服後探吐之隨以滌痰湯加天麻丹參石菖蒲入

竹瀝薑汁以開之如外熱甚一便閉可用防風通聖散及涼膈散加石菖蒲遠志丹參及三化湯之類表裏兩解之如陰藏之人素多內寒而風邪中之則風水相遭寒水徹骨亦猝倒不省人事口開手撒尿出臍下

冰冷痰聲漉漉如水沸之勢急用三生飲加人參或用人參二兩附子一兩生半夏三錢煎一鍾入生薑汁半匙蜂蜜一蛤蜊殼灌之亦有得生者若以膽南星及滌痰驅風等藥投之如入井而下以石也 二證愈後語言行動定不能如常察其水衰火衰以六味丸八味丸清早服三四錢下午服六君子湯加麥冬三錢乾桑葉一錢竹瀝二蛤蜊殼最妙蓋柔潤熄風為治風之祕法也

又以中血脈言之中血脈者外無六經之形證內無便溺之阻隔非表非裏邪無定居或偏於左或偏於右口眼喎斜半身不遂治之之法汗下俱戒惟潤藥以滋其燥靜藥以養其血則風自除宜大秦羌湯走之或偏於右者以六君子湯加竹瀝薑汁以補氣行痰祛風偏於左者以四物湯加桃仁紅花竹瀝薑汁天麻羚羊角以補血行血化痰祛風氣血兩虛者以八珍湯或十全大補湯加鉤藤竹瀝薑汁以峻補之

大秦羌湯

秦艽

石膏生用甘草錢半

川芎

當歸

羌活

獨活

防風

黃芩

白芍

酒炒

白芷

白朮炒

生地

熟地

茯苓各一錢

北細辛三分

水煎服

滌痰湯即六君子湯去白朮加南星枳實石菖蒲竹茹治中風痰迷心竅古強不能言 口眼喎斜以牽正散

主之又以鱉魚血塗歪處牽之便正

又偏枯證如樹木枯去一枝而津液不能周行灌漑宜六君子湯加竹瀝等法治之又可望愈或以六味丸八味丸桑寄生五加皮牛膝杜仲以自製虎骨膠為丸朝吞五錢黃酒送下暮服前湯可愈十中一二

中風四言脈訣

中風浮吉滑兼痰氣其或沈滑勿以風治或浮或沈而微而虛扶元治痰風本可疎浮達者吉急疾者阻

各證方藥

三化湯 治中風內有便溺之阻隔

厚朴

大黃

枳實

羌活

各二錢半

水煎服

喻嘉言曰仲景云藥積腹中不下填竅以熄風後人不知此義每欲開竅以出其風究竟竅空而風愈熾長此安窮哉此方與愈風湯大秦芫湯皆出機要方中云是通真子所撰不知其姓名然則無名下士煽亂後人見聞非所謂一盲引眾盲耶

防風通聖散

方見時方

治諸風抽搐手足痠癱小兒驚風大便結邪熱暴甚肌肉蠕動與一切風證

按此表裏通治之輕劑

喻嘉言曰汗不傷表下不傷裏可多服也

祛風至寶膏即前方再加人參補氣熟地益血黃柏黃連除熱羌活獨活天麻細辛全蝎防風蜜丸彈子大每

服一丸茶酒任下此中風門不易之端方也

三生飲

方見時方

薛氏云加人參一兩許駕馭而行庶可驅外邪而補真氣否則不惟無益適以取敗

稀涎散

治中風口噤單蛾雙蛾

巴豆仁

六粒每粒分作兩片

牙皂

三錢切片

明礬

一兩

先將明礬化開却入二味攪勻待礬枯為末

每用三分吹喉中痰涎壅盛者燈草湯下五分在喉即吐一方半夏十四粒牙皂一個炙水煎入薑汁服

涼膈散 方見時方

加味轉舌膏即前方加遠志葛蒲防風桔梗犀角川芎柿霜煉蜜丸彈子大硃砂為衣

中風續論

古人定病之名必指其實後人既曰中風如何舍風而別治觀仲師侯氏黑散風引湯數方自見余此論原為中人以下立法只取唐人續命湯一方為主蓋以各家所列風證頭緒紛繁議論愈深則愈晦方法愈多則愈亂不如只取一方以驅邪為本庶法一心純不至多歧反惑要知此湯長於治外非風則不可用是風則無不可用也至云風為虛邪治風必先實竅此旨甚微能於侯氏黑散風引湯二方研究十年而知其妙處則可與共學適道矣

侯氏黑散 治大風四肢煩重心中惡寒不足者 外臺治風癩 內經云邪害空竅此則驅風之中兼填空竅空竅滿

則內而舊邪不能容外而新風不復入

風引湯 俱見金匱

除熱癩癩 巢氏治脚氣 大人中風牽引小兒驚癩癩瘕皆火熱生風五臟亢甚歸入心之候夫厥陰風木與

少陽相火同居火發必風生風生必挾木勢而害土土病則聚液成痰流注四肢而癱瘓此方用大黃為君以蕩滌風火熱濕之邪隨用乾薑之止而不行者以補之用桂枝甘草以緩其勢又取石藥之瀉以堵其路而石藥之中又取滑石石膏清金以伐其木赤白石膏厚土以除其濕龍骨牡蠣以斂其精神魂魄之紛馳

用寒水石以助腎之真陰不為陽亢所劫更用紫石英以補心神之虛恐心不明而十二官危也明此以治入藏之風游刃有餘矣喻嘉言此解最妙

類中風證

一火中之說本於河間河間舉五志過極動火而卒中太法以白虎湯三黃湯沃之所以治實火也以逍遙散疎之所以治鬱火也以通聖散涼膈散雙解之所以治表裏之邪火也以六味湯滋之所以壯水之主以制陽光也以八味丸引之所謂從治之法引火歸源也又地黃飲子治舌瘡不能言足廢不能行神妙無比

地黃飲子 時賢徐靈胎云此治少陰氣厥之方庸醫不察竟以之治一切中風之證輕則永無愈期重則益其病而致死醫者病家終身不悟也 孫心典按舌瘡不能言有上焦為痰火阻塞者宜轉舌膏有中風脾

緩舌強不語者宜資壽解語湯惟有少陰脈繫舌本氣厥不至名曰風痺宜用地黃飲子溫之喻氏用資壽解語湯去羌活加熟地何首烏枸杞子甘菊花黑脂麻天門冬治之

資壽解語湯 俱見時方

治中風脾緩舌強不語半身不遂 一氣虛類中說本李東垣東垣以元氣不足則邪乘

之令人卒倒僵仆如風狀太法以六君子湯加黃耆竹瀝薑汁治之補中益氣湯亦治之卒倒遺尿元氣大虛必重用白朮人參黃耆加益智仁主之 又有惱怒氣逆而厥面青脈大如中風象宜景岳解肝煎主之

虛者六君子湯加烏藥青皮白芷主之 一濕中之說本於朱丹溪丹溪以東南氣溫多濕有病風者非風

也由濕生痰痰生熱熱生風一陳湯加沙參蒼朮白朮竹瀝薑汁主之或單用半夏六錢煎半鍾入生薑汁

二滴風化硝二錢先治其標或間服滾痰丸亦謂之痰中可用吐法後理脾胃先調經絡以竹瀝湯去之

竹瀝湯

竹瀝二酒

生薑汁一酒

生薑汁一湯

相合作兩服

劉宋李三子發揮之外後人又增惡中食中寒中暑中四證 一食中者過飽食填太陰上下之氣不通而

厥以平胃散加減煎服或探吐之或以備急丸灌之 一惡中者入古廟山林古墓及見非常怪物感其異

氣遂昏倒不知人事其脈兩手若出兩人乍大乍小以蘇合香丸灌之或以平胃散加雷丸二錢雄黃精五

分藿香一二錢或焚真降香藿香生薑川芎蒼朮皂角紅棗使正氣自口鼻入 一寒中者或暴寒之氣直

入於內手足厥冷腹痛吐瀉不止遂昏倒不知人事六脈細小或沈伏四肢唇口青黯宜以生葱白一束安

臍中以火斗熨之或灸關元三十壯以四逆湯灌之 一暑中者夏月感暑氣昏倒不省人事自汗面垢吐

瀉脈虛以千金消暑丸灌之立甦 又有長途赤日猝倒不省人事以熱土團臍上以熱尿注之即甦或又

以生蒜搗水灌之

備急丸 消暑丸 俱見時方

續論真中風類中風攻痰之誤

凡人將死之頃陽氣欲脫必有痰聲澆澆是一身之津血將漸化為痰而死也時醫於此證開手即以膽南星

石菖蒲直攻其痰是直攻其津血而速之死也 醫學真傳曰本經只有南星並無膽南星南星色白味辛稟

金氣而驅風豁痰功同半夏今人以牛膽製為膽星味甘性冷 庸醫皆曰九製者佳不知愈製愈失其性為禍更烈 中風痰涎上湧多屬

三蕉火衰土崩水泛斯時助正散邪壯火驅寒尤恐不濟服之以苦冷之騰星加之以清涼之竹瀝必至生陽滅絕而死 孫心典按竹瀝為中風必用之藥取其柔潤以熄風輕清以活絡而驅行經絡之痰在所後也荆瀝生葛汁亦是此義

虛癆

聖濟總錄曰虛癆之病因五臟則為五癆因七情則為七傷癆傷之甚身體瘦極則為六極所謂七傷者一曰

太飽傷脾脾傷則善噫欲臥面黃上色黃脾傷則其本色自見故面黃神者中氣之所生脾傷則神亦倦故善臥 二曰大怒氣逆傷肝肝傷則少血目

暗肝者將軍之官故主怒又曰目得血而能視今肝傷少血故今日暗 三曰強力入房久坐濕地傷腎腎傷則氣短腰脚痛厥逆下冷脚痛下冷者坎中之

陽虛也輕則八味丸 四曰形寒飲冷傷肺肺傷則氣少咳嗽鼻鳴形寒者形氣虛寒也飲冷者復飲冷物也 五

曰憂愁思慮傷心心傷則苦驚善忘善怒 心藏神心傷則神不安故善驚心主血心傷則血不足故善忘心愈傷則憂愁思慮愈不能去故因而生怒一本無善怒二字有夜不能

寐四 六曰風雨寒暑傷形形傷則髮落肌膚枯槁外冒風雨則寒濕不免矣以外得之故令傷形而皮膚枯槁然皮膚之間衛氣之所居也靈樞經曰衛氣者所以溢分肉

充皮膚肥腠理而司開闔者也故峻補其衛 七曰大恐懼不節傷志志傷則恍惚不樂怒則氣上恐則氣下則

氣而形自復矣宜桂枝湯加黃耆之類也 所謂五癆者一曰肺癆令人

得舒暢故曰傷志志者腎之所主而暢於體中體中在兩乳之間心君之分也心 者神明之所出故今恍惚腫中者善樂之所出故今不樂傷之因也故為七傷 短氣面腫不聞香臭 二曰肝癆令人面目乾黑口苦精神不守恐懼不能獨臥目視不明 三曰心癆令人忽忽

喜忘大便苦難心主血血濡則大便潤血燥則大便難 時或澹洩心火不足以生脾土也 口中生瘡 四曰脾癆令人舌本苦直不能嚙唾 五

曰腎癆令人背難以悅仰小便黃赤間有餘瀝莖肉痛陰濕囊生瘡小腹滿急此五者癆氣在五臟也故名五

癆所謂六極者一曰氣極氣極主肺令人內虛五臟不足邪氣多正氣少不欲言二曰血極血極主心令人無顏色

眉髮墮落忽忽喜忘三曰筋極筋極主肝令人數轉筋十指甲皆痛苦倦不能久立四曰骨極骨極主腎令人疲削齒苦

痛手足煩疼不可以立不欲行動五曰肌極肌極即肉極主脾令人癯瘦無潤澤食飲不生肌膚六曰精極精極主五藏主藏精也道家以精氣神為三寶經曰精生氣

氣生神若精無以生氣故因有少氣內虛等候也令人少氣吸吸然內虛五臟氣不足毛髮落悲傷喜忘此六

者癆之甚身體瘦極也故名六極又五癆七傷六極之外變證不一治法皆以補養為宜形不足者溫之以氣

精不足者補之以味相得合而服之以補精益此其要也按方書論虛癆之證最繁余取聖濟書以五癆七

傷六極立論為握要之法以下分採各方聽人擇用然有不得不分者亦有不必分者神而明之存乎其人

不可以口授也聖濟於纏結處提出氣味二字示人當從陰陽根本之地而藥之所謂吾道一以貫之也

按陽虛陰虛是醫家門面話然亦不可不姑存其說以資顧問吳門馬元儀分陽虛有二陰虛有二較時說

頗深一層所謂陽虛有二者有胃中之陽後天所生者也有腎中之陽先天所基者也胃中之陽善升浮虛

則反陷於下再行斂降則生氣遏抑不伸腎中之陽貴凝降癆則浮於上若行升發則真氣消亡立至此陽

虛之治有不同也所謂陰虛有三者如肺胃之陰則津液也心脾之陰則血脈也腎肝之陰則真精也液生

於氣惟清潤之品可以生之精生於味非粘膩之物不能填之血生於水穀非調補中州不能化之此陰虛

之治有不同也按此證又多蒸熱欬嗽故醫者以二皮清心二冬保肺而不知土旺則金生母臨區於保

肺水升則火降勿汲汲於清心李士材此四語深得治虛癆之法脾腎雖有一方合治之說其實駁雜不

肺水升則火降勿汲汲於清心李士材此四語深得治虛癆之法脾腎雖有一方合治之說其實駁雜不

能奏效當審其所急而圖之如食少怠倦大便或澹或秘肌肉消瘦等證治脾為急以六君子湯四君子湯歸脾湯之類補養脾胃調其飲食即所以輸精及腎也如形傷骨疼面色黯黑骨蒸狀熱腰痛氣喘或畏寒多夢腹痛遺精等證治腎為急腎陰虛者以六味丸補坎中真水腎陽虛者以八味丸補坎中真火以通離火稽之周易卦象坤土是離火所生艮土是坎水所生趙養葵謂補水以生土語雖離奇却為妙旨也

大黃虜蟲丸 方見金匱

治五癆虛極羸瘦腹滿不能飲食食傷憂傷房室傷飢傷癆傷經絡榮衛傷內有乾血肌

肉甲錯目黯黑緩中補虛

四烏鯁骨一蘆如丸 方見女科要指

治虛癆氣竭肝傷血枯精傷 按菟血之品為補血之用倣張璐玉以此丸藥

料加鮑魚絨雞之類

虛癆續論

前論俯首從時不過於時法中錄其可以姑從者為淺病立法余復續此論從內經勞者溫之損者溫之兩言悟入左右逢源取效捷如影響至如痰飲咳嗽怔忡不寐及婦人經水不調等

病皆虛勞中必有之證已詳各門毋庸再贅宜參考之

虛癆證宋元諸家分類別名繁而無緒如治絲而棼也丹溪頗有把握專主補陰用四物湯加黃柏知母之類

後世非之明薛立齋出以六君子四君子歸脾湯補中益氣湯加味道遙散之類與六味丸八味丸養榮湯之

類問服開口便以先天後天立論雖視諸家頗高一格其實開後人便易之門至張景岳出專宗薛氏先天之

旨而先天中分出元陰元陽立左右歸飲丸及大補元煎之類有補無瀉自謂專家雖論中有氣虛精虛之辨

而大旨以氣化為水水化為氣陰陽互根用方不甚分別惟以熟地一味無方不有無病不用是於簡便之中

又開一簡便之門且又著藥性云地黃生於中州沃土色黃味甘謂非脾胃正藥吾不信也此論一出而本經金匱諸聖訓掃地盡矣夫薛氏書通共二十四種吾不能一一摘其弊而觀其案中所謂陳病源俱係臆說罕能闡靈素不言之祕所用方法不出二十餘方加減雜沓未能會本經性味之微時賢徐靈胎目為庸醫之首亦不得已而為此憤激之言也即景岳以陰虛陽虛鋪張滿紙亦屬浮泛套談能讀金匱者便知余言之不謬也詳考虛勞治法自內經而外扁鵲最精上損從陽下損從陰其於鍼砭所莫治者調以甘藥金匱因之而立建中諸方意以榮衛之道納穀為寶居常調榮衛以安其穀壽命之本積精自剛居常節慾以生其精及病之甫成脈纒見端惟恃建中復脈為主治皆稼穡作甘之善藥一導精不足者補之以味之義也景岳亦會得甘溫之理或變而為甘寒至靜之用視慣用苦寒戕伐中土者頗別然方方重用熟地自數錢以及數兩古法蕩然矣且熟地之用滯非胃所宜經云六腑者傳化物而不藏以通為用其性濕非脾所喜彼蓋取滋潤以填補其精而不知精生於穀脾胃傷則穀少入而不生其血血少自不能化精而虛勞日甚况虛勞之人必有痰嗽亦最易感冒如重用頻用熟地又佐之以參朮則風寒閉於皮毛而不出痰火壅滯於胸膈而不清藥入病增謂非人人之共見乎予於此證每力爭治法無如醫友及病家心服薛氏景岳諸法以六味八味左歸右歸補中逍遙六君四君大補元煎之類謂不寒不燥之品先入為主至死不悔亦斯民之厄也戊申秋閏後抑鬱無聊取內經金匱諸書重加研究參之平時所目擊之證如何而愈如何而劇而死大有所悟知虛癆之病死於病者少死於藥者多侃侃不阿起立齋景岳於今日當亦許為直友也請略陳方治於左以為耳食治虛癆者腦後下一針

脈法

要略曰脈芤者為血虛 沈遲而小者為脫氣脈大而無力為陽虛 數而無力為陰虛 脈大而芤者為脫血 平人脈大為勞 虛極亦勞 脈微細者盜汗 寸弱而軟為上虛 尺軟澀為下虛 尺軟滑疾為血虛 兩關沈細為胃虛 脈經曰脈來軟者為虛 緩者為虛 微弱者為虛 弦者為中虛 細而微小者氣血俱虛

景岳脈法可取之句

無論浮沈大小但漸緩則漸有生意若弦甚者病必甚數甚者病必危若以弦細而再加緊數則百無一生矣

方治

六味地黃丸 此方大旨補水以制相火 先祖選嚴公曰補水以制相火為相火有餘而言也若命門真火

不足不能蒸化脾胃若服六味丸則濕痰愈多宜八味丸常服 虛癆之由多由於吐血與欬嗽夫吐血欬

嗽豈盡致勞治之不得法斯勞根於此鋤之不能去矣吐血起於驟然是多風寒失汗逼而上越為大吐一

吐而即止者不必治之 汗即血血即汗夫汗而見血風寒從血而解也宜靜養勿藥可愈 不止者用麻黃人參芍藥湯治之若脈細而沈遲

按之無力乃直中寒證敗其元陽陽虛陰必走故為大吐 或大 四肢微厥宜理中湯加當歸木香治之或鎮

陰煎降之此一定之法也又有素性偏陽外受酷暑內傷椒薑燻灸而致血者宜白虎湯三黃解毒湯之類

鼎下抽薪而水無沸騰之患又法以地黃汁半升煎三沸入生大黃末一寸七調和空腹服之日三服即差

此秘法也今人一見吐血證即用六味加黑梔糖節白茅根血餘灰阿膠之類姑息養好必變欬嗽而成癆凡欬嗽初起多因風寒經云皮毛者肺之合也余每見今人患此證不知解肌透投六味若加麥冬五味之類為禍更烈是開門逐寇也必變成癆

崔氏八味丸

此方在仲景之前仲景收入金匱要略中故名金匱腎氣丸

大旨溫腎藏逐水邪

此方金匱要略凡五見一見於第五篇

云治脚氣上入小腹不仁再見於第六篇云治虛勞腰痛小便不利三見於第十二篇云夫短氣有微飲當從小便去之腎氣丸主之四見於第十三篇云治男子消渴小便反多飲一斗小便亦一斗五見於第二十二篇云治婦人轉胞不得溺但利小便則愈觀此五條皆瀉少腹膀胱之疾為多蓋腎者水藏也凡水病皆歸之故用茯苓澤瀉山藥利水之藥水過利而腎虛惡燥故又用熟地萸肉丹皮等滋斂之藥又水為寒邪故用附子肉桂等助陽通痺之藥相濟而相成總以通腎氣利小便為主此八味丸之正義也薛氏趙氏借用之以為補火亦不甚切當若小便多者大忌之

小建中湯

本文云虛癆裏急悸胸腹中痛夢失精四肢痠痛手足煩勢咽乾口燥

喻嘉言曰急建中氣

俾飲食增而津液旺以至充血生精而復其真陰之不足但用棗穡作甘之本味而酸辛鹹苦在所不用舍此別無良法也

黃耆建中湯即前方加黃耆一兩半

氣短胸滿者加生薑腹滿者去棗加茯苓一兩半及療肺虛損不足補

氣加半夏三兩

千金療男女因積冷氣滯或大病後不復常若四肢沈重膏肉痠痠呼吸少氣行動喘乏

胸氣滿急腰背強痛心中虛悸咽乾唇燥面體少色或飲食無味脇滿腹脹頭重不舉多臥少起甚者積年
輕者百日漸致瘦弱五藏氣竭則難復常六脈俱不足虛寒之氣小腹拘急羸瘠百病名曰黃耆建中湯
人參建中湯即前方加人參二兩治虛勞自汗

當歸建中湯即前湯加當歸二兩治婦人血虛自汗

八味大建中湯 治中氣不足手足厥冷小腹變急或腹滿不食陰縮多汗腹中塞痛唇乾精出寒熱煩惱四

肢痠痛及無根失守之火出於肌表而為疹為斑厥逆嘔吐等證

黃耆

當歸

桂心 桂枝去皮即桂心非近時所用之肉桂心也

酒白芍

人參

甘草 炙各一錢

半夏 製

附子 炮各二錢半

每服五錢加薑三片棗二枚煎服

桂枝龍骨牡蠣湯

治失精家小腹強急陰頭寒自眩髮落脈極虛芤遲為清穀失精亡血脈得諸孔動微緊

男子失精女子夢交 喻氏曰用桂枝湯調其榮衛羈遲脈道虛衰加龍骨牡蠣澀止其清穀亡血失精一

方而兩扼其要誠足貴也 小品云虛羸浮熱汗出者除桂加白朮附子各一錢五分故曰二加龍骨湯桂

枝雖調榮衛所首重倘其人虛陽浮越於外即當加附子白朮以固陽而助其收瀆桂枝在所不取也 張

石頑曰亡血失精舉世皆滋補血氣之藥而仲景獨舉桂枝湯者蓋以人身之氣血全賴後天水穀以資生

水穀入於胃其清者為榮濁者為衛榮氣不榮則上熱而血溢衛氣不衛則下寒而精亡是以調和榮衛為

主榮衛和則三焦各司其職而火自歸根執者不熱寒者不寒水穀之精微輸化而精血之源有賴矣以其

亡服既久恐下焦虛滑不禁乃加龍骨入肝斂魂牡蠣入腎固精皆固封藏之本藥也至於小建中湯加減諸方皆治虛勞之神劑後人專用滋陰降火誤治遺害未至於劇者用此悉能挽回

大建中湯俱見金匱 心胸大寒痛嘔不能食腹中寒上衝皮起出見有頭足上下痛不可觸近

葉天士加減大建中湯 辛甘化陽法

人參 桂心 歸身 川椒炒出 炙草 白芍 茯苓 飴糖

蘭棗 按原方中乾薑定不可少

葉天士加減小建中湯 脈右虛左小背微寒肢微冷瘦多微嘔食減不甘此胃陽已弱衛氣不得擁護時作

微寒微熱之狀小便短赤大便微澹非實邪妄當建中氣以維榮衛東垣云胃為衛之本榮乃脾之源偏寒

偏熱猶非正治 人參 歸身米拌炒 桂枝木 白芍 蘭棗 按此方薑定不可少

復脈湯一名炙甘草湯方見傷寒 治諸虛不足汗出而悶脈結悸行動如常不出百日危急者十一日死此治血脈空竭方 用

之所以和血凡脈見結代者雖行動如常不出百日必死若復危急不能行動則過十日必死語極明白從

前解者多誤○喻嘉言曰此仲景治寒傷脈結代心動悸邪少虛多之聖方也金匱不載以千金翼常用此

方治虛勞則必實可徵信是以得名為千金之方也虛勞之體多有表熱夾其陰虛所以本論汗出而悶表

之固非即治其陰虛亦非惟用此方得汗而脈出熱解俾人人快然真聖法也但虛勞之人胃中津液素虛

匪傷寒暴病邪少虛多之比桂枝生薑分兩之多服之津液每隨執勢外越津既外越難以復收多有淋漓

沾濡一晝夜者透此一關亟以本方去桂枝生薑二味三倍加入人參隨繼其後庶幾津液復生才致榮衛盛而諸虛復豈小補哉 葉天士加減復脈湯 本草云其脈虛細夜熱晨寒煩倦口渴汗出臟液已虧當春風外泄宗師凡元氣有傷當與甘藥之例 孫心典 按虛勞治法舍建中別無生路又有一種脾陽不虧胃有燥火當從時賢養胃陰諸法 葉天士云太陰濕土得陽始運明陽陽土得陰自安以脾喜剛燥胃喜柔潤也愚於此法又悟出無數法門此下所列之方俱宜深考

葉氏養胃方 治胃虛少納穀土不生金音低氣餒

麥冬 生扁豆 玉竹 甘草 桑葉

沙參 此方生穀芽廣陳皮白朮麥仁

石斛烏梅俱可加入 燥極加甘蔗汁

葉氏方 治陰虛盜汗不用當歸六黃湯以其味苦不宜於胃也此方用酸甘化陰法 合前加減大建中湯平甘化陽法可悟用藥之妙

人參 熟地 五味 炙草 湖蓮 茯苓

又方 經云形不足者溫之以氣精不足者補之以味納穀如常而肌肉日削當以血肉充養

牛骨髓 羊骨髓 猪脊髓 茯苓 枸杞 當歸 湖蓮 芡實

又方 治肉消脂涸吸氣喘促欲欬不能出聲必踞按季脇方稍有力寐醒喉中乾涸直至胸腕此五液俱竭

法在不治援引人身膏脂為繼續之計 鮮河車 按此味不可用 人乳汁 真秋石 血餘灰

陰虛陽浮宜用介以潛陽之法 六味丸減丹澤加秋石龜膠牡蠣湖蓮之屬或有海參膠淡菜膠及燕

富之類皆是此意 長孫心典按虛極之候非無情草木所能補如肉削之極必須諸髓及羊肉膠之類陰中之陰虛極必須龜膠人乳粉牡蠣秋石麋茸之類陰中之陽虛極必須鹿角膠鹿茸及黃犬外腎之類一隅三反

黑地黃丸 治陽盛陰衰脾胃不足房勞虛損形瘦無刀面多青黃而無常色此補腎益胃之劑也

蒼朮一斤

油浸 熟地一斤

五味子半斤

乾薑

秋冬一兩夏五錢春七錢

右為末棗肉煉丸如梧子大米湯送下

百丸治血虛久痔甚妙

此治脫血脾寒之聖藥

天真丸 治一切亡血過多形槁肢羸飲食不進腸胃滑泄津液枯竭久服生血養氣煖胃駐顏

生羊肉七斤去筋膜脂皮

肉苁蓉十兩

當歸十二兩洗去皮

山藥濕者去皮十兩

天冬去心焙乾一斤

四味為末納羊

肉內裹縛用無灰酒四瓶煮令酒盡再入水二升煮候肉糜爛再入黃耆末五兩人參末白朮末各二兩搗

作薄餅曬乾隔紙懸火上烘乾以煉蜜為丸梧子大服一百丸加至二三百丸溫酒下一日二次服

雪梨膏 治咯血吐血癆嗽久不止

雪梨六十隻取汁二十杯

生地茅根藕各取汁十杯

蘿蔔麥冬各取汁五杯

將六味煎煉入蜂蜜二斤飴糖八兩薑汁半杯再熬如稀糊則成膏矣每日用一二匙含咽

虛癆不治證

形瘦脈大胸中多氣者死瀉而加汗者死身熱不為汗衰不為泄減者死嗽而上喘下泄者死股肉脫甚者死一邊不得眠者多死五旬以下陽痿者多死癆疾久而嗽血咽疼無聲此為自下傳上若不嗽不疼久而溺濁

稀氣喘腰膝痠痛或面色浮紅晝輕夜重脈浮數而虛右尺脈弱者八味丸左尺脈弱者六味丸二方俱宜加
入麥冬五味阿膠胡桃之類為標本同治之法大抵氣虛證是得之勞役飢飽過度及思慮傷脾所致氣不化
精陽病必及於陰精虛證是得之色慾過度或先天不足少年陽痿之人精不化氣陰病必及於陽

咸春溫之氣而欬嗽宜加玉竹咸夏令暑氣而欬嗽宜加石膏麥冬五味之類感秋令燥金之氣而欬嗽用喻
嘉言清燥湯神效感冬寒之氣而欬嗽無汗宜金沸草散有汗宜桂枝湯加厚朴一錢五分杏仁二錢半夏一
錢五分 又三焦虛嗽宜溫肺湯中焦虛嗽宜六君子湯加乾薑細辛五味子下焦虛嗽宜七味丸加五味二
焦俱虛宜三才湯

喻嘉言清燥救肺湯 治憤鬱喘嘔 鬱痰加川貝母

三才湯

天冬二錢 熟地三錢 人參一錢 水煎服

補中益氣湯 歸脾湯 六君子湯 六味丸 八味丸 各見時方

溫肺湯

陳皮 半夏 酒芍 乾薑 炙草 各一錢 杏仁 去皮尖 肉桂 或用桂枝 五味

細辛 各五分 水煎服 仁齋方有阿膠無芍藥

脈法

浮緊屬寒 浮緩屬風 浮數屬熱 浮細屬濕 浮濇屬房勞

浮滑屬痰 浮大者生 沈小者死 弦疾者胃氣敗

採聖濟五臟諸欬

論云內經謂肺欬之狀欬而喘息有音甚則吐血心欬之狀欬而心痛喉中介介如梗狀甚則咽痛喉痺肝欬之狀欬而兩脇下痛甚則不可以轉轉則兩脘下滿脾欬之狀欬而右脇下痛陰陰引肩背甚則不可以動動則欬劇腎欬之狀欬則腰背相引而痛甚則欬涎五臟之欬久而不已乃傳六腑六腑之欬內經論之詳矣
杏子湯聖濟 治欬嗽晝減夜增不得眠食即吐逆

杏仁尖 去皮 半夏 桑白皮 白蔞藜 百合 麻黃去根 節 柴胡 白石脂

款冬花 枳殼 肉桂去粗 皮 紫苑 旋覆花 川貝母各五分 糯米三錢 生薑三片

以水煎服

蛤蚧丸聖濟 治久欬嗽喘急

蛤蚧一對 酥炙 半夏 杏仁去皮尖研 各一兩 栝萎大者二枚去子取肉蒸研 阿膠蛤粉炒 人參各五錢 青皮去白二錢五分

乾薑湯泡 二兩 右共為細末煉蜜和丸如小豆大空心米湯送下二十九

五靈脂湯聖濟 治肺欬及諸欬

五靈脂 馬兜鈴各一錢 人參 五味 炙甘草 桑白皮 陳皮

杏仁去皮尖 各五錢

生薑三斤

水煎空心溫服

人參桔梗散濟聖

治心欬嗽咽喉腫痛

人參五分

桔梗二錢

茯苓

牛蒡子炒各一錢五分

炙甘草七錢

共為末薑湯空心下二錢日一服

木乳散濟聖

治肝欬嗽兩脇下滿

木乳即皂莢樹根 皮酥炙三兩

杏仁去皮尖研

貝母去心各二兩

炙甘草一兩

共為細末薑橘湯送下二錢

半夏陳皮湯濟聖

治脾欬嗽

半夏

陳皮

杏仁去皮尖

赤茯苓

柴胡

麻黃去根節 各一錢

甘草五分

生薑一斤

水煎空心溫服

四味散濟聖

治腎欬嗽

補骨脂炙

牽牛子半生半炒

杏仁去皮尖 各一兩

郁李仁五錢

共研末茶送下二錢

黃耆散濟聖

治大腸欬嗽

黃耆

人參

白茯苓

桑白皮各一錢

甘草三兩

石為細末滾湯下三錢

鹿角膠湯濟聖

治大腸欬嗽

鹿角膠

杏仁去皮尖

甘草

半夏薑汁炒

麻黃去根節 各一錢

生薑三片

水煎空心溫服

痰飲

王節齋曰痰之本水也原於腎痰之動濕也主於脾余又從而續之曰痰之成氣也貶於肺俗云治痰先治氣清肅下行也又云脾為生痰之源肺為貯痰之器此六語堪為痰病之綱領大抵脾肺分其虛實腎藏辨其水火肺實者肺有邪也

若非寒邪即是火邪寒邪六安煎小青龍湯火邪清肺飲清燥救肺湯宜分別治之肺虛者本藏自虛治節不

行而痰聚之或從脾以治之為扶土生金之法或從腎以治之為補子救母之法蓋肺天也脾地也地氣上升

則天氣下降肺天也腎水也天體不連地而連水內經云其本在腎其末在肺以明水天一氣也脾土太過

氣滯鬱熱而生痰宜王節齋化痰丸主之脾土不及氣虛不運食少化遲而生痰者宜六君子湯理中湯加半

夏茯苓枳實主之腎具水火趙養葵曰非水泛為痰則水沸為痰但當分有火無火之異耳腎虛不能制水

則水不歸源上泛溢為痰是無火也故用八味丸以補腎火陰虛火動則水沸騰動於腎者猶龍火之出於海

龍興而水附動於肝者猶雷火之出於地疾風暴雨水隨波湧而為痰是有火也故用六味丸補水以配火此

不治痰之標而治痰之本也然則有火之痰與無火之痰何以辨之曰無火者純是清水有火者中有重濁白

沫為別耳長孫男心典按痰起於腎而動於脾聚於肺分之則有上中下之殊合之則一以貫之也痰者水

也治腎是使水歸其壑治脾是築以防隄治肺是導水必自高原也

化痰丸方見三字經王節齋曰古人用二陳湯為治痰通用所以實脾燥濕治其標也然以之治濕痰寒痰痰飲

痰涎則固是矣若夫痰因火上肺氣不清欬嗽時作及老痰鬱痰結成粘塊凝滯喉間吐咯難出此等之痰皆因火邪炎上薰於上焦肺氣被鬱故其津液之隨氣而升者為水薰蒸凝濁鬱結而成歲月積久根深蒂

固故名老名鬱此方開其鬱降其火清潤肺金而消凝結之痰緩以治之

六味丸 八味丸 六君子湯 補中益氣湯各見時方 理中丸 方見傷寒

清肺飲

貝母去心 桔梗 橘紅 茯苓 甘草 桑白皮 杏仁 以水煎服

仲景云其人素盛今瘦水走腸間漉漉有聲謂之痰飲飲後水流在脇下欬唾引痛謂之懸飲飲水後流行歸於四肢當汗出而不汗出身體疲重謂之溢飲欬逆倚息氣短不得臥其形如腫謂之支飲 後人不明四飲之表加留飲為五飲

不知留飲即痰飲也 次男元犀按仲景金匱要略分辨詳細方治神奇學者宜細心體認今為初學立法難以語上不得俯以從時而尋其簡要乎四字可以蔽其義曰微甚虛實微甚者以病勢而言虛實者以病人之身體而言也飲之微者小青龍驅之於外真武湯鎮之於內再以倍朮丸以燥之五苓散以利之桂苓朮甘湯以化之可以收功矣飲之甚者邪伏於背俞高處內與中氣相通外與表氣相接故邪動即大隊俱起勢如伏

兵此當表裏並治宜小青龍湯又木防己去石膏加芒硝茯苓湯治之又當上下分治喘不能息氣閉于上也宜葶藶大棗瀉肺湯主之腹滿腸間有水氣閉于下也宜防己椒目葶藶大黃丸主之如飲甚內痛必用十棗湯之峻方可搗其巢穴此治飲之大略也又當察其人之虛實以為用藥輕重緩急之準

葉天士曰飲為陰邪非離照當堂氤霧馬能退避若以地黃五味陰藥附和其陰則陰霾衝逆肆空飲邪滔天

草制宜附子人參茯苓大棗配生薑汁除陰維陽為妙 次孫男心蘭按葉天士此論為飲證之虛者而言

又仲師云微飲氣短苓桂朮甘湯主之腎氣丸亦主之此二句可為治虛飲之法
仲景治痰飲咳嗽諸方列喘證門宜細心研究

倍尤丸

白朮炒二兩 桂心 乾薑炒各一兩 蜜丸桐子大每服二十丸米飲下加至三十五丸食前服

小青龍湯 五苓散方各見傷寒

木防已湯方見金匱 開三焦水結通上中下之氣屬虛者

木防已去石膏加茯苓芒硝湯 水邪實結愈而復發

防已椒目葶藶大黃丸 腹滿口舌乾燥腸間有水氣 程氏曰防已椒目導飲於前清者從小便而出大黃

葶藶推飲於後濁者從大便而下此前後分消則腹滿減而水飲行脾氣轉而津液生矣

腎氣丸

苓桂朮甘湯 治胸脇支滿目眩 并治飲邪阻滯心肺之陽令呼氣短

甘遂半夏湯 治飲邪流連不去心下堅滿 程氏曰留者行之用甘遂以決水飲結者散之用半夏以散痰

飲甘遂之性直達恐其過於行水緩以甘草白蜜之甘堅以芍藥之苦雖甘草甘遂相反而實以相使此苦

堅甘緩約之之法也靈樞經曰約方猶約囊其斯之謂與 尤氏曰甘草與甘遂相反而同用之者蓋欲其

一戰而留飲盡去因相激而相成也白芍白蜜不特安中亦緩毒藥耳

十棗湯 治懸飲內痛 亦治支飲

大青龍湯 治溢飲之病屬經表屬熱者宜此涼發之

澤瀉湯 支飲雖不中正而迫近於心飲邪上乘清陽之位其人苦胃眩冒者民冒而神不清如有物冒蔽之也眩者目旋轉而下見眩黑也宜此湯主之

厚朴大黃湯 治支飲胸滿 支飲原不中正飲感則偏者不偏故直驅之從大便出

葶藶大棗瀉肺湯 治支飲不得息

小半夏湯 各方見金匱 治心下支飲嘔而不渴

茯苓飲 外臺 治積飲既去而虛氣塞滿其中不能進食此證最多此方極妙

茯苓 人參 白朮 各錢半 枳實 錢二 桔皮 錢二分半 生薑 錢二 水二杯煎七分服一日三服

三因白散 方見三字經

梨藕汁膏 治痰嗽諸虛奇驗如神

梨汁 藕粉 蘿蔔汁 生薑 人乳 白糖 沙糖 童便 各四兩

將八味放磁瓶內用炭火熬煎至一斤為止每日空心百滾湯調下四五錢服完即愈能常服則精神強健

永無虛損

款冬冰糖湯 治小兒吼嗽并大人款嗽方

秋花三錢 晶糖五錢 將二味放茶壺內泡湯當茶喫自然漸愈

海浮石滑石散 治小兒天哮一切風濕燥熱咳嗽痰喘並治大人等症

海浮石 飛滑石 杏仁各四錢 薄荷一錢 右為極細末每服二錢用百部煎湯調下

人參冬梨方 治痰火骨蒸吐血不足之證重十服八服即愈

人參 天冬一錢 麥冬各錢 茯苓五分 杏仁二枚去皮 紅棗二枚去核 蓮子六枚去皮

人乳三匙 白蜜三匙 大甜梨一個銅刀挖去心 將前藥製碎納梨內仍以梨蓋蓋之用綿紙封固飯上蒸

熟白間喫其無臨臥喫此梨

青黛蛤粉丸 治欬嗽吐痰面鼻發紅者一服即愈其效如神

青黛 水飛極細晒乾 再研用三四錢 蛤粉三錢 二味煉蜜為丸如指頭大臨臥口噙三丸

枇杷蜜湯 治痰火

用枇杷五十葉去毛水五十杯煎至五六杯再重湯燉至三四杯每藥三茶匙冬蜜一茶匙調下

薑糖湯 各方見種福堂 治老人上氣喘嗽不得臥

生薑汁五兩 黑砂糖四兩 用水煎二十沸時服半匙是漸漸嚙之

五味子湯 治傷燥欬唾中有血牽引胸脇痛皮膚乾枯

五味子五分 研 桔梗 甘草 紫苑茸 竹茹 桑根皮 續斷各一錢

生地_{二錢}

赤小豆_撮

右九味水煎空心服秘旨加白蜜一匙 長孫男心典按赤豆易生扁豆五

錢國圖不研最能退熱補肺但有寒熱往來忌之去續斷赤豆地黃加歲莖門冬乾薑細辛亦妙

麥門冬湯_{各見千金} 治大病後火熱乘肺欬唾有血胸膈脹滿上氣羸瘦五心煩熱渴而便秘

麥冬_{二錢 去心}

桔梗

桑根皮

半夏

生地

紫苑茸

竹茹_{各一錢}

麻黃_{七分去根節}

甘草_{五分炙}

五味子_{十粒研}

生薑_{一片}

右十一味水煎空心服

喘促

喘證最重而難醫吾觀庸醫凡遇喘證必投蘇子降氣湯一二劑不愈即用貞元飲治之不愈即加沈香黑鉛磁石牛膝之類曰吾遵景岳法施治無如其病深弗效也斯說也倡之於某老醫今已傳為成矩誠可痛恨余即以景岳之說正之景岳曰喘有虛實實者胸脹氣粗聲高息湧膨膨然若不能容惟呼出為快也論中未嘗不以風寒燥火怒氣痰飲分別而治之又曰虛喘者慌張氣怯聲低息短皇皇然若氣欲斷提之若不能升吞之若不能降勞動則其但得引長一息為快也論中未嘗不以老弱久病脾肺腎藏大虛及血後汗後婦人產後等證臚列而分治之其中不無語病者蓋未研究傷寒論金匱之旨而從涉獵醫書無怪其有庸淺處有似是而非處也余俯從時好即景岳虛實兩語而參以古法羅列經方及妥當時方以為臨證擇用

實喘方

越婢加半夏湯 欬而上氣此為肺脹其人喘目如脫脈浮大者

小青龍湯 肺脹欬而上氣心下有水氣脈浮者

桂苓五味甘草湯 小青龍雖治寒飲欬嗽上氣之良方而下虛之人不堪發散動其衝氣急用桂苓伐腎邪

五味斂肺氣以輯其火甘草調中氣以制其水

桂苓五味甘草加薑辛湯 方各見金匱 既藉桂苓之方下其衝氣而反更欬胸滿者是寒飲貯胸雖用桂而邪不

服嫌其偏於走表而去之加乾薑細辛取其大辛大熱以驅寒洩滿也 金匱法前證兼冒而嘔者加半夏

以驅飲名桂苓五味甘草去桂加乾薑細辛半夏湯 前證兼形腫者是肺氣滯而為腫加杏仁利之名苓

甘五味加薑辛半夏杏仁湯 前證又兼面熱如醉此為胃熱上衝其面加大黃三錢以利之 脈氣不利滯於外而形腫

滯於內而胃熱既以杏仁利其胸中之氣復以大黃利其胃中之熱 名苓甘五味加薑辛半夏大黃湯

徐忠可曰仲景數方俱不去薑辛即面熱亦不去薑辛何也蓋以薑辛最能洩滿止欬凡飲邪未去須以此二

味刻刻預防也

桂枝加厚朴杏仁湯 方見傷寒 喘家主之太陽病下之微喘以此解表

射干麻黃湯 欬而上氣喉中作水雞聲者

皂莢丸 欬逆上氣時時唾濁但坐不得眠 稠痰粘肺非此方不能清滌稠痰矣

葶菴大麥瀉肺湯 肺因支飲滿而氣閉氣閉則呼吸不能自如此方苦降以泄實邪

十棗湯 支飲家欬煩胸中痛者 喻嘉言曰五飲之中獨膈上支飲最為欬嗽根底外邪入而合之固嗽即

無外邪而支飲漬入肺中自令人欬嗽不已况支飲久蓄膈上其下焦之氣逆衝而上者尤易上下合邪也夫以支飲之故而令外邪可內下邪可上不去支飲其欬嗽終無虛候矣

麥冬湯方各見金匱 火逆上氣咽喉不利止逆下氣此方主之

瀉白散 治肺火喘嗽

四磨飲 治七情氣逆而為欬 並治一切實喘

蘇子降氣湯方各見時方 治痰嗽脹滿喘促上盛下虛

紫蘇湯聖濟 治卒氣短

紫蘇四錢 陳皮一錢 紅棗二枚 水酒煎服

虛喘方

加味六君子湯 治肺脾虛寒痰嗽氣喘

人參 白朮 茯苓 半夏各二錢 陳皮 甘草炙 乾薑各一錢

細辛八分 五味七分 水煎服

參附湯 治元氣虛脫手足逆冷汗出不止氣短欲絕黑按此上中下俱脫之證若中焦脾氣脫者以白朮一

兩代人參名朮附湯上焦肺氣脫者以炙黃耆一兩代人參名耆附湯但黃耆輕浮必加麥冬三錢五味一錢以納之下焦腎氣脫者以熟地黃一兩代人參但熟地性滯非痰所宜且功緩非急證所倚須加茯苓

四錢連之方為穩當觀仲景茯苓甘草湯茯苓桂枝白朮甘草湯真武湯三方皆以茯苓為君皆治汗出不止益以汗之火泄必引腎水上泛非茯苓不能鎮之此以平淡之藥用為救逆之品仲景之法所以神妙也
黑錫丹 治脾胃虛冷上實下虛奔豚五種水氣中風痰潮危證○喻嘉言曰凡遇陰火逆衝真陽暴脫氣喘痰鳴之急證舍此丹再無他法之可施于每用小囊佩帶隨身恐遇急證不及取藥且欲吾身元氣溫養其藥精于致靈厥功歷歷可紀徐靈胎曰鎮納元氣為治喘必備之藥當宜在平時非一時所能驟合也

六味丸 方各見時方 治腎陰虛不能納氣者加

麥冬 五錢 五味 一錢

腎氣丸 方見金匱 治腎陽虛不能納氣

全真一氣湯 馮氏錦囊 治上焦虛熱下焦虛冷此方清肅在上填實在下之法

熟地 一兩 人參 一二三錢或一兩另炮調復 麥冬 牛膝 各二錢 冬白朮 炒三錢 五味 七分 附子 重用一錢 水煎服

枸杞湯 方見時方 治氣短

貞元飲 見三字經 余推景岳製方之意以氣為陽血為陰大汗亡血產後及熱病之後血虛則氣無附麗孤陽無

主時見喘促故以此飲濟之緩之其要旨在濟之緩之四字今人順口讀過便致許多誤事蓋陰血枯竭最喜熟地之濡潤以濟之猶恐濟之不及濟故加當歸以助其濟之之力呼吸氣促最宜甘草之大甘以緩之猶恐緩之不能緩故用至二三錢以成其緩之功

孰地三五錢 當歸各二 炙草三錢 水煎服

長孫男心典按氣為夫血為妻無妻夫必蕩自然之今勢也此方補血為主使氣有歸附漸漸而平緩劑也人於真陽暴脫氣喘痰湧危證不知議用附子湯直痰武湯及黑錫丹等藥而以貞元飲投之則陰靈衝天涎如湧頃刻死矣 此方入經不能入腎不可不知

真武湯 治水氣欬嘔小便不利四肢腫腹痛 次男元犀按以上治喘等方多主水飲因仲景云短氣皆屬

飲一語悟出無數方法藥到病瘳指不勝屈方知取法貴上也 真武為北方水神之名湯者藉以鎮水也

附子辛熱壯腎之元陽則水有所主白朮之溫燥建中土則水有所制附子得生薑之辛散於補水中寓散

水之意白朮合茯苓之淡滲於制水中寓利水之道尤妙在芍藥之苦降以收真陽之上越蓋芍藥為春花之殿交夏而枯藉其性味亟令陽氣歸根於陰也

附子湯 方各見 傷寒 此方即真武湯去生薑加人參具補陽鎮陰分歧只一味與分兩略殊學者讀古人書必於

此處究心方能受益

金匱云氣短有微飲當從小便去之苓桂甘朮湯主之腎氣丸亦主之○喻嘉言曰飲邪阻礙呼吸故氣短但呼吸幾微之介不可辨若呼之氣短是心肺之陽有礙宜苓桂朮甘湯以通其陽陽氣通則膀胱之氣數利矣若吸之氣短是肝腎之陰有礙宜腎氣丸以通其陰陰通則少陰之關開矣 按氣短分及吸呼其言微矣

脈息 宜浮滑 忌短澀

景岳曰微弱細瀆者陰中之陽虛也 浮大弦北按之全虛者陽中之陰虛也 微弱者順而易醫 浮空者

險而難治

哮喘

聖濟總錄曰哮喘者欬而胸中多痰結於喉間與氣相擊隨其吸呼呀呻有聲故名哮喘宜調順肺經仍加消

痰破飲之劑 次男元犀按痰飲欬喘喘證俱宜參看

射干丸 方見妙用 治久哮喘喉中作聲發即偃臥不得

杏仁丸 聖濟 治哮喘有聲

杏仁 去皮尖炒 甘草 炙各一兩 大黃 蒸 牙硝 各五錢 共為末煉蜜丸如桐子大空心薑湯送下二十丸

紫苑杏仁煎 聖濟 治肺臟氣積哮喘不止因肺虛損致勞疾相侵或胃冷膈上熱者

紫苑 酥 各二兩 貝母 薑汁 各三兩 大棗 去皮核半斤 五味 人參 茯苓

甘草 桔梗 地骨皮 洗各一兩 白蜜 一斤 生地汁 六兩 共末與蜜生地汁同煎百沸器盛三五

次成飴煎臥含化一匙日二服

驚悸

有所觸而動曰驚無所觸而動曰悸凡怔忡悶惕皆其類也高鼓琴曰此心血少也起於腎水不足不能上升

以致心火不能下降大劑歸脾湯去木香加麥冬五味枸杞吞都氣丸 楊乘六云治怔忡大法無逾此旨 如怔忡而實挾包絡

一種有餘之火兼痰者則加生地川貝母黃連之類以清之○胡念齋曰雖緣心血不足然亦有胃絡不能上通者有脾脈不能入心者有宗氣虛而虛里穴動者有水氣凌心者有奔豚上乘者治法不甚相遠惟水氣與奔豚當另法治之 長孫男心曲按水氣凌心輕則用小半夏加茯苓湯以泄之重則用茯苓甘草湯以安之 再重則用真武湯鎮之奔豚用桂枝湯加桂枝之或以茯苓桂枝甘草大棗湯主之

脈息

不論浮沈遲數虛實大小最忌促結代散

方藥

桂枝加桂湯

茯苓桂枝甘草大棗湯○王晉三曰腎氣奔豚治宜泄之制之茯苓桂枝通陽泄滲保心氣以禦水凌甘草大

棗補土以制水泛甘瀾水緩中而不留入腎而不著不助水邪則奔豚臍悸之勢緩是湯即茯苓甘草湯惡

生薑性升而去之其義深切矣

小半夏加茯苓湯

方見金匱

真武湯

方各見傷寒

都氣丸即六味丸加五味子二兩

見賈在易

歸脾加梔子丹皮湯

方見時方

即歸脾湯加山梔丹皮各一錢

血證

朱丹溪云血隨火而升降凡治血證以治火為先然實虛火燈燭之火龍雷之火不可不辨

何謂實火外受風寒鬱而不解醞釀成熱以致大吐大衄脈浮而洪或帶緊宜用蘇子降氣湯加荆芥茜草根降真香玉竹之類以解散之如風寒鬱而不解以成內熱或陽藏之人素有內火及酒客蘊熱大吐大衄脈洪而實或沈而有力宜犀角地黄湯黃連解毒湯以涼瀉之四生丸雖是止血通瘀藥然止血之中兼有去瘀生新之妙所以可用今人於此證不敢用大苦大寒之品而只以止血套藥如黑梔子白芨末百草霜三才湯加藕節之類似若小心其實姑息容奸釀成大禍止血而不去瘀則瘀血停滯而為發熱欬嗽皮肉甲錯成乾血勞症仲景所以有虻蟲水蛭蟲蟲大黃之治法蓋此證火勢燎原車薪之火非一杯之水所可救今連梔柏及大黃之類補偏救弊正在此時俟火勢一平即以平補溫補之藥維之所謂有膽由於有識也凡此之類俱宜金下抽薪而金中之水無沸騰之患矣

四生丸 蘇子降氣湯

何謂虛火勞役飢飽過度東垣謂之內傷以補中益氣湯主之思慮傷脾倦怠少食肌肉瘦削怔忡不寐時立齋以歸脾湯主之東垣云火與元氣不兩立元氣進一分則火退一分所謂參者甘草為瀉火之良藥是也此證吐血欬血必積漸而來以至盈盈斗脈必洪大而重按指下全赤必以前湯及當歸補血湯峻補其虛虛回而血始止克血脫益氣古訓脫血至盈斗盈盆若用柔潤之藥凝滯經絡鮮克有濟必以氣分大補之品始可引其歸經此余屢試屢驗之法也又有脈細小而手足寒冷腹痛便滑此虛寒之證仁齋直指所謂陽虛陰必走是也以理中湯加木香當歸主之若沉於諸血屬火之說而用涼血止血套藥止而復來必致不起

可不慎哉

補中益氣湯

歸脾湯 次男元犀按白芍易木香是高鼓峯法從建中湯得來妙不可言 或加五味五分麥冬三錢血不

止加梔子茵草各一錢

當歸補血湯

以上三方宜因證加減 如血不止外以白芨三錢藕節三錢研末以藥汁送下三錢即止蓋

凡藥必由胃而傳化諸經而此散能直入肺竅而止血也或另用童便送下四錢亦妙

何謂燈燭之火人身陰陽曰水曰火水火之宅俱在兩腎之中如先天不足腎水素虛又兼色慾過度以竭其
精水衰則火亢必為欬嗽吐血欬血等證其脈浮虛而數或瀉而乳外證乾欬骨蒸口舌生瘡小便赤短如燈
燭之火油盡而自焚治之之法忌用辛熱固不待言即苦寒之品亦須切戒蓋以腎居至陰之地若用寒涼則
孤陰不生而過苦之味久而化火俱非陰虛證所宜也須用甘潤至靜之品補陰配陽趙養葵云燈燭之火雜

一滴水則滅

指苦寒之物

惟以六味丸養之以膏油余每於水虛火亢之重證用大補陰丸多收奇效

大補陰丸

方各見時方

此方滋陰降火能治六味丸所不能治之證勿以知柏之苦寒而疑之也余向亦不能無

疑後讀名醫方論極有發揮遂信用之

何謂龍雷之火腎中相火不安其位以致煩熱不寧舌燥口渴為吐血欬血衄血等證其脈兩寸洪大過於兩

關兩關洪大過於兩尺浮按洪大重按濡弱如無宜用景岳鎮陰煎馮氏全真一氣湯七味丸八味丸主之蓋

龍雷之火得雨而愈熾惟桂附辛熱之藥可以引之歸原所謂同氣相求也

鎮陰煎景岳治陰虛於下格陽於上則真陽失守血隨而溢以致大吐大衄六脈細脫手足厥冷危在頃刻

熟地一二兩 牛膝 澤瀉各二錢 附子 肉桂 炙草各一錢 水煎溫服如熱甚嘔痺以

水浸冷服 此方便孤陽有歸則血自安

八味丸方見時方 去附子名七味丸

全真一氣湯馮氏 滋陰降火之神方

熟地一兩 冬白朮人乳拌蒸 麥冬三錢 附子一錢 牛膝二錢 五味五分

人參二三錢或七八錢 水煎服用開水另燉調入

欬血唾血吐血方書分別肺胃等證何庸陋之甚也凡吐血衄血下血一切血證俱不必瑣分惟認其大綱則操縱自如 下血之方甚多火盛者以苦參子九粒或十四粒去殼取仁勿破以龍眼肉包好開水送下其效

又於血證諸方中擇其應用者再加槐花地榆各三錢黃芩一錢為使 下血證屬火固多而虛寒亦復不少

宜以景岳壽脾煎或聖尤煎加黑薑服之又常服黑地黃丸甚妙 仲景以先便後血為遠血用黃土湯先血

後便為近血用赤小豆當歸散神驗

黃土湯 治下血並治吐血衄血如神

赤小豆散方各見金匱 治下血先血後便為近血

又婦人血崩方不外惜紅煎加減如未效即宜大溫大補黃耆白朮可用二三兩附子可用至三五錢方效

前見婦人門 又男婦尿血不痛為尿血痛為血淋 以六味湯加血餘灰一兩煎好入生藕杆汁服亦有氣虛者當歸補血湯

為主挾熱者加竹葉梔子主之挾寒者加附子主之

脈息

失血脈扎 或兼瀉象 轉緊轉危 漸緩漸愈 虛微細小

元氣不支 數大浮洪 真陰不足 雙弦緊疾 死期可決

喻嘉言龍雷之火論

龍雷之火潛伏陰中方其未動不知其為火也及其一發暴不可禦以故載血而上溢蓋龍雷之性必陰雲四合然後遂其升騰之勢若天清月朗則退藏不動矣故凡涼血清火之藥皆以水制火之常法施之於陰火未有不轉助其虐者也吾為大開其扇則以健脾中之陽氣為一義健脾之陽一舉有三善也一者脾中之陽氣旺如天清日朗而龍雷潛伏也一者脾中之陽氣旺而胸中窒塞之陰氣則如太空不留纖弱也一者脾中之陽氣旺而飲食運化精微復生其已竭之血也况乎地氣必先蒸土為濕然後上升為雲若土燥而不濕地氣於中隔絕矣天氣不常清乎古方治龍雷之火每用桂附引火歸元之法然施之於暴血之證可暫不可常益已虧之血不能制其悍而未生之血恐不可滋之擾耳究而論之龍雷之火全以收藏為主以秋冬則龍潛雷伏也用收藏藥不效略用燥烈為鄉導以示同氣相求之義則可既已收藏豈敢漫用燥烈乎夫大病須用大

藥大難也者天地者夏而吾心寂然秋冬是也昔人逃禪字其妙夫禪而名之曰逃其心境為何如哉學者
遇此謬必以崇土為先土厚則濁陰不升而血患自息萬物以上為根元氣以上為宅不可不亟講矣

榮蓋酒飲 治大便下血萎蕪搗汁半鍾將好酒半鍾沖入空心溫服

早蓮丸 治大便下血虛弱者早蓮草陰乾為末以槐花煎湯調炒米粉糊丸如桐子大每日服五錢以人參

五分煎湯下二服即愈

牛膝酒煎 治男子莖中痛及婦人血結少腹痛牛膝一大握酒煮飲之

早蓮車前汁 各方見種福堂 治小便下血

早蓮草 車前子 各等分 將二味搗自然汁每日空心服一杯

桂扁猪臟飲 種福堂 治大便下血日夜數次歷年久病服之立愈猪臟一條洗淨桂圓肉二兩鮮白扁豆花

四兩 將二味搗爛用白糯米拌和裝入猪臟內兩頭紮住砂鍋內燉爛志見鐵器然後將人中白炙脆研

末蘸喫用醬油蘸喫亦可不論喫粥喫飯空心皆可喫喫四五條即愈

甘草青鹽丸 治大便下血

甘草 一斤 青鹽 四兩 將甘草研細末用滾水沖入青鹽將青鹽水煉甘草末為丸如桐子大早晚服

之無不見效

甘草乾薑湯

理中湯 方各見
傷寒

加大香當歸各等分

瀉白散 方見
時方

甘草湯 治心下痞 腹中脹 噎膈 飲食不進 宜下之 宜與四逆散中意

四逆散 治少陰病 手足厥逆 脈弦而沉 按之欲絕者 宜下之 宜與四逆散中意

早乾草 治心下痞 腹中脹 噎膈 飲食不進 宜下之 宜與四逆散中意

早乾草 治心下痞 腹中脹 噎膈 飲食不進 宜下之 宜與四逆散中意

早乾草 治心下痞 腹中脹 噎膈 飲食不進 宜下之 宜與四逆散中意

早乾草 治心下痞 腹中脹 噎膈 飲食不進 宜下之 宜與四逆散中意

醫學從衆錄卷二終

閩吳航陳念祖脩園甫著

次男元犀靈石參訂孫男心典藏卷全校字

遺精

夢而遺者相火之強也宜用龍膽瀉肝湯送下五倍子丸二錢經云厥氣客於陰器則夢接內蓋肝主疎泄相火鼓之則腎雖有閉藏之權亦拱手授之矣不夢而遺者心腎之虛也以六味丸為主煎補中益氣湯送下以升提之或用心過度心不能主令而相火用事者亦前丸為主而兼用歸脾湯有命門火衰元精脫陷陽關不閉者急用八味丸以壯陽氣使之涵乎陰精而不洩此趙氏之法本具師薛氏實中庸之道也至於景岳秘元煎固陰煎芥末免絲煎皆見症治症之方也 張景岳云精之藏制雖在腎而精之主宰則在心凡少年多慾之人或心有妄想外有妄遇以致君火搖於上相火熾於下則水不藏而精隨以洩

診法

訣云遺精白濁 當驗之尺 結扎動緊 二症之的 正傳云兩尺洪數必便濁遺精

龍膽瀉肝湯

方見時方

治脇痛口苦耳聾筋痿陰濕熱瘡陰腫白濁溲血

今借治夢泄以肝實而火盛也大苦

大寒不宜常服加味道遙散可以代之

五倍子丸

治遺精甚效

五倍子

青鹽煮晒焙

茯苓各二兩

蜜丸桐子大每服二錢日二服空心鹽湯送下

或以藥汁送下

又按有夢而洩者於補腎攝精中加蓮子心一錢生棗仁二錢所以治其妄夢也多效又

多夢者神之亂也龍為天地之神故龍骨最能補神而治妄夢合之牡蠣之鹹寒便能引火歸原金匱桂枝

龍骨牡蠣湯最為神妙 蓮瑱為標藥中之神品

桂枝龍骨牡蠣湯 方見金匱

治男子失精女人夢交 夢交夢與男交合也

按虛羸浮熱汗出者除桂加白微一錢附子五

分名曰二加龍骨湯 方見時方

秘元煎 景岳 主治心脾

遠志 八分

山藥 芡實 棗仁 炒各二錢

白朮 炒

茯苓 各一錢半

炙草 一錢

人參 一二錢

五味 十四粒

金櫻子 去核二錢

水煎服 有火覺熱者加苦參一二錢 氣大虛者加黃耆二三錢

固陰煎 主治肝腎

人參 隨宜

熟地 三五錢

山茱萸 錢半

遠志 七分

山藥 炒二錢

免絲子 炒香二錢

炙草 一錢

水煎服 或加金櫻子三錢

蒼朮免絲子煎 主治脾腎

茯苓 白朮 米泔洗炒

蓮子肉 各四兩

五味 酒蒸

山藥 炒各二兩

杜仲 酒炒三兩

炙草 五錢

免絲子 製一兩

共研細末以陳酒糊丸桐子大空心滾湯下百餘丸虛氣不攝精加人參四兩

張石頑曰夢遺為肝熱膽寒以肝熱則火淫於外魂不內守故多浮夢失精或時心悸肥人多宜此清肝不必

補腎溫膽湯加人參茯苓棗仁蓮肉 又曰夢遺多是虛陰火氣用事苟非確保陽虛桂附鹿茸等助陽之藥

慎勿輕用非確係氣虛參朮遠志輩益氣之藥不可漫施試觀夢遺必在黎明陽氣發動之時其為陰虛陽擾

可知矣沈芊綠云心藏神肝藏魂腎藏精夢中所主之心即心之神也夢中所見之形即肝之魂也夢中所洩之精即腎之精也要之心為君肝腎為相未有君火動而相火不隨之者當先治其心火而後及其餘宜黃連清心飲茯苓湯加減

黃連清心飲

黃連

生地

甘草

當歸

人參

茯苓

棗仁

遠志

蓮子各等分

水煎服

茯苓湯

茯苓

遠志

菖蒲

茯苓

黃連

生地

當歸

甘草

蓮子

棗仁

人參隨時加減

水煎服

文蛤津膈膏

治遺精用文蛤研細末用以女兒津調貼臍內立止

思仙丹各見種福堂

治陰虛火動夢遺神方

蓮鬚

石蓮肉去肉青翳并外皮

芡實各十兩去殼

右為末再以金櫻子三觔去毛子水淘淨入大鍋內水

煎濾過再煎加飴糖和勻前藥丸如桐子每服七八十九

封髓丹 治遺精

砂仁一兩

黃柏三兩

甘草七分

右末煉蜜丸

四君子湯方見時方

原方加龍骨牡蠣蓮鬚

溫膽湯 即二陳湯加竹茹三錢枳實八分

赤白濁

濁者渾濁之謂也方書多責之腎而余獨求之脾蓋以脾主土土病濕熱下注則為濁病濕勝於熱則為白熱勝務濕則為赤治之之法不外導其濕熱濕熱去而濁自清矣蒼白二陳湯加黃柏石菖蒲萆薢主之久患不愈宜求之腎以二妙地黃丸與萆薢分清飲間服又內經云中氣虛而溺為之變宜四君子湯補中益氣湯加減主之又有命門火衰氣不攝精致敗精為濁宜以八味溫其命火加兔絲子車前子導其敗精總之濁出精竅與淋出溺竅者不同病之稍久宜固腎不宜利水此要旨也

蒼白二陳湯 蒼朮鹽水炒 白朮 茯苓 半夏各二錢 陳皮 甘草

黃柏各一錢 萆薢三錢 石菖蒲八分 水煎空心服 如赤濁加連翹一錢五分丹參二錢蓮子心五分

如脈弦脇痛為肝火加龍膽草梔子各一錢如口渴氣喘脈瀉是為肺火加麥冬三錢桑白皮紫苑各二

錢五分 如咽痛脈沉為腎火加元參三錢 次男元犀按此方妙在半夏升清降濁熟讀本草經者自知

二妙地黃丸馮氏 熟地四錢 山茱萸 蒼朮鹽水炒 山藥各二兩 茯苓 丹皮 澤瀉 黃柏秋石水浸炒

蜜丸桐子大每服三五錢日二服鹽湯下 或加牡蠣二兩益智仁一兩兔絲子一兩車前子七錢

萆薢分清散方見時方 治真元不固赤白濁

將軍蛋方 治白濁兼治遺

生大黃三分研末 生雞子一個 將雞子頂尖上敲破一孔入大黃末在內紙糊收熟空心喫之四五朝即愈

龍牡兔韭丸 治色慾過度赤濁白濁小水長而不痛并治婦人虛寒淋帶崩漏等症

生龍骨飛

牡蠣飛

生兔絲粉

生萆子粉

右四味各等分不見火研細末乾麵冷水調漿

為丸每服一錢或至三錢晚上陳酒送下清晨服亦可

蠶沙黃柏湯

治遺精白濁有濕熱者

生蠶沙一兩

生黃柏一錢

二味共研末空心開水下錢六七服愈

白菓蛋方

治白濁用頭生雞子一個開一小孔入生白菓肉二枚飯上蒸熟每日喫一個連吃四五次即愈

龍骨韭子湯

治遺精滑失

白龍骨一兩

韭子一合

右為末空心陳酒調服三錢

小免絲石蓮丸

治女癆夜及遺精白濁崩中帶下諸證

免絲子五兩酒浸研

石蓮肉二兩

白茯苓一兩

右為細末山藥糊為丸桐子大每服五十九加至一百九或

酒或鹽湯空心送下如脚無力木瓜湯下晚食前再服

龍蓮芡實丸

各見種福堂

治精氣虛滑遺不禁

龍骨

蓮鬚

芡實

烏梅肉

各等分為末用山藥丸如小豆大每服三十九空心米飲下

瘰癧五淋

瘰癧者小便點滴不通甚而為脹為腫喘滿欲死五淋者小便痛澀淋瀝欲去不去欲止不止有沙膏氣血勞五種之分瘰癧用利水之藥人所知也若愈利而愈閉脹悶欲死宜治其本經云膀胱者州都之宜津液藏焉氣化則能出矣今小水點滴不能出病在氣化可知桂性直走太陽而化氣此症實不可缺陰虛不化熱逼膀胱小腹脹痛尺脈旺宜服滋腎丸主之陽虛不化寒結膀胱小腹不痛尺脈弱宜加減腎氣丸主之然猶恐

未能即効又有巧法以施譬之滴水之器閉其上而倒懸之點滴不能下也去其上之閉而水自通流宜以補中益氣湯提之即以此藥再煮服盡以手探吐頃刻即通而更有啟其外竅即所以開其內竅之法麻黃力猛能通陽氣於至陰之下肺主皮毛配杏仁以降氣肺氣下達州都導水必自高原之義也以八正散加此二味其應如響如夏月不敢用麻黃恐陽脫而汗瀉不止以蘇葉防風杏仁三味等分水煎溫服覆取微汗而水即利矣此張隱菴治水腫驗案虛者以人參麻黃各一兩煎服神效此盧晉公驗案如汗多不任再散者即以紫苑桑白皮各三錢麥冬五錢加於利水藥中或加於升提藥中亦効此李士林驗案皆下病上取之法也治水腫者可遵此法以治其標厚朴炮薑附子以扶脾氣以復元氣

淋症有五方治甚多而總不外於蘊熱統以景岳大分清飲主之 石淋下如沙石合益元散更加琥珀或石

首魚頭內石子五六個研末調下 膏淋下如膏脂加草薺海蛤粉各二錢石菖蒲八分 氣淋氣滯不通

臍下妨悶脹痛加荊芥二錢香附生麥芽各一錢不愈再加升麻或用吐法 血淋瘀血停蓄莖中割痛難

忍加牛膝生地當歸桃仁各三錢紅花川芎各一錢不愈另用牛膝膏 勞淋從勞役而得氣化不及州都

本方合補中益氣湯同煎服 以上五淋俱屬蘊熱所致又有一種名曰冷淋四肢口鼻冷喜飲熱湯以加

味腎氣湯主之更有過服金石熱藥敗精為淋與老人陽已痿而思色以降其精則精不出而內敗以致大

小便牽痛如淋愈痛則愈便愈便則愈痛宜前飲加草薺免絲子石菖蒲遠志以導之後服六味丸

脈息與遺精 宜浮大 忌沉細

方藥

滋腎丸見時方

治小便點滴不通及治衝脈上逆喘呃等證

補中益氣湯見時方

治一切氣虛下陷 加味腎氣丸見水種

大分清飲景岳

茯苓 澤瀉

木通各三錢

猪苓

梔子用

枳殼

車前子各一錢

或加甘草一錢

八正散寶鑑

治諸淋

瞿麥

梔子

扁蓄

大黃

滑石

木通

車前子

甘草各一錢

加燈心一錢水煎服

牛膝膏

治死血作淋

桃仁去皮尖

歸尾各一錢

牛膝四兩酒浸一宿

白芍

生地各兩半

水十鍾微火煎

至一碗入麝香少許四次空心服如夏月用涼水浸換此膏不壞

附用諸方

括蕞覆麥丸方見金匱

小便不利者有水氣其人若渴此主之

胞轉方 治丈夫女人胞轉不得小便八九日者

滑石片

寒水石一兩研

葵子一錢

以水一斗煮五升服盡即利

治石淋方用車前子一升絹袋以水八升煮取三升空心頓服之須臾當下石子宿勿食服之良古之一升今約畧小茶鍾一鍾

古之一兩 約畧三鍾

治熱淋方各見千金翼用白茅根四兩洗淨水一斗五升煮取五升每服一升日三夜二

治血淋方用生苧根洗去皮五兩水六杯煎三杯每服一杯一日三服

治血淋方用天青地白草錢五水二杯煎八分空心服一日兩服

田螺青鹽膏 治中暑大小便不通用田螺三枚搗爛入青鹽三錢攤成膏貼在臍下一寸即愈

獨蒜梔子貼臍膏 各見種福堂 治小便不通

獨囊大蒜一個 梔子二十個 鹽一匙 共搗敷臍中良久即通若不通敷陰囊上即愈

五淋湯

龍膽瀉肝湯 各見時方 治脇痛口苦耳聾筋痿陰濕熱瘡陰腫白濁澀血

心痛

心痛即胃脘痛也心為君主之官本不受邪若受邪而痛是真心痛手足青至節朝作夕死痛有九種宜細辨而藥之

氣痛脈沉而澹諸氣鬱滯及七情過用所致宜二陳湯加沉香烏藥百合主之

加味二陳湯 半夏 烏藥 茯苓各二錢 炙草七分 陳皮一錢 沉香五分 百合五錢或一兩

生薑三片 水煎服 百合合衆瓣而成有百脈一宗之象其色白而入肺肺主氣肺氣降則諸氣俱調此

醫書所不載余得之海外奇人屢試屢效 或無沉香即用紫蘇葉一錢代之

血痛脈浮沉俱澹其痛如刺不可按捫或寒熱往來大便宜黑失笑散主之見時方 長孫男心典按挾熱者加

梔子三錢高良薑一錢煎湯送下寒者以肉桂一錢煎湯送下

痰痛即飲痛脈滑數嗽其痛游走無定宜二陳湯加乾蘆白五錢瓜蒌皮二錢主之

火痛脈數而實口渴面赤身熱便秘其痛或作或止宜金鈴子散見時方主之如火盛者用梔子二錢川煉子去

核黃連良薑澤瀉丹參各一錢香附一錢五分水煎服

冷痛脈遲而微細手足俱冷其痛綿綿不休喜用熱手按者宜桂附理中湯加當錢二錢以濟其剛木通一錢

以通其絡痛久則入絡也

虛痛即悸痛脈浮而小細或沉而短瀆其痛重輕相間多日不愈心悸最喜摩按得食小愈飢則更痛宜歸脾

湯加石菖蒲一錢朱香五分主之

注痛入山林古廟古墓及感一切異氣而痛其人言語錯亂其脈乍大乍小左右手若出兩人宜平胃散加藿

香二錢入些小麝香服之

蟲痛脈如平人其痛忽來忽止聞肥甘之味更痛聞食而蟲頭上昂也按摩稍止蟲驚而暫伏也唇紅舌上有白花點年力壯者

以景岳掃蟲煎主之虛弱者以理中湯去甘草加烏梅二枚川椒一錢五分吳茱萸黃連肉桂各一錢當歸二

錢主之

食痛食積停滯噎腐吞酸惡食腹滿其痛或有一條扛起者脈實而滑右關更實宜平胃散加山查麥芽半夏

各二錢脹甚者更加萊菔子生研一錢水煎服如初病食尚在胃服此湯即以手探吐之

又簡易方

荔香散 治心痛甚效婦人无效服數次可以除根

荔支核 一兩二鈔炒 木香 七錢不見火 共研末米湯或開水或酒下二錢

皂角散 治胃脘劇痛百藥不效服此即止 牙皂 去子強炒 每服一錢燒酒送下此可偶服不可常服

遊山方 治胃脘痛多效 草果 元胡索 五靈脂 醋炒 沒藥 炒各二錢 共研末酒調下二三錢

掃蟲煎 景岳 治蟲上攻胸腹作痛 青皮 吳茱萸 茴香 各一錢 檳榔 烏藥 各錢半 細樞肉 三錢

烏梅 二枚 甘草 八分 硃砂 雄黃 各五分 水煎入雄黃硃砂末調服 先啖肉脯少頃服藥

靈脂厚朴散 治心頭痛欲死不可忍者

靈脂 良薑 厚朴 薑汁炒 右等分為細末每服一錢醋湯下即止

黑棗胡椒散 各見種福堂 治心口胃脘痛 用大黑棗去核每個中間入胡椒七粒仍將棗包好炭火上煨焦黑

存性研末每服四分陳酒送下三四服必愈如木香枳殼紅花當歸五靈脂少許更妙

黑棗丁香湯 種福堂 治胃寒嘔吐并治寒瘧用大黑棗七枚去核每個納入丁香一粒煮爛去丁香將棗連湯

空心服七服見效

腹中上下諸痛

腹中上下諸痛寒熱虛實皆能致之溫清消補及發表攻裏諸法皆所以止痛故止痛無定方也今因醫學真

傳部位分析清楚亦是認證之捷徑故全錄之噫金匱諸法何等精詳十載研窮致護迂濶今亦窮而知返也然古聖賢章程終不敢廢編中所錄雖曰從時亦從純而不從拜乎上之道也

心痛

心為君主而藏神不可以痛今云心痛乃心色之絡不能旁通於脈故也心痛有論有方今因全錄高士宗此論存之以備參考○福堂良方有丹

參一兩檀香砂仁各一錢煎服 心脈之上則為胸膈胸膈痛乃上焦失職不能如霧霽之溉則胸痺而痛薤白萸仁貝母豆

蔻之藥可以開胸痹以止痛 兩乳之間則為膈胸膈痛者乃肝血內虛氣不充於期門致衝任之血不能

從膈胸而散則痛當歸白芍紅花銀花續斷木香之藥可和氣血而止痛 有中脘作痛手不可近者夫手不

可近乃內外不和外則寒氣凝於皮毛內則垢濁停於中脘當審其體之虛實而施治其若以燈草當痛處爆

十餘點則寒結去而內外通便不痛矣 有中脘之下當陽明胃土之間時痛時止者乃中土虛而胃氣不和

若行血消洩之劑服之過多便宜溫補但以手重按之則痛稍平此中土內虛虛而且寒之明驗也宜香砂乳

下兩旁胸骨盡處痛者乃上下陰陽不和少陽樞轉不利也傷寒病中每多此痛當助其樞轉和其氣血上下

通調則愈矣宜小柴胡湯加味 大腹痛者乃太陰脾土之部痛在內而緩坤土虛寒也痛兼內外而急脾絡不通也

蓋脾之大絡名曰大包從經隧而外出於絡脈今脾絡滯而不行則內外皆痛太陽篇云傷寒陽脈濇陰脈弦

法當腹中急痛先與小建中湯不差者與小柴胡湯此先補益於內而後樞轉於外也 臍旁左右痛者乃衝

脈病衝脈當臍左右若為寒氣所凝其衝脈之血不能上行外達則當臍左右而痛當用血分之藥使胞中之

血

脈

脈

血通達肌表若用氣藥無裨也當歸四逆湯加吳茱萸生薑臍下痛者乃少陰水藏太陽水府不得陽熱之氣以施化致

陰寒凝結而痛少陰虛寒當用附子肉桂以溫之太陽水府虛寒亦當用附子桂枝以溫之蓋太陽與少陰相

為表裏互為中見者也亦有火逼膀胱不通而痛者小腹兩旁謂之少腹少腹痛者乃厥陰肝藏之部又為胞中之血海蓋

胞中之水主於少陰而胞中之血主於厥陰也痛者厥陰肝氣不合胞中之血而上行也肝臟不虛者當疏通

以使之上肝臟虛者當補益以助其下蓋厥陰不從標本從中見少陽之氣使厥陰上合乎少陽則不痛矣

兩旁季脇痛者肝氣虛也宜熯兩脇之上痛者少陽之氣不和也宜小柴胡去參棗加牡蠣青皮之類景岳云

精虛不能化氣氣虛不能生血而然凡人之氣血猶源泉也盛則疏通腎虛羸弱之人多胸脇間隱隱作痛此肝腎

少則壅滯使不知培補氣血但以行滯通經則愈行愈虛鮮不殆矣 又高士宗云所痛之部有氣血陰陽

之不同若概以行氣消導為治漫云通則不痛夫通則不痛理也但通之之法各有不同調氣以和血調血以

和氣通也下逆者使之上行中結者使之旁達亦通也虛者助之使通寒者溫之使通無非通之之法也若必

以下洩為通則妄矣

附錄備用方

栝萸蘆白酒湯方見金匱胸痹喘息效唾胃背痛短氣寸脈沉而遲關上小緊 方中加半夏二錢名栝萸蘆

白半夏湯治胃痹不得卧心痛徹背

小建中湯 大建中湯各見傷寒治心胃大寒痛嘔不能飲食腹中寒上衝皮起出見有頭足上下痛不可觸

近長孫心典按上中二焦為寒邪所痺故以參薑啟上焦之陽合飴糖以建立中氣而又以椒性下行降逆

上之氣復下焦之陽為溫補主方

附子粳米湯 腹中寒氣雷鳴切痛胸脇逆滿嘔吐 徐忠可曰此方妙在粳米鳴而且痛腹中有寒氣也乃

滿不在腹而在胸脇是邪高痛下寒邪實從下而上所謂腎虛則寒動於中也故兼嘔逆而不發熱以附子

溫腎散寒半夏去嘔逆只用粳米合甘棗調胃建立中氣不用木恐壅氣也

大黃附子湯 脇下偏痛發熱錢院使云偏當作滿其脈緊弦此寒也按痛而滿滿連脇下而六脈弦緊非附子不能溫

其寒非大黃不能攻其實非細辛不能散其結聚三藥實並行不倍也

厚朴三物湯 痛而閉者此湯主之

當歸生薑羊肉湯各見金匱寒疝腹中痛及脇痛裏急者亦治產後腹中疝痛 一按寒多者加生薑二兩五錢痛多

而嘔者加陳皮五錢白朮二錢五分

煖肝煎景岳 治肝腎虛寒小腹痛疝氣等症

當歸二三錢 枸杞三錢 茯苓 烏藥 小茴各二錢 肉桂一二錢

沉香一錢或木香亦可 生薑三五片 水煎服 按此方加防風細辛桃仁山萸肉治肝虛脇痛有奇效

枳芎散 治左脇刺痛 枳實 川芎各五錢 炙甘草二錢 為末每服三錢薑湯下

推氣散 治右脇疼痛脹滿不食 薑黃 枳殼炒 桂心各五錢 炙甘草二錢 為末每服三錢薑湯下

嘔吐噦

吐者有物無聲噦者有聲無物嘔者聲物俱出總屬於胃時醫以二陳湯加藿香砂仁統治之雖是庸淺活套尚不得理余亦從之但當分別寒熱虛實表裏而加減耳寒者口和身冷或兼腹痛脈必遲細吐出如多有冷氣宜再加吳萸乾薑丁香之類熱者或為熱渴或為煩躁脈必洪數吐必湧猛形氣聲色必皆壯厲宜再加黃芩黃連麥冬沙參竹茹之類實者或因食滯必多脹滿宜再加厚朴山查麥芽神麩之類或因氣逆必痛連脇肋宜再加撫芎香附紫蘇連翹之類或另用左金丸逍遙散之類表者邪自外至必頭痛發熱宜倍用羌薑裏者邪不在表兼心下痞者宜二陳湯加黃芩黃連乾薑人參大棗做半夏瀉心湯之意兼見腹滿便硬者二陳湯加厚朴大黃做承氣湯之意若在半表半裏必見口苦寒熱往來宜另用小柴胡湯治之虛者胃氣虛也或命門火氣虛也宜二承湯加香砂外重用人參白朮以補腎氣不愈更加乾薑附子吳萸以溫補命門或以八味丸湯直補命門真火隨宜變通景岳云無實無火而嘔吐者胃虛也或誤服寒涼而嘔吐者胃虛也食無所停聞食則嘔者胃虛也氣所無逆聞氣則嘔者胃虛也或食入中焦而不化者胃虛也食入下焦而不化者命門虛也然胃本屬土非火不生非煖不化是土寒即土虛也土虛即火虛也脾喜煖而惡寒土喜燥而惡濕故張石頑治虛寒嘔吐每用伏龍肝兩許煮湯澄清代水煎藥可謂得治吐之大要矣治泄瀉亦不外此理而吐呃亦屬胃虛宜於六君子湯去甘草加黃連乾薑蜀椒之類

次男元犀按仲景旋覆代赭石湯本以治心下痞噎氣不除今於嘔吐不止之症借用其效者取其重以降逆也乾薑黃連黃芩人參湯本以治寒邪隔熱於上焦今於食入即吐之症取用其效者以乾薑散上焦之

寒於連清心下之熱人參通格逆之氣而調其寒熱以至和平不用生薑半夏者胃氣虛不堪辛散不用甘草大棗者嘔不宜甘也又吳茱萸湯治陽明食穀欲嘔又治少陰病吐利手足逆冷煩躁欲死又治乾嘔吐涎沫頭痛三症如神蓋取吳茱萸大熱宜入厥陰能降氣而消陰翳人參扶其生氣薑棗和其胃氣使震坤合德土木不害而嘔吐平矣 噦者胃中虛冷及停飲居多亦有先於攻下胃中實熱而噦者證必腹滿仲景云噦而腹滿視其前後知何部不利利之則愈承氣湯猪苓湯是也 噦逆有虛熱桔皮竹茹湯噦屬虛寒桔皮乾薑瀉寒甚去通草加丁香附子寒熱錯雜者去甘草加丁香柿蒂 噦聲頻密相連為實攻熱為主若半時噦一聲者為虛溫補為主如腹滿不尿脈散頭汗目瞪而噦者死在旦夕

診法

上部有脈下部無脈其人當吐不吐者死脈陽緊陰數為吐陽浮而數亦吐寸緊尺瀉胃滿而吐寸口脈數者吐緊而瀉者難治緊而滑者吐逆脈弱而嘔小便復利身有微熱見厥者難治病入欲嘔吐者不可下之嘔吐大痛吐出色如青菜色者危

旋覆代赭石湯方見傷寒 治胃虛噫氣不除

進退黃連湯見實傷寒 黃連薑汁炒 乾薑炮 人參人乳拌蒸 半夏薑製各錢半 桂枝三錢 大棗二枚

進法用本方上三味俱不製水三茶杯煎一杯溫服退法不用桂枝黃連減半或加肉桂五分如上逐味製熟煎服法同但空朝服崔氏八味丸三錢半飢服煎劑耳

吳茱萸湯 治胃氣虛寒乾嘔吐涎沫頭痛

乾薑黃連黃芩人參湯各見傷寒 柯韻伯云凡嘔家夾熱不利於香砂橘半者服此方而晏如 長孫男心典按

食入即吐不使少留乃火炎之象故苦寒倍於辛熱不名瀉心者以瀉心湯專為痞鞭立法耳要知寒熱相結於心下而成痞鞭寒熱相阻於心下而成格逆源同而流異也

乾薑

黃連

黃芩

人參各錢半

水煎服溫

橘皮竹茹湯

治胃虛噦逆

中焦氣虛則厥陰風木得以上乘穀氣因之不宣變為呃逆用橘皮升降中氣

人參甘草補益中焦生薑大棗宣散逆氣竹茹以降膽木之風熱耳

橘皮乾薑湯

治乾嘔吐逆吐涎沫而噦

補論

金匱云病人欲吐者不可下之 欲吐者陰邪在上也若下之不惟逆其陽氣反傷無故之陰變害其測豈獨反胃而已

食已即吐者大黃甘草湯主之

胃素有熱食復入之兩熱相衝不得停留用大黃下熱甘草和胃張石頑云

仲景既云欲吐者不可下又用大黃甘草湯治食已即吐何也曰欲吐病在上因而越之可也逆之使下則

必憤亂益甚既吐矣吐而不可已有升無降當逆折之使下故用大黃

大黃甘草湯

方見金匱

治食已即吐

通草橘皮湯金 治傷寒胃熱嘔逆 通草錢 橘皮半 粳米兩 生蘆根汁 水煎熱服

去通草橘皮加竹茹生薑汁千金名蘆根飲子治傷寒後嘔噦反胃乾嘔 丹溪云凡嘔家禁用服瓜萸實

桃仁菜菔子山梔一切有油之物皆犯胃作吐景岳云嘔家亦忌蒼朮以其味不醇而動嘔也 沈芊綠云食已心下痛隱隱不可忍吐出痛方止證名食痹吐食宜此湯服之

茯苓半夏湯 麥芽 茯苓 半夏 白朮 神麴 橘皮 天麻 生薑各等分 水煎服

麥天湯 亦主之 麥冬 天麻 茯苓 白朮 半夏 陳皮 神麴 生薑各等分 水煎服

呃逆

景岳曰呃逆症謂其呃之連聲無不由於氣逆而呃之大要亦惟三者而已一曰寒呃二曰熱呃三曰虛脫之呃寒呃者頭痛惡寒發熱脈緊外寒可散宜二陳湯倍加生薑陳皮主之腹痛口中和手足冷脈微內寒可溫以理中湯四逆湯加丁香砂仁主之去其蔽抑之寒而呃止矣火呃者口渴煩躁三焦之火可清以黃芩湯加半夏竹葉石膏湯加薑汁主之潮熱狂亂腹滿便鞭陽明實火可下以三承氣湯主之火勢未甚者只以安胃飲主之去其衝上之火火靜則氣自平而呃止矣惟虛脫之呃或以大病之後或以虛羸之極或以虛損誤攻而致呃逆者當察其中虛速宜補脾以君六子湯理中湯加丁香柿蒂白豆蔻主之察其陰虛速宜補腎以六味湯八味湯加紫石英主之歸氣飲最妙虛甚者必須大劑補元煎加丁香白豆蔻主之然實呃者不難治惟元氣敗竭者乃最危之候也更有傷寒之呃者仍當於傷寒門閱之張石頑曰平人飲熱湯及食椒薑即呃者

此胃中有寒痰死血也死血用韭汁童便下越麴丸虛人用理中湯加蓬木桃仁痰加茯苓半夏呃逆皆是寒熱錯亂二氣相搏使然故治亦多用寒熱相兼之劑觀丁香柿蒂散可以知其義也

丁香柿蒂散 治呃逆通劑 丁香 柿蒂 等分為末每服二錢開水送下

安胃散 景岳 治胃火上衝呃逆不止 陳皮 山查 麥芽 各五分 木通 澤瀉 黃芩

石斛 各一錢 水煎食遠服 如胃火熱甚加石膏

歸氣飲 景岳 治氣不順呃逆嘔吐或寒中脾腎等症

熟地 錢三五 茯苓 扁豆 各二錢 乾薑 炮 丁香 陳皮 各一錢 藿香 錢半 炙草 八分

水煎服 中氣寒甚加製附子 肝腎寒者加吳茱萸肉桂或加當歸

羌活附子湯 治腎冷呃逆

附子 羌活 茴香 各一錢 乾薑 四分 木香 二分 為末入鹽一撮水煎微溫服

丁香煮散 與局方不同 治胃反嘔逆呃噦泄瀉

丁香 三十粒 建蓮肉 去心二十七粒上 生薑 七片 黃秫米 半盞 水一碗半煮熟去薑藥啜

半夏生薑湯 方見金匱 治呃逆欲死

刀豆子散 治病後呃逆不止用刀豆子燒存性滾水調服二錢即止

元紅散 各見種福堂 治呃逆不止用荔枝 七個 連皮燒灰存性為末百滾湯調服立止

聞吳航陳念祖修園甫著

次男元犀靈石參訂孫男心典徽菴同校字

瘵 厥 癩 狂 癩 癱 瘵

厥者從下厥上之病也傷寒論厥以手足厥冷而言陽厥用四逆散陰厥用四逆湯此主內經瘵者強直反

張之象也癩者猝然昏仆筋脈痠痲口角流涎或作牛馬猪羊雞之聲後人分為五癩是也病有間斷癩者或

歌或哭如醉如癡其候多靜而常昏狂者語言狂妄少卧不飢其候多躁而常醒癱瘵者病在筋骨左癱右瘵

將成廢人六症醫書分治其實一厥陰盡之治得其要口取數方捷如影響蓋厥陰屬風木與少陽相火同居

厥陰之氣一逆則諸氣皆逆氣逆則火發火發則風生風生則必挾木勢而害土土病則聚液而成痰其歸并

於心也心氣大虛而不能禦之或從陽化而為狂或從陰化而為癩心氣尚未全虛受其所凌則昏倒正氣一

復而遂瘵其症有作有止則為癩其逆行於內也或乘腎氣之虛則瘖瘵而為腎厥或因煩勞以擾其陽陽亢

陰虧而為煎厥或怒火載血上行氣血亂於胸中相薄而厥逆則為薄厥或因怫鬱不解陽氣不能四達手足

與身俱冷中風身溫中氣身冷則為氣厥或陽騰絡沸則為血厥或因穢濁蒙神亂其陰陽之氣則為尸厥或於飽食之

後適有感觸胃氣不行陽并於上則為食厥時見吐衄則為衄厥溼痰上逆則為痰厥以及陽衰而陰湊之令

人五指至膝上皆寒則為陰厥陰衰而陽湊之令人足下熱熱甚則循三陰上逆則為熱厥其發見於外也風

火迅發病起於驟然手足抽掣角弓反張或從實化為無汗之剛瘵或從虛化為有汗之柔瘵內經云諸暴強

直支痛繚戾裏急筋縮皆屬於風醫者可於此而驗風邪之體段馬土為木尅則聚液而成痰痰挾風而流注則左癱而又右瘓左傳云風淫末疾醫者可於此而知風邪之流極焉凡此六者症各不同其源則一余只以烏梅丸益厥陰之體以宣厥陰之用又以風引湯治厥陰風火痰涎幻變錯雜之病舉凡治剛瘕用葛根湯柔瘕用桂枝加括蕒根湯瘕之表症急者用小續命湯以攻表瘕之裏症急者用承氣湯以攻裏之類而不效治寒厥用六物附子湯熱厥用六味湯薄厥用蒲黃湯煎厥用玉女煎龍會丸氣厥用八味順氣湯血厥用白薇湯尸厥用蘇合香丸食厥用加味平胃散虵厥用掃蟲煎腎厥用地黃飲子痰厥用瓜蒂散之類而不效治狂用白虎湯生鐵落飲涼膈散滾痰丸治癩用定志丸天王補心丹導痰湯及獨參湯加竹瀝薑汁之類而不效治痢用龍會丸丹礬丸五痢丸及紫河車丸之類而不效治癱瘓用二妙散及舒筋保肝散之類而不效者種種方藥無不對症對症而猶不效其故何也蓋緣未嘗求於厥陰一經而信服烏梅丸風引湯二方之神妙也

二方本於仲景而喻嘉言獨得其旨但引而不發淺學人捫索不來至葉天士則引伸觸類妙義無窮若風火犯於上者此風火二字即上厥陰風木與少陽相火之義勿誤解為外來風火不免凌金燂液用麥門冬湯及瓊玉膏為補金柔制法若風火犯於中而為嘔為脹者用六君子湯去木加木瓜薑芍之類及附子粳米湯加人參為補脾凝肝法若風火震動心脾而為悸為消者用甘麥大棗湯合龍牡之屬為緩其急鎮其逆法若少陽相火挾厥陰風木之威而乘巔

搖絡者用羚羊鉤藤元參連翹之劑為熄風清絡法若肝膽厥陽化風旋逆者用龍膽蘆薈不通青黛之類為苦降直折法若本藏自病而體用失和者以椒梅桂芍之類為寒暄各得法若因母藏之虛而擾及子藏之位

者用三才配合龜甲磁石及腹脹湯去薑桂入雞子黃之屬為安攝其子母法至於痿厥之治厥陰病風旋陽陽明病絡空四末不用則為痿尤覺神奇取血肉介類改湯為膏謂其方厚重實填隙止壓最速凡此之類雖不明用烏梅丸風引湯成方而細味其旨無一不從此二方神悟出來申寅歲余在吳航書院掌教嘗與學生徒講論以讀於無字處文到有神時二句為舉業妙諦而學醫者亦必到此境地方許出而論證也

脈息

宜實大 忌沉細 漸緩則漸愈 漸數則漸甚 若數而弦緊及見牢革代諸脈難治

葛根湯方見傷寒 小續命湯方見時方 風引湯方見金匱 桂枝加括蕒根湯方見金匱 原方加括蕒分兩倍於桂芍六物附

子湯 治寒厥 附子 肉桂 防已各三錢 炙草一錢 白木 茯苓各錢半 水煎服

六味湯方見時方 白虎湯方見傷寒 麥門冬湯方見金匱

白薇湯本 人平居無疾苦忽如死人氣過血還陰陽復通移時方醒名曰血厥婦人多有之

白薇 當歸各二錢 人參 甘草各五分 水二杯煎一杯溫服

蒲黃湯 治薄厥 蒲黃一兩 清酒十六盞 溫服熱沃之

八物順氣湯 治氣厥 白芷 台烏藥 青皮 陳皮各一錢 人參七分 茯苓 白木各錢半

炙草七分 水煎服

地黃飲子方見時方 平胃散方見時方 玉女煎見頭痛 瓜蒂散 大小承氣湯 調胃承氣湯俱見傷寒

附子粳米湯方見金匱

三才湯見咳

涼膈散方見時方或加膽南星石菖蒲見中風

舒筋保肝散

治左癱右瘓筋脈拘攣身體不遂脚腿少力乾溼脚氣及溼滯經絡久不能去宜導諸氣

木瓜兩

草薢

五靈脂

牛膝酒浸

續斷

白僵蠶炒

松節

芍藥

烏藥

天麻

威靈仙

黃耆

當歸

防風

虎骨酒炒各一兩

右用無灰酒

一斗浸上藥二七日緊封扎日足取藥焙乾搗為細末每服二錢用浸藥酒調下酒盡用米湯調下 喻嘉

言曰此治風溼搏結於筋脈之間凝滯不散阻遏正氣不得通行之方

滾痰丸方見時方

治一切實痰異症孕婦忌服

生鐵落飲方見三字經

治狂妄不避親疎

定志丸金

治言語失倫常常喜笑發狂

人參

茯苓各三錢

石菖蒲

遠志甘草湯泡去骨一兩右四味為

末窰梧子大飲服七十九亦可作湯服血虛如當歸有痰加半夏橘皮甘草生薑

五疔丸

治五疔

硃砂

珍珠各二錢

水銀

雄黃各五分

黑鉛

一兩五錢用水銀煨結成砂

研末窰煉丸

如麻子大小兒每服三四丸大人加倍煎金銀花薄荷湯送下

紫河車丸 癩痢多由母腹中受驚積久失調一觸而發遂成此症此先天受病故用河車丸以人乳送下取

同氣相求之義 時賢加當歸人參各二兩硃砂五錢 此方如龍骨龜板石菖蒲皆可加入 紫河車一具

用米泔洗去血生搗 禾米熟曬乾研末為丸梧子大空心每服五十九人乳送下

當歸龍薈丸方見時方 治肝經實火大便秘結小便澀滯或骨膈疼痛陰囊腫脹凡屬肝經實火皆宜用之葉天士云

動怒驚觸致五志陽越莫制狂亂不避親疎非苦降之藥未能清爽其神識也

丹礬丸張石頑 治五癩甚效用黃丹一兩 白礬二銀罐中煨通紅為末入臘茶一兩不落水猪心血為丸

巨大硃砂為衣每服三十九丸茶清送下久服其涎自便出服一月後更以安神藥調之

甘麥大棗湯葉天士加減方 治厥發丑寅陽明少陽之陽震動

生地 天冬 阿膠 雞子黃 生龍骨 小麥 水煎服

本方只小麥大棗甘草三味治婦人臟燥悲哀欲哭

葉天士方 治驚恐陽升風動宿癩遂發吐痰嘔逆不言絡脈失利也

羚羊角 石菖蒲 膽星 遠志 連翹 鉤藤 天麻 橘紅 水煎服

小半夏湯加白糯米 葉天士云衝脈乃陽明所屬陽明虛則失闔厥氣上犯其逼內經治肝不應當取陽明

制其侮也暫用通補入府取乎府以通為補之義

葉天士藥膏方 案云膏治顧某陰絡空隙內風掀然鼓動而為厥余用鹹味入陰和陽介類有情之潛伏頗

見小效但病根在下深遠湯劑輕浮馬能填隙改湯為膏取藥力味重以填實之亦止厥一法

鮮鼈甲 龜板 猪脊髓 羊骨髓 生地 天冬 阿膠 淡菜 黃柏

熬膏早服七錢午服四錢

五梅丸

方見傷寒

統治厥陰諸症厥熱相間及虵厥久利 柯韻伯曰六經惟厥陰難治其本陰而標熱其體風

木其用相火內經云必伏其所主而先其所因或收或散或逆或從隨所利而行之調其中氣使之和平是

治厥陰法也仲景立方皆以辛甘甘涼為君不用酸收之品而此方用之者以厥陰主肝木耳洪範曰木曰

曲直曲直作酸內經曰木主酸酸入肝君為梅之大酸是伏其所主也配黃連瀉心以除痞佐黃柏滋腎以

除渴先其所因也腎者肝之母用椒附以溫腎則火有所歸而肝得所養是固其本也肝欲散用細辛乾薑

之辛散以遂其所欲也肝藏血用桂枝當歸之溫潤所以引其歸經也寒熱雜用則氣味不和故佐以人參

調其中氣以苦酒浸烏梅同氣相求蒸之米下資其穀氣如蜜為和少與而漸加之緩以治其本也仲景此

方本為厥陰諸症之法叔和編於吐虵條下令不知有厥陰之主方觀其用藥與諸症符合豈止吐虵一

症耶

癩症續論

王叔和主陽蹻陽維陰維督脈詳載脈經及李瀕湖奇經考宜參觀之 張石頑云晝發灸陽蹻宜補中益氣

湯加益智夜發灸陰蹻宜六味丸加鹿膠 薛氏云凡有此症欲發未發前二三日先宜看耳後高骨間有青

筋紋抓破出血可免其患 張石頑曰癩症之發由腎中龍火上升而肝家雷火相從挾助也惟有肝風故作

搐搦則通身之脂液逼迫而上隨逆而吐出於口也陰氣虛不能寧謐於內則附陽而上升故上熱而下寒陽

氣虛不能周衛於身則隨陰而下陷故下熱而上寒

當歸承氣湯秘傳方 治男婦痰迷心竅踰牆越壁胡言亂語

當歸尾一兩

大黃酒洗

芒硝

枳實

厚朴各五錢

炙甘草三錢 水三杯煎八分服

溫膽湯 駱氏內經拾遺云癲狂之由皆是膽涎沃心故神不守舍理宜溫膽亦治癩病 即二陳湯加鮮竹

茹枳實各二錢或調飛礬分半

磁硃丸方見時方

治癲狂癩如神

疝氣

疝氣舉丸腫大牽引小腹而痛丹溪云專屬肝經景岳云病名疝氣以治疝必先治氣也蓋寒有寒氣熱有熱氣溼有溼氣逆有逆氣俱當兼用氣藥也 長孫男心典按雖有寒水筋氣血孤癩七疝之名其治法不外溫經散寒除溼行氣活血導火與堅為主別錄云以五苓散加木通川練子橘核木香統治之實為簡提可從若苦棟子丸及三層茴香散為久患不愈者立法千金翼洗方為暴痛欲死者立法不可不知癥瘕即婦人之疝也

脈息 宜沉實 忌虛弱

加味五苓散

白朮炒三五錢利腰臍之

茯苓二三錢導心與小腹之

豬苓澤瀉各二錢利

木通一錢入絡止痛

橘核三錢行滯氣

肉桂五分或一錢溫肝腎血中氣藥

死血導溼實脾為君

氣下行從膀胱而泄

水行溼

又引熱下行

苦楝子去核一錢五分 木香一錢調氣止痛 水三鍾煎八分空心服或入食鹽一捻 寒甚加附子乾

薑一二錢熱甚加黃柏梔子一二錢 溼勝加防已一錢 堅硬如石加昆布一錢牡蠣煨三錢 痛甚加

桃仁二錢川山甲五片炒乳香五分

苦楝子丸 治奔豚小腹痛疝氣如神 川棟子 茴香各二 附子一兩 三味用酒二升同煮曬乾為

度焙乾為末每藥末一兩入 元胡索三錢一作五錢 全蝎十八個炒 丁香十八粒 共為末酒煉丸如桐子大温

酒下五十九丸空心服如痛甚前當歸酒下

三層茴香丸 治一切疝氣如神 大茴香五錢同鹽五錢炒和鹽秤一兩 川棟子淨肉 沙參 木香各一兩 共為

末煉蜜丸桐子大每服三錢空心温酒下或鹽湯下纔服盡接第二料 照前方加華撥一兩檳榔五錢共

五兩半依前丸服法若未愈再服第三料 照前二方加茯苓四兩附子炮一兩共前八味重十兩丸服如

前但每服三錢雖三十年之久大如栲栳皆可消散神效

蜘蛛散方見金匱 治陰狐疝氣偏有大小時時上下

洗陰腫核痛 治丈夫陰腫如斗核中痛

雄黃末 礬石研各一兩 甘草一尺 水一斗煮二升洗之如神

淋洗囊腫神效錦囊秘方 連鬚葱白頭一十一根不 川椒 麥冬炒焦 地膚子各一兩 四味煎湯淋洗

囊上良久次日再洗以消為度

荔枝散方治陰中腫大不用頂大荔枝核十二三個煨灰存性以火酒調如糊吃下即消若未消連吃

二三服

眩暈

內經云諸風掉眩皆屬於肝掉搖也眩昏亂旋轉也皆由金衰不能制木木旺生風風動火熾風火皆屬陽而主動相搏則為旋轉內經又云上虛則眩是正氣虛而木邪干之也又云腎虛則頭重高搖髓海不足則腦轉耳鳴皆言不足為病仲景論眩以痰飲為先丹溪宗河間之說亦謂無痰不眩無火不暈皆言有餘為病前聖後賢何其相反如是余少讀景岳之書常主補虛一說遵之不效再搜求古訓然後知景岳於虛實二字認得死煞即於風火二字不能洞悉其所以然也蓋風非外來之風指厥陰風木而言與少陽相火同居厥陰氣逆則風生而火發故河間以風火立論也風生必挾木勢而尅土土病則聚液而成痰故仲景以痰飲立論丹溪以痰火立論也究之腎為肝母腎主藏精精虛則腦海空而頭重故內經以腎虛及髓海不足立論也其言虛者言其病根其言實者言其病象理本一貫但河間諸公一於清火驅風豁痰猶未知風火痰之所由作也余惟於寸口脈滑按之益堅者為上實遵丹溪以酒大黃治之如寸口脈大按之即散者為上虛以一味鹿茸酒治之寸口脈微者以補中益氣湯或黃耆白朮煎膏人半夏末治之然欲榮其上必灌其根如正元散及六味丸八味丸皆峻補腎中水火之妙劑乙癸同源治腎即所以治肝治肝即所以熄風熄風即所以降火降火即所以治痰神而明之存乎其人難以筆楮傳也如鉤藤玉竹菊花天麻柔潤熄風之品無不可於各方中出入

加減以收提效也

診法

左手脈數熱多脈澀有死血浮弦為肝風右手滑實為痰積脈大是久病虛大是氣虛

正元丹秘旨 治命門火衰不能生土吐利厥冷有時陰火上衝則頭面赤熱眩暈惡心濁氣逆滿則胸脇刺痛

臍腹脹急

人參 三兩用川烏一兩
煮汁收入去川烏

白朮 二兩用陳皮五錢
煮汁收入去陳皮

茯苓 二兩用肉桂六錢酒煎汁
收入曬乾勿見火去桂

甘草 一兩五錢用烏藥一兩
兩煎汁收入去烏藥

黃耆 一兩五錢用川芎一兩
兩酒煎收入去川芎

薯蕷 一兩用乾薑三錢
煎汁收入去乾薑 右六味陰沃

苓文武火緩緩焙乾勿炒傷藥性忤為散每服三錢水一盞薑三片紅棗一枚劈煎數沸入鹽一捻和滓調服服後飲熱酒一杯以助藥力此方出自虞天蓋製藥秘旨本千金方一十二味却取烏頭薑桂等辛燥之性逐味分製四君者暑之中較七珍散但少粟米而多紅豆雖其力稍遜原方一籌然雄烈之味既去則真滓無形生化有形為溫補少火之馴劑而無食氣之虞真千金之功臣也

一味鹿茸酒 註云綠鹿茸生於頭頭暈而主鹿茸蓋以類相從也用鹿茸半兩酒煎去滓入麝香少許服

一味大黃散 丹溪云眩暈不可當者此方主之 大黃酒製三次為末茶調下每服一錢至二三錢

加味左歸飲 治腎虛頭痛如神並治眩暈目痛

熟地七錢

山茱萸

懷山藥

茯苓

枸杞各三錢

肉蓯蓉

酒洗切片四錢

細辛

采草各一錢

川芎二錢 水三杯煎八分温服

頭痛

景岳云頭痛一證暫痛者必因邪氣久痛者必因元氣但暫病者有外感頭痛有火邪頭痛久病者有陰虛頭痛有陽虛頭痛然亦有暫病而虛者久病而實者又當因脈因證而詳察之不可執也或寒熱脈緊清涕咳嗽瘖背疼痛者此寒邪在表而然治宜疎散九味羌活湯及茶調散清空膏主之或內熱脈洪頭腦振振痛而兼脹者此火邪在裏而然治宜清降玉女煎及一味大黃散主之或因水虧而火動蒸熱脈眩痛兼煩躁者此陰虛血虛而然治宜補陰以六味湯左歸飲加肉苁蓉細辛川芎主之或遇陰則痛遇寒亦痛倦怠脈微者此陽虛氣虛而然治宜扶陽以補中益氣湯加蔓荊子川芎八味湯右歸丸主之或外感頭痛當察三陽厥陰蓋三陽之脈俱上頭厥陰之脈亦會顛太陽在後陽明在前少陽在側此又當有所主亦外感所當辨也但內傷頭痛則不得以三陽為拘耳至真頭痛者頭痛甚腦盡痛手足寒至節死不治或灸百壯吞黑錫丹可救十中之一

脈息 宜浮滑 忌短瀼

九味羌活湯方見時方 治太陽輕症

葛根湯方見傷寒 治陽明

小柴胡湯方見傷寒 治少陽

麻黃附子細辛湯方見傷寒 治少陰

當歸四逆湯方見傷寒 治厥陰

川芎茶調散局方 治久風化火頭痛及偏正頭風

川芎 白芷 羌活 防風 荊芥 薄荷 甘草各一兩 香附童便浸炒二兩 右為末食後

清茶調服二錢日三服婦人產後黑豆淋酒服輕者三服重者五七服效 一本無香附有細辛五錢

清空膏 治頭風濕熱上感遇風即發

羌活 黃芩各一錢酒炒 甘草炙七分 防風一錢 黃連五分酒炒 柴胡四分 川芎三分 水煎入清茶一

匙服

玉液湯濟生 治眉稜骨痛 半夏六錢湯泡七次切片作一服

生薑十片 水煎去滓納沉香末少許服

玉女煎景岳 治水虧火盛六脈浮洪大頭痛牙疼失血等症

生石膏三五錢 熟地三五錢或一兩 麥冬二錢 知母 牛膝各錢半 水煎服

玉真圓本事 治腎氣不足氣逆上行頭痛不可忍謂之腎厥其脈舉之則弦按之則石堅

硫黃二兩 石膏煨 半夏湯洗 硝石各錢半 右為末生薑汁糊丸如梧子大陰乾每服二十九或薑

湯米飲下更灸關元穴百壯

補中益氣湯方見時方

當歸補血湯方見時方 治血虛頭痛 按加鹿茸三錢沙參五錢黃酒半杯煎更效又方只用當歸二兩黃酒四

杯煎一杯半分兩服效

加味左歸飲方見時方 治腎虛頭痛如神此余鄉前輩胡先生新定方也

清震湯保命 治雷頭風頭面疔瘡增寒拘急發熱狀如傷寒疔瘡宜刺出血

升麻二錢 蒼木四錢 荷葉一個水煎食後服

頭風摩散方見金匱 治大寒犯腦頭痛

止痛太陽丹奇效 天南星 川芎等分 為末同連鬚慈白作餅貼太陽痛處

秘方貼頭痛風熱病 大黃 朴硝等分 為末用井底泥捏作餅貼兩太陽穴

氣攻頭痛方奇效 用草麻子乳香各等分搗成餅貼太陽穴如痛止急於頂上解開頭髮出氣即去藥

透頂散本 治偏正頭風遠年近日皆效并治鼻塞不聞香臭

細辛三莖 瓜蒂七枚 丁香七粒 粳米七粒一作赤小豆 龍腦半分 麝香一分 研末置小口罐中堅塞

罐口令患人口含清水隨左右搖一且大於鼻中良久涎出即安不愈三日後再搗

按此本金匱納藥鼻中取黃涎之法酒客多溼頭重者宜之 又法治偏正頭風以生萊菔搗汁令患者仰

臥以汁灌鼻中左痛灌右右痛灌左左右俱痛俱灌之 又頭風有偏正之殊其病皆在少陽陽明之絡以

毫鍼刺痛處數穴立効

張石頑云外用法不若蒸法最効方用川芎半兩晚蠶砂二兩殭蠶如患年歲之數以水五椀煎至三椀就砂

鍋中以厚紙糊滿中開錢大一孔取藥氣薰蒸痛處每日一次雖年久者三五次永不再發 平時置新鮮木瓜於枕邊取香氣透達引散肝風亦良法也

簡易方 頭風腦中空痛用川芎當歸各三錢共研末黃牛腦一個和勻分三次熱酒送下盡醉卧醒即愈

頭風諸藥不效用大附子一隻切片同茱豆一升今用二蓋煮熟去附子但服茱及汁即愈

生薑貼法種福堂 治太陽風寒頭痛及半邊頭痛用 生薑片三片將桑皮紙包好水濕入灰中煨熟乘熱將印

堂兩太陽各貼片以帶纏之立愈

桂麝太陽膏種福堂 治風寒半邊頭痛

肉桂心分十 麝香二釐 人言一釐 細辛 辛夷各五釐

肉搗丸如豌豆大一粒放膏中心貼太陽穴內一日見效如壯年火盛者愈後服黃芩大黃瀉火則痛自愈

白芷細辛吹鼻散種福堂 治半邊頭痛

白芷 細辛 石膏 乳香去油 沒藥去油 右各味等分為研細末吹入鼻中左

痛吹右右痛吹左

醫學從眾錄卷五

閩吳航陳念祖修園甫著

次男元犀靈石參訂孫男心典徽菴同校字

隔症反胃

隔者阻隔不通不能納穀之謂也又謂之隔食病在胸膈之間也上焦出胃上口主納中焦並胃中主腐化下焦別迴腸主濟泌此症三焦失職百無一生丹溪指為胃腕乾枯以四物湯入牛羊乳竹瀝韭汁之類主之薛氏指為怫鬱傷肝肝木尅土以左金丸逍遙散六君子湯歸脾湯六味丸八味丸之類隨症間服易思蘭本此法以治氣隔晨吞八味丸百粒暮服暢衛湯開導其上滋補其下多效趙氏以此病多得之五旬以上腎水既乾陽火偏盛煎熬津液三陽熱結則前後閉澇下既不通必反於上直犯清道上沖吸門須以六味丸料大劑煎飲久服可挽十中之一二然以余觀之隔症既成終無治法問曰既無治法豈真坐視其亡耶

修園曰即欲服藥亦不過盡人事而已吾鄉老醫某只守程氏啟膈飲一湯治服頗效久不增病然而痰火鬱

氣阻逆於上者亦藉為引導也已任篇專取陽明以左歸飲加生地當歸亦所以開胃門此門開則能納食幽門此門開則

小便利開門此門開則大便潤之法也此數方之意皆仿於仲景半夏湯用甘瀾蜜水之法而不知仲景取半夏以升

降陰陽藉人參以重生津液復得蜜之滋潤灌溉流通而阻隔之患乃免程氏以半夏耗液為禁豈知仲景麥

門冬湯及此方之微旨哉

張石頑云古人指噎膈為津液乾枯故水液可行乾物梗塞為枯在上焦余竊疑之若果津液枯槁何以食纔

下咽涎隨上湧乎故知膈咽之間交通之氣不得降者皆衝脈上行逆氣所作也惟氣逆故水液不得居潤下之常隨氣逆湧耳若以津枯而用潤下之劑豈不反益其邪乎宜六君子湯加減挾寒脈遲細者加肉桂附子挾熱脈數滑者加枳實黃連若噎而聲不出者加五味子竹茹喉中有一塊食物不下者痰氣也加海石訶子膈間作痛多是瘀血加歸尾桃仁韭汁童便甚者加大黃微利之千金五噎丸五膈丸亦可擇用 按張石頑主於衝脈上逆誠千古灼見亦從仲景大半夏湯悟出然必謂潤下之劑反益其邪是因其涎沫之多而粗於見症之陋習也衝脈不治取之陽明故仲景以半夏降衝脈之逆即以白蜜潤陽明之燥加人參以生既亡之津液石頑此論得其半而遺其半也蓋人之胃中疊積如膏脂者謂之胃陰今因衝氣上逆口嘔出粘涎即日亡其胃陰尚得謂滋潤之劑宜屏絕乎余所以不敢阿好也 人鏡經曰內經云三陽結謂之隔蓋足太陽膀胱經水道不行手太陽小腸經津液枯涸足陽明胃經燥糞結聚所以飲食拘而不入縱入太倉還出喉嚨人之腸胃一日一便乃常度也今隔食之人五七日不便陳物不去新物不納俗醫強分為五隔十噎支派既多併喪其實標本不明是以火裏煨薑湯中煮桂胡椒末已單撥繼之丁香末已豆蔻繼之雖曰和胃胃本不虛雖曰溫脾脾本不寒此病之所以日盛也法當用三一承氣湯節次微下之後用芝麻飲噉之陳腐去而腸胃潔癥瘕盡而榮衛昌飲食自進矣 按此法雖偏而百無一生之症急用之尚有餘望否則逡巡觀望何濟於事 反胃症朝食暮吐暮食朝吐初患者尚可治王太僕云食不得入是有火也食入反出是無火也遵趙氏法以六味丸治隔症是壯水之主以制陽光以八味丸治反胃是益火之原以消陰翳而自愚論之食入

反出脾失其消穀之能胃失其容受之能宜理中湯溫脾加麥芽以暢達一陽之氣與參朮消補同行土木不害而脾得盡其所能或吳茱萸湯溫胃藉吳萸以鎮納厥陰之逆氣合參朮甘溫相濟震坤合德而胃得盡其所能而猶恐中土大寒溫補太緩以乾薑附子華撥蜜丸俾火化之速傷恐燥熱上僭傷上焦網緼之氣以沙參白朮茯苓麥芽五穀蟲甘草白菟仁為末厚裹於外又以硃砂六一散為衣使溫和之藥在外先行於上而辛熱之藥由中焦以直達命門孰腐水穀續以八味丸收其全功若病勢之甚第以八味丸緩服未免迂闊矣

診脈

張石頑云有陽虛不能統運嘔逆便秘用人參大黃附子攻之即通 瘀血在隔阻滯氣道而成者用抵當丸作芥子大吞二錢但飲熱湯及食椒薑輒呃者有瘀血也

浮緩而滑

浮緩而長皆河治

弦濇短少為難治

大半夏湯方見金匱

啟膈飲方見寶在易

三一承氣湯方見時方

按久病與羸敗之人前方未免太峻余用麻仁

丸及高鼓峯新方代之高鼓峯悟王損菴治膈用大黃之妙融會一方頗為穩當方用熟地五錢當歸白芍

桃仁麻仁各三錢微微潤之其形體如常即以前方內加大黃一二錢以助血藥

加減左歸飲

經云腎乃胃之關關門不利升降息矣關門即氣交之中天之樞也故腎旺則胃陰充胃陰充則能食

已任篇曰膈症一陽明盡之予治荆溪潘

爾修之隔用左歸飲去茯苓加生地當歸兩大劑而使潤食進又十劑而兩便如常飲食復舊蓋以左歸飲

中有甘草則直走陽明以和其中且當歸生地合用則能清胃火以生其陰胃陰上濟則竅門寬展故飲食

能進胃陰下達則幽門關門皆滋潤故二便如常去茯苓者恐其分流入坎不若專顧陽明之效速也

和中暢衛湯

紫蘇梗五分

香附醋炒

神曲炒

沙參各一錢

桔梗

連翹去子火各六分

木香四分

蒼朮

撫芎

貝母各八分

砂仁三分

生薑三片水煎服

易思蘭自註云香附蘇梗開竅行氣蒼朮健中貝母開鬱痰連翹散六經之火撫芎發肝木之困神麴行脾之鬱木香逐氣流行桔梗升提肺氣沙參助正氣而不助火此方提上焦之火邪乃火鬱發之之義也然徒用此方而不兼補下之藥雖能解散於一時其火無水制必然復生而痞滿噎隔之疾恐尤甚於前也愚按內經云隔寒閉絕上下不通則暴憂之病也可見此病多起於鬱結不舒胃氣不能敷布所致張難峰所謂神思間病是也方中雖是解鬱奪藥而分兩多寡氣味配合似有獨得之妙又與八味丸間服所以多效喻嘉言資液救焚湯與八味丸間服亦是此意但救焚湯大涼大降流於奇驗不如此湯之平易近人也

五噎丸千金

治胸中久寒嘔逆妨食結氣不消

乾薑

蜀椒

吳茱萸

桂心

北細辛各一兩

人參

白朮各二兩

橘皮

茯苓各兩半

附子一枚泡

右為末煉蜜丸桐子大酒服十五丸日三服

漸加至三十九

五膈丸千金

治飲食不得下手足冷上氣喘息

麥門冬三兩

甘草二兩

蜀椒炒去汗

遠志肉

桂心

細辛

乾薑炮各兩半

附子泡

人參二右為細末煉白蜜丸彈子大先食噙一丸細嚥之喉中胸尚熱藥丸稍盡再噙一

丸日三服夜二服七日愈 張石頑曰二丸同用參附椒辛薑桂之類一以肝氣上逆胃氣不下而嘔噎用

莢橘以疎肝降逆苓朮以健脾通津一以腎氣不蒸肺胃枯槁而不納故用冬草以滋肺和胃遠志以補火

生土又嘔噎而藥食可進者頻與小丸調之膈塞而飲食不納者時用大丸噙之其立法之詳若此可不辨

而忽諸

吳茱萸湯方見傷寒

理中湯方見傷寒

連理丸理中丸加黃連

八味丸方見時方

又攷膈食反胃反嘔吐粒米不

入之症多係七情不遂激動其氣氣亂載血上逆苑積於中胃氣阻隔用生鵝血乘熱飲之取其生氣未離以

血攻血直透關鑰引宿積之瘀一湧而出而胸脇豁然此法詳於蘇東坡瑣錄前輩金瀉還公即韓幕廬東垣

俱已驗效推之生鴨血生黃牛血亦可用

西洋藥方錦囊秘授

治神隔食翻胃一切痢疾水瀉等症立驗

紅豆蔻去殼

肉豆蔻麩裏煨用粗紙包壓去油

白豆蔻去殼

高良薑切片

甜肉桂去皮

公丁香各研淨細末

先用上白冰糖四兩水一飯碗入銅鍋內煎化再入雞子清二個煎十餘沸入好燒酒一觔離火置

穩便處將藥末入銅鍋內打勻以火點著燒酒片刻隨即蓋鍋內火滅用紗羅濾去渣入磁瓶內用冷水去

火氣隨量少飲之

繆仲瀆秘傳膈噎膏

人參濃汁 人乳 牛乳 梨汁 蔗汁 蘆根汁 龍眼濃汁 右七味各等分加薑汁少許隔湯熬成膏子下煉蜜徐徐頻服之其效如仙丹

貝母糖酒方

好陳酒一 米糖十 貝母心 砂仁 木香 陳皮各二錢 右咀片入磁瓶內箬葉紮緊

上放米一撮煮以米熟為度每日清晨服一大杯

糖薑餅 用糖坊內上好糖糟一 生薑四兩先將糖糟打爛和薑再搗做小餅晒乾於磁瓶內置灶煙櫃上

每日清晨將餅一枚泡滾水內少停飲湯

八汁湯 治噎食

生藕汁 生薑汁 雪梨汁 蘿蔔汁 甘蔗汁 白菓汁 蜜蜂 竹瀝 右各一

盞和勻飯上蒸熟任意食

牛羊人乳汁 治翻胃膈氣此證必起於腸枯血燥大便三四日一次糞如馬粟若如羊屎者不治口常吐白沫者不治

牛乳 羊乳 人乳 不拘分兩總宜常服為生血潤腸之妙藥

瘧症

瘧疾不離少陽少陽為半表半裏邪居表裏之界入與陰爭則寒出與陽爭則熱爭則病作息則病止止後其

邪仍據於少陽之經淺則一日一作深則二日一作更深則三日一作雖有別經總以少陽為主故仲景以眩
字該本症之脈蓋於治法只一小柴胡湯熱多煩渴加知母花粉寒多身疼加乾薑桂枝治之得法一二服可
愈朱丹溪云無汗要有汗散邪為主帶補正有汗要無汗補正為主帶散邪大抵於小柴胡湯中無汗麻黃可
加二錢耶三解湯意也有汗桂枝酒芍可各加二錢耶柴胡桂枝湯意也如三五作不休耶於前方加常山三
錢一服即愈俗謂常山截瘧用之太早則截住邪氣而成他病不知常山祛痰涌吐從陰達陽之藥正所以鼓
邪氣外出何截之有余每合川山甲金銀花三味取其通達經絡又以人參當歸白朮何首烏之類擇用一二
兩為君於瘧未出時服之多愈至於方書分定名色多歧反感而所應別者如單寒無熱為牡瘧宜理中湯理
陰煎加柴胡主之單熱無寒為痺瘧或先熱後寒為熱瘧宜白虎湯加桂枝主之勞役飢飽過度為勞瘧宜補
中益氣湯加柴胡主之受山嵐瘴氣為瘴瘧宜藿香止氣散平胃散加柴胡主之久瘧心腹有塊者名瘧母以
鱉甲飲主之只此數症略宜分別究亦不雜少陽一經也若瘧痢交作只以小柴胡湯疎少陽之氣則陷者自
舉加花粉三錢滋陽明之液則滯者自通或即以此湯送香連丸一錢五分挾虛者以補中益氣湯倍柴胡煎
送香連丸二錢此薛立齋先生之心法也

小柴胡湯

方見傷寒

男元犀按凡服治瘧藥宜瘧未至前三時服或煎兩服一服於瘧期五鼓時服留一服於瘧未至前二時服
最妙 凡治瘧藥古法必露一宿以瘧為暑邪暑氣得露而消也 又近醫以初瘧忌用人參白朮茯苓此

說本之膏崖尊生余雖不滿亦當從眾今即照膏崖已去人參加青皮一錢五分 寒多加乾薑桂枝各二錢 熱多加知母花粉各二錢或加黃連石膏 本方去人參加常山草果知母檳榔川貝母各二錢名清中驅瘧飲大意以無痰不成瘧此方為治瘧之總方也然亦多效

驚甲飲

驚甲 三錢 醋炙

白朮 炒

黃耆

川芎

酒白芍

檳榔

草果 煨

厚朴

陳皮

甘草 各一錢

生薑 三片

棗肉 三枚

烏梅 一個

水煎服

又有久瘧流連不愈及三陰瘧三日一作者當分五藏之虛而施溫補宜以景岳何人飲休瘧飲常服瘧作之期或加少陽藥一二味及常山川山甲附子金銀花之類以通經絡或用人參一兩生薑一兩濃煎服之此不截之截法也家貧者以冬白朮一二兩代之血虛者以當歸一兩代之 瘧雖有五藏之分而久瘧證治法只以補脾為主蓋以土為萬物之母五臟六腑皆受陰焉况瘧為少陽之邪戊己之土久受甲木之尅扶弱抑強之法權實操於醫者宜於六君子湯四君子湯補中益氣湯諸方加之意焉

何人飲

何首烏 一兩不見 鐵或生用

人參 二三錢 或一兩

陳皮 一二錢 虛者不用

煨生薑 二三錢

以水煎服

休瘧飲

何首烏 四錢或一兩

人參 二三錢

白朮 三錢 炒

當歸 三錢

炙草 一錢 陰陽水服

又久瘧不愈必求之腎如腎水不足熱多者以六味丸加味主之腎火不足寒多者以八味丸加味主之高鼓

峯醫案云余治一人三陰瘧不愈令吞八味丸服人參養榮湯冬至日再加附子一錢至半夜汗出而愈 汗出者陽

回之兆亦邪解之徵也愈於冬至日者以陽生而陰退也

瘧疾脈象

瘧脈自弦

浮弦表邪

沉弦裏邪

洪弦屬熱

遲弦屬寒

滑弦食積

久瘧之脈

微細虛弱

漸緩則愈

弦緊則殆

土敗雙弦

代散莫救

雄黃龜酒方

治三日久瘧神妙用活大烏龜一個連殼左右肩上各攢一孔以明雄黃六錢研細末每孔摻

入三錢外以磁黃泥包固勿令泄氣炭火上煨存性研末每服一錢空心陳酒送下二三服即止

香圓雄黃散

種福堂

陳香圓一個去頂皮大者每隻加透明雄黃三錢研細末摻入香圓內炭火中煨存性再

研極細末每服七分用軟腐衣作六七包好咽下此日不可吃湯水任其嘔去頑痰

斑猫截瘧丹

種福堂

斑猫 巴豆肉

硃砂各一

麝香二

雄黃錢

蟾酥五

右用黑棗三枚搗丸如菜豆

大貼眉心一周時揭下投長流水中

常山草果散

種福堂

常山

草果

川烏

草烏

陳皮

甘草各一錢

末研 用絹袋盛

貼聞於鼻間瘧即止不必煎服

椒雄貼臍丸

種福堂

胡椒

雄精 右二味等分研末將飯研爛為丸如桐子大以硃砂為衣將一

丸枚在臍中外以膏藥貼上瘧即止

木薑烏棗丸 種福堂

白朮斤

生薑 一筋搗出汁拌白朮渣晒乾

右為細末將黑棗一斤者爛去核為丸

桂麝椒雄膏 種福堂

治虛寒瘧孕婦忌貼

桂心 一分

麝香 三厘

雄黃 七厘

川椒 七枚

共研極細末納臍中外以膏藥貼之

茅薺燒酒 種福堂

治不論雙單瘧用大茅薺將好燒酒自春浸至秋間如瘧至不貪飲食則脹滿不下者每

服茅薺兩個三日即愈

痢症

王損菴云痢疾不外溼熱二字所受不外陽明一經陽明為多氣多血之府溼陰邪也溼勝於熱則傷陽明氣分而為白痢熱陽邪也熱勝於溼則傷陽明血分而為赤痢溼熱俱盛則為赤白俱見初病即以芍藥湯主之大意以行血則膿血自愈調氣則後重自除真百中之奇方也若發熱頭痛脈浮而緊是風寒鬱而不解內陷而為痢宜以人參敗毒散鼓之外出苟得微汗其痢自鬆若徒用痢門套藥殺人不少大抵痢症漸久漸虛而用藥亦宜漸補漸調四君子湯六君子湯四物湯補中益氣湯之類煎送香連丸是薛立齋先生活法余遵用甚效

芍藥湯 方見時方

治痢初起腹痛裏急後重者

小便短澀者加滑石二錢澤瀉錢半

腹痛者加砂仁一錢

滯澀難出者加當歸白芍各錢半甚者加大黃一錢 若食積者加山楂三枚 白痢者加陳皮砂仁茯苓
各一錢 紅痢者加川芎桃仁各一錢 紅白相雜者加川芎桃仁以理血滑石陳皮蒼朮以理氣 如嘔
吐食不下者加黑梔蓮子去殼三錢倉米三錢入生薑汁一滴緩緩呷之以瀉胃口之熱濕

人參敗毒散方見時方

加味平胃散

蒼朮二錢

陳皮

甘草各一錢

厚朴半錢

猪苓

黃芩

澤瀉各錢半

乾薑五分

白芍三錢

陳倉米五錢水煎服

色紅去乾薑加當歸三錢黃連一錢

香連丸方見時方

張景岳謂痢症是夏月畏熱貪涼過傷生冷至大火西流新涼得氣則伏陰內動應時而為下痢初起宜抑扶
煎佐關前溫藥以調之導之久痢用胃關前溫補命門真火以扶脾土則痢自止景岳此說雖偏不可盡信而
陰藏之人素多寒病一有不慎即患此症不可不知余每於此症初起察其脈遲而細手足俱冷腹痛而裏急
後重者以乾薑二錢附子一錢吳萸一錢當歸三錢炙甘草一錢大黃白芍各一錢五分溫通之久痢每以八
味丸與補中益氣湯間服收功粟殼訶子赤脂肉豆蔻兜瀉之藥不可早服久痢亦不可廢 又噤口痢以
人參一錢石蓮肉二錢川連一錢入生薑汁少許緩緩呷之 種福堂用五穀蟲三錢微炒研末以米湯送下
又休息痢流連年餘不愈愈而又作是兜瀉太早餘邪未淨宜巴豆仁一錢研去油淨當歸一兩萊菔子五錢

炒研末以冬蜜為丸如梔子大每空心以開水送下三九至七九以竭其餘邪自愈 張石頑曰血色鮮紫濃厚者屬熱若痰晦稀淡如瑪瑙色者為陽虛不能制陰而下非溫理其氣則血不清理氣如爐治分金最為捷法設不知此概行疎利之法使五液盡隨寒降而下安望有寧止之日哉 以伏龍肝二兩取其溫煖土臟煎湯代水煮參朮苓草薑桂等藥多取奇效

五色痢是精氣受傷五液不守之患宜益火消陰實脾隄水兼分理其精氣即噤口不食者亦不出此法又曰丹溪治噤口痢多用石蓮子今此物真者絕無余常用藕汁者熟稍加糖霜頻服兼進多年陳米稀糜調其胃氣取效此即石蓮子之意也 又曰休息痢服補中益氣數劑不應反下鮮紫血塊者此久風成殮泄風氣通於肝肝傷不能藏血也三奇散倍防風加羌葛升麻其一切利水破氣藥皆為切禁

三奇散 治痢後下重

枳殼生

防風各一兩

黃耆二兩

為散每服二錢米飲下

伏龍肝湯丸 治胎前下痢產後不止

炮黑山查肉一兩

熬焦黑糖二兩

二味一半為丸一半為末用伏龍肝二兩煎湯代水煎末二錢送前

丸二錢日三服夜二服一晝夜令盡氣虛加人參二三錢以駕馭之虛熱加炮薑肉桂茯苓甘草兼感風寒加葱白香豉膈氣不舒磨沉香汁數匙調服

羊脂煎千金 治久痢不痊

羊脂一基子大

白蠟二基子大

黃連未一升

酢七合煎取稠

蜜七合煎取五合

烏梅肉二兩

亂髮洗去垢膩燒末一升

張石頑曰羊脂性滑利千金方用治久痢不瘥專取滑利以通虛中留滯也其後且有羊脂阿膠蜜臘黍米作粥方深得炎帝本經補中寓瀉之意

生死症及脈法

身不熱者輕 身熱者重 發熱不休者死 能食者輕 不能食者重 絕不食者死 發嘔者死 直腸自下者死 久痢忽大下結糞者死 小兒出痘後即發痢者死 婦人新產即發痢者死 瀉為血少 尺微厥逆 滑大主積 浮弦急死 沉細無害

痢疾續論

次男元犀按近傳治痢有三禁一曰發汗蓋以下利一傷其津液發汗再傷其津液津液去則胃氣空而下出之濁氣隨汗勢而上入胃中遂成脹滿難治二曰利水蓋以痢疾裏急後重滯痛難忍若前陰過利而後陰愈瀉而積滯之物欲下甚難三曰溫補蓋以痢為溼熱所傷得溫則以火濟火恐至腐腸莫救得補則截住邪氣多致流連難愈此三者時醫傳受之心法也然亦有可不泥者醫學真傳曰凡痢疾初起發熱不休非肌表有邪即經絡不和溫散而調榮衛外邪一解其痢自鬆若概以為熱開手即用寒涼多有陷入變劇者不少故喻嘉言所謂下痢必從汗先解其外後調其內首用辛涼以解其表次用苦寒以清其裏一二劑

愈矣治痢之方再加發表之藥

失於表者外邪但從裏出不死不休故雖百日之遠仍用逆流挽舟之法引其邪而出

之於外則死症可活危症可安人參敗毒散主之

服後必有暫時燥熱頃刻之邪從表出熱自解矣

此可見發汗是治痢之要法也又

喻嘉言有急開支河一法謂熱邪之在裏者奔逼於大腸必鬱於膀胱膀胱結熱則氣不化而小便短亦不

可用逆挽宜從其小便而順導之然而水出高源尤宜用辛涼之藥清肺之化源金匱有下利肺痛者紫參

湯主之

通用因氣利訶黎勒散主之

通以下涎液消宿食破結氣澀以固腸脫通塞互用之意也

亦見利水非古人所忌也至於溫補法詳

於景岳全書如佐關抑扶二煎非溫劑乎胃關前非補劑乎雖矯枉之說不能無偏亦堪為肆用苓連查朴

者之救弊也誰曰治痢有三禁乎 喻喜言曰又有驟受暑濕之毒水穀傾囊而出一晝夜七八十行大渴

引水自救百杯不止此則腸胃為熱所攻頃刻腐爛更用逆挽之法迂矣遠矣每從內經通用之法大

黃黃連甘草一晝夜連進三五十杯俟其利止渴緩乃始平調於內更不必挽之於外蓋邪如決水轉石乘

勢出盡勿可挽也 又曰治瘧之法當從少陽而進退其間進而從陽則從少陽為表法固矣乃痢疾之表

亦當從於少陽蓋水穀之氣由胃入腸疾趨而下始馬少陽生發之氣不伸繼馬少陽生發之氣轉陷故泛

而求之三陽不若專而求之少陽俾蒼天清淨之氣足以升舉水土物產之味自然變化精微轉輸有度而

無下利奔迫之苦矣泥兩陽明經所藏之津液既已下泄尤不可更發其汗當從少陽用和法全非發汗之

意津液未傷者汗出無妨津液既傷者皮間微微得潤其下陷之氣已舉矣

小柴胡去半夏加括蕒根湯方見金匱

喻嘉言曰此方乃少陽經半表半裏之的劑原方用半夏之辛溫半煎子

表今改用括蕞之涼苦半兼乎裏退而從陰則可進而從陽不勝其任矣但不必更求他藥惟於柴胡增一
二倍用之尤為進之之法也

人參敗毒散方見時方 喻嘉言曰活人此方全不因病痢而出但余所為逆挽之法推重此方蓋藉人參之大力
而後能逆挽之耳

胃關煎見池瀉

佐關煎景岳

治生冷傷脾瀉痢未久者宜此湯此胃關煎之佐也

厚朴炒

陳皮各一錢炒

山藥

扁豆

猪苓

澤瀉各二錢

乾薑二三錢炒

肉桂一二錢

甘草七分

水煎服

如腹痛者加木香吳茱萸之類泄甚者加故紙肉菹之類

抑扶煎景岳

治暴傷生冷致傷瀉痢初起血氣未衰者此胃關表裏藥也

厚朴

陳皮

烏藥各錢半

猪苓

澤瀉

炮乾薑各二錢

茱萸五分

甘草一錢

水煎服

斗門秘傳方方見時方

治毒痢藏府撮痛膿血赤白或下血片日夜不息及噤口惡痢他藥所不能治者立見神效

附子丸聖濟總錄

治洞泄寒中注下水穀或痢赤白食已即出食物不消

春傷熱風邪氣流連至長夏發為洞泄效

當旺脾為陰中之至陰故陰氣盛陰氣既盛則生內寒而洞泄矣

附子

烏梅肉各一兩炒

川連二兩炒

乾薑兩半炒

蜜丸桐子大米飲下二十九

通聖散聖濟總錄

治血痢腹痛日夜無度

大棗

烏梅各三枚

甘草三錢

乾薑半錢

水煎服

和中散聖濟總錄

治冷熱痢腹痛裏急

附子

錢四分赤痢減半

川連錢四分白痢減半

乳香分五釐

共為末米飲湯下未止用青皮再下二服

黑豆湯聖濟

治赤白痢服藥不止

黑豆炒去皮四兩

甘草二兩

用綿裹入湖水煎二杯分二服

閩吳航陳念祖修園甫著

次男元犀靈石參訂孫男心典徽菴心蘭芝亭全校字

傷暑

夏日炎耗傷元氣故病必體倦脈弱身熱自汗煩躁面垢脣青李東垣以動而得之為中熱靜而得之為傷暑熱陽而暑陰也其實未確蓋以暑字從日暑即熱也何必分名但動靜二字是陰陽分別茲仍分動以得之靜以得之以為此症提綱

何謂動以得之長途赤日荷重作勞因而致病如大熱

傷暑而發熱頭痛與傷寒症同但傷寒脈浮而緊傷暑脈洪而虛以此為辨香薷是解表却暑之藥夏月之用

香薷與冬月之用麻黃同義也

大渴脈浮虛自汗以白虎人參湯主之更加身體重著是暑而挾濕宜蒼朮白虎湯主之若有

吐瀉腹痛此方不可輕用也若前症發熱身疼口燥咽乾或吐或瀉宜黃連香薷飲主之又有暑風症因暑氣鼓激痰火塞碍心竅以致卒倒不省人事宜吐之或以千金消暑丸灌之

白虎湯

見傷寒

一加人參二錢名白虎人參湯治汗出惡寒身熱大渴等症一加蒼朮二錢名蒼朮白虎湯

治汗出身熱足冷等症

黃連香薷飲

方見時方

去黃連名香薷飲治同

暑風發搐加羌活秦艽各一錢

瀉利加白朮茯苓各一錢五分

分 虛汗不止加白朮一錢五分炙黃耆三錢 心煩加梔子硃砂各一錢 嘔吐加半夏二錢藿香陳皮

各八分薑汁少許

何謂靜以得之避暑於深堂大厦為陰寒所遏暑不得越手足厥逆者大順散主之霍亂吐瀉口渴者五苓散主之不渴者理中湯主之亦有以二湯送下六一散三錢者巧法不可言傳也

大順散

乾薑一錢

甘草八分

杏仁六分

肉桂六分

共為末每服五錢水一鍾煎七分服如煩躁

井花水調下三四五錢

又有過夏即病秋後即愈是暑傷元氣如草木遇盛日則痿得雨露則挺名曰注夏症宜補中益氣湯照薛氏醫按去升麻柴胡加麥冬一錢五分黃柏各五分炮薑三分服三四劑 又生脈散清暑益氣湯六一散皆却暑之良方一切暑病不可須臾離之學者當於三方求其奧旨難以縷陳

脈法

傷暑脈洪而虛

大蒜新汲水方

治中暑法

大蒜一把

同新黃土研爛以新汲水和之濾去渣灌入即活凡中暑傷暑

不可便與冷物俟稍甦方可投冷物則中氣運動無患也

田中乾泥圈臍方

治中暑昏眩煩悶欲絕急救法取田中乾泥做一團堆在病人肚上使少壯人撒尿於泥

圈肚臍中片時即得生甦矣後不可飲冷湯須進溫米湯

絲瓜白梅方 治中暑霍亂

絲瓜葉 一片

白霜梅 一枚並核中仁

右同研極爛將新汲水調服入口立瘥切不可飲熱湯

陳皮藿香湯

治傷暑急暴霍亂吐瀉方

陳皮 錢五

藿香 分五

右用土澄清水二杯煎一杯服之立愈

扁豆飲

治傷暑取扁豆葉搗汁一碗飲之立愈

鹽薑湯

治傷暑霍亂上不得汗下不得瀉身出冷汗危在頃刻者

食鹽 兩一

生薑 錢五

同炒變色以水一大碗煎服吐出自愈不可熱服好後切不可遽吃飯食俟餓

極後方可吃稀粥

取新汲水法

俱見種福堂

治中暑昏眩煩悶欲絕急救挖地深三尺取新汲水傾入坑內攪濁飲數甌即愈

腫症

腫者腫於外脹者脹於內二症宜分看然二症相因亦宜合看

腫者皮膚腫大古人有氣水之分其實氣滯則水不行水不行則氣愈滯二者相因為病水脹篇以按其腹實而不起者為氣腫按其腹隨手而起如囊囊聚之狀者為水腫景岳反其說以水症按之實而不起此水在肉中如糟如泥之象未必如水囊之比按之隨起惟虛無之氣其速乃然余閱歷之久知二說亦不必拘大抵腫微則按之隨起腫甚則按之不起兩脇及轉動之處按之即起足面及膝股內側按之不起辨症不必以此為憑當於小便之利與不利以分陰陽身之多熱與多寒脈之洪大與細微以分寒熱病之起於驟然與成於積漸及年高多病與少壯無病之人分其虛實以先腹而後及四肢或先四肢而後及於腹分其順逆景岳云水

氣本為同類治水者當兼理氣益氣則水自化也治氣者亦當兼行水以氣行而水亦行也此症當與癰閉症參看 初患腫病氣喘不得臥以五皮飲為第一方蓋此方以皮治皮不傷中氣所以為妙 若腫而兼脹小

水不利宜胃苓湯主之或以四苓散以半熟蒜搗丸服極妙 五皮散按上身腫宜發汗加蘇葉荊芥秦艽各

一錢五分 下身腫宜利水加赤小豆木通各一錢五分防已一錢 口渴多熱小便不利為陽水加滑石

木通車前子麥冬各一錢五分木香五分 不渴 小便自利多寒為陰水加白朮蒼朮各二錢附子乾薑

木香各一錢 脈滑實腹脹脇滿加生腹子一錢五分白芥子八分枳實一錢半夏二錢 婦人經水不調

而腫是血化為水名水分加紅花八分桃仁香附各一錢五分婦人經水適斷即腫是水化為血名氣分加

當歸三錢五靈脂醋炒一錢五分香附一錢五分 按服此方愈後必加減腎氣丸及六君子湯之類收功

胃苓散俱見妙用

四苓散加味丸

白朮一兩炒

茯苓二兩

豬苓一兩

澤瀉一兩

研末以半熟蒜為丸如菉豆大開水送下三五

錢 腫症積漸而成及久而不愈氣喘口渴不臥腹脹小便短少大便微澇一切危症不外薛氏加減腎氣丸主之

張景岳曰內經云腎為胃關關門不利故聚水而從其類也然關門而何以不利也經曰膀胱者州都之官

津液藏焉氣化則能出矣夫所謂氣化者即腎中之氣也即陰中之火也陰中無陽則氣不能化所以水道不

通溢而為腫故凡治氣者必先治水治水者必先治氣若氣不能化則水必不利惟下焦之真氣得行始能傳化惟下焦之真水得位始能分請求之古法惟薛立齋先生加減腎氣丸誠對症之方也余屢用之無不見效薛氏加減腎氣丸

熟地兩四

茯苓兩三

山茱肉

山藥

丹皮

牛膝

澤瀉

車前

肉桂各一兩

附子錢五

煉蜜丸如桐子大每服三錢開水送下

一日兩服

如素稟陽盛三焦多火煩渴面赤喘嗽

脈滑實此濕熱相因陰虛之證去桂附加麥冬主之醫學心悟云下焦濕熱去桂附加黃柏蛤蚧粉最妙

麻黃附子湯

方見金匱

去附子加杏子石膏名杏子湯

又明醫指掌云腫勢太盛內而膀胱外而陰囊相連緊急阻塞道路雖加利水之劑苦無一線之通病何由去必開大便以逐其水隨下而隨補則病已去而脾無恙漸為調理庶可得生慎毋守利水之舊規也如腫勢未盛還以利水為上策 按此法惟少年體壯可以偶用否則不可輕試

脈色

脈沉遲大便滑小便利口不渴面青白為陰 脈沉數大便燥小便赤口渴面赤為陽 大抵脈喜浮大忌遲

細 仲景云水腫脈浮者死謂腫盛皮膚甚厚脈浮於皮毛之外輕捫之如隔一紙是死脈

腫脹危候

大凡水腫先起於腹而後散四肢者可治先起於四肢而後歸於腹者難治 掌腫無紋者死 大便滑泄水

腫不消者死 脣黑脣腫齒焦者死 臍腫突出者死 缺盆平者死 陰囊及莖俱腫者死 脈口絕張足

腫者死 足跗腫膝如斗者死 肚上青筋見瀉後腹腫者死 男從身下腫上女從身上腫下皆難治

燈草蘿蔔湯 種福 治腫脹

燈草一大把先將水四 椀煎至二大椀 羅蔔子一兩 微炒 砂仁二錢 微炒 將二味研末傾入燈草湯內略滾即盛入壺

內慢慢吃下吃盡不見效如前再煎一服俟腹响放屁小便長腫即退

脹症 宜參看 腫症

脹者心腹脹滿實者脹起於驟然便實脈滑而實宜散之消導之攻下之虛者脹成於積漸小便利大便滑脈
瀆小虛微病在中焦以參朮補之病在下焦以桂附吳茱萸溫之或兼行滯之品而標本並治亦有與腫症相
兼者當參看腫症辨症法

脹而屬熱脈寔而滑者廓清飲主之

廓清飲

枳殼二錢 薑朴半錢 大腹皮錢一 白芥子 五七分或一二錢 茯苓皮 二三錢 萊菔子 生搗一錢

如中不甚脹能食者不必用 澤瀉 一二錢 陳皮 一錢 水煎服

脹而屬寒者胃苓湯主之兼小便利者四苓散以蒜為丸主之 二方見腫症

脹而屬七情所致者直四七湯主之逍遙散亦主之

四七湯

半夏錢三

茯苓錢

厚朴錢二

蘇葉一錢

生薑三片

水煎服

此方妙在紫蘇葉一

味辛以散結香以醒脾而順氣消脹行水乃其餘事

逍遙散

方見時方

此症宜加半夏二錢以降逆氣加生麥芽二錢以達肝氣蓋麥先春而萌芽得春生之氣最早

也

脹而屬虛者脈微弱細小喜摩按二便利氣衰言微宜六君子湯理中湯合八味丸服之

單腹脹死症也或青年壯健起於驟然若心下堅大如盤者以金匱桂枝去芍藥加麻黃附子細辛湯直搗其

痰水氣血之巢穴嗣以枳朮散消補並施可救十中之一然此猶實症也若虛症難治攻之則速其危補之愈

增其脹余家傳有消鼓丹加白朮一兩試用四五劑不增脹方可議治但消鼓丹方中陽起石無真硫磺非從

倭來亦不能效故方亦不列 又名鼓脹以外實中空其狀如鼓也又名蠱脹易曰蠱壞極而有事也人病蠱

者脾土敗壞身不即死復有事也事猶病也

桂枝去芍藥加麻黃附子細辛湯

方見金匱

枳朮散

方見金匱

白朮

四兩

枳實

二兩

研末每服三錢穀芽湯送下

脈象

喜浮大忌虛小餘參看腫症脈

蘿蔔牙皂散 治五臟神方

蘿蔔子 四兩用巴豆十六粒同炒

牙皂 一兩五錢煨去弦

沉香 五錢

枳殼 四兩火酒煮切片炒

大黃 一兩焙

琥珀 右共為末每服一錢隨病輕重加減雞鳴時溫酒送下薑湯下亦可後服金匱腎氣丸 調理

收功

蕉扇千金滑石散 治水腫

陳芭蕉扇 去筋燒灰存性五分

千金子 去油殼二分五厘

滑石 二分

共為細末以腐皮包滾水送下一服全愈

黃牛糞散 治臟脹用四五月時黃牛糞陰乾微炒黃香為末每服一兩煎半時濾清服之不過三服即愈

葫蘆糯米酒散 治中滿臟脹

陳葫蘆 一個要三年者佳

糯米 一升

作酒待熟用葫蘆瓢於炭上炙熟入酒浸之如此五六次將瓢燒灰存

性為細末每服三錢酒下

豬肚大蒜湯 治臟脹

雄豬肚子 一個

八大蒜 四兩

檳榔 研末

砂仁 研末各三錢

木香 二錢

砂鍋內用河水煮熟

空心服豬肚立效

橘葉青鹽湯 治肝氣脹

烏梅^{三個}

鮮橘葉^{錢三}

青鹽^{分三}

川椒^{錢二}

水煎空心服

蝦蟆砂仁散 治氣厥將大蝦蟆一隻破開用大砂仁填滿腹中黃泥封固炭上煨紅冷定去泥研末陳皮湯

調服放屁即愈

蘿蔔砂仁散 治氣厥氣脹

蘿蔔子^{二兩}

搗研以水濾汁用砂仁一兩浸一夜炒乾又浸又晒凡七次為末每米湯送下一錢

田螺解脹敷臍方

俱見種福堂

治一切臌脹肚飽發虛

大田螺^{一個}

雄黃^{錢一}

甘遂末^{錢一}

麝香^{分一}

先將藥末用田螺搗如泥以麝置臍枚藥

臍上以物覆之束好待小便大通去之重者用此相兼小便大通病即解矣

消渴

傷寒太陽症消渴小便不利宜五苓散厥陰症消渴宜大承氣湯之類與雜病之消渴名同而病異宜分別之

經云心移熱於肺傳為鬲消昔醫名為上消以白虎湯加人參治之又云大腸移熱於胃善食而瘦昔醫謂

為中消以調胃承氣湯下之下消者煩躁引飲耳輪焦乾小便如膏或飲一升溺一升飲一斗溺一斗以腎氣

丸主之 趙氏曰治消之法無分上中下先治腎為急惟六味八味及加減八味丸隨症而服降其心火滋其

腎火則渴自止矣白虎承氣皆非所治也 或曰人有服地黃湯而渴仍不止者何也曰此方士不能廢其繩

墨而更其道也蓋心肺位近宜制小其服肝腎位遠宜制大其服如上消中消可以前丸緩而治之若下消已

極大渴大燥須加減大八味丸料一觔肉桂一兩水煎六七椀恣意冰冷飲之睡熟而渴如失矣處方之制存乎人之變通耳 或問下消無水用六味丸以滋少陰腎水矣又加附子肉桂者何蓋因命門火衰不能蒸腐水穀水穀之氣不能薰蒸上潤乎肺如釜底無薪鍋蓋乾燥故渴至於肺亦無所稟不能四布水精並行五經其所飲之水未經火化直入膀胱正謂飲一升溺一升飲一斗溺一斗觀其尿味甘而不鹹可知矣故用桂附之辛熱壯其少陰之火灶底加薪枯籠蒸溼槁苗得兩生意維新惟明者知之昧者鮮不以為迂也 張隱

菴諱志聰本朝人著本草

崇原併侶山堂類辨

曰有脾不能為胃行其津液肺不能通調水道而為消渴者人但知以清涼藥治消

而不知脾喜燥而肺惡寒試觀泄瀉者必渴此因水津不能上輸而惟下泄故爾以燥脾之藥治之水液上升即不渴矣故以涼潤治渴人皆知之以燥熱治渴人所不知也

附案

辛亥歲到義溪有一婦人產後一年口渴不止服藥不效予用四君子湯加麥冬烏梅生乾薑蜜丸彈子大令其喻化三日知十日全愈方中妙在白朮之苦燥乾薑之辛熱所以鼓胃氣而升其水液也

玉泉散 治消渴

白甘葛

天花粉

麥冬

生地

五味子

甘草

各等分水煎服

還津丸 止渴生津

酸梅

烏梅各二十五枚俱去核

薄荷末一兩

冰片半分

硼砂錢半

共研極細末為丸每含一丸消

消渴潤燥方

白蜜 人乳酥各一 右溶化一處每日不拘時服

繅絲湯 治消渴用繅絲湯飲之

麻仁丸方見傷寒

腎氣丸方見金匱

六味丸方見時方

炙甘草湯方見傷寒

三方俱見虛癆

腰痛

經曰太陽所至為腰痛太陽膀胱也主外感而言如五積散及桂枝湯加白朮附子之類皆可治之又曰腰者腎之府轉搖不動腎將憊矣主內傷而言水虛用六味丸火衰用八味丸如牛膝杜仲鹿茸羊腎人參當歸枸杞之類無不可以隨宜加入此恆法也業醫者無不共曉用而不效則束手無策而不知肝脾胃及督脈帶脈皆有此病須當細心分別經云肝足厥陰也是動則病腰痛不可以俯仰宜當歸四逆湯治之方中細辛能達絡脉以久痛必入絡又曰從腰以下者足太陰陽明皆主之病在腰者取膈中余遇此症每以白朮為君者取之太陰有時用苡仁為君者取之陽明人第曰二藥利濕濕去而重著遂已孰知白朮運行土氣於肌肉外通皮膚內通經脈風寒濕三氣為痺一藥可以兼治苡仁為陽明正藥陽明主潤宗筋宗筋主束骨而利機關故二藥分用合用或加一二味引經輒收奇效又有瘀血作痛以一味鹿角為末酒調服甚效或因挫跌外傷腫痛或敗血凝滯而不去痛止而又作者以桃仁承氣湯加附子穿山甲甚效至於督脉為病尺寸中央俱浮三部俱浮直上直下並長之象主腰強痛帶脈為病關部左右彈主腰溶溶如坐水中須用鍼灸之法李瀕湖奇經考極有發明宜熟

讀之

當歸四逆湯

桂枝湯俱見傷寒

六味丸

八味丸俱見時方

新定白朮湯

治腰痛而重諸藥不效者

白朮

生用五錢至一兩 杜仲生用五錢或一兩

附子一二錢

水煎空心服

脈沉而微口中和加肉桂一錢脈沉而數口

中熱去附子加黃柏一錢

新定薏仁湯

治腰痛筋攣難以屈伸者

薏仁兩一

附子一二錢

木瓜半錢

牛膝二三錢

水煎空心服

如脈洪重按有力口中熱去

附子加白朮五錢

鹿角散

以鹿角切片酒拌焙黃勿焦研末空心老黃酒送下三四錢以此藥入督脈兼能拓散瘀血也

備方

青娥丸

治腎虛感寒濕之氣

胡桃

三十個去殼膜

故紙六兩酒炒

杜仲十六兩薑汁炒

蒜四兩炊為膏

共研末丸桐子大酒下三十九

奇效方

胡桃肉

補骨脂

杜仲各一錢

水三鍾煎一鍾服

按骨脂宜減半

甘藷苓朮湯

按此湯去茯苓以四味各等分名腎著湯治同

摩腰膏 種福堂

治老人虛人腰痛婦人帶下清水不臭者虛寒者宜之

附子

川烏

南星 各二錢半

川椒

雄黃

樟腦

丁香 各錢半

乾薑 一錢

麝香 分

右為末煉蜜丸如彈子大用生薑自然汁化開如糜蘸手掌上烘熱摩腰中痛處即以煖帛紮

之少頃其熱如火每日用一丸

自汗盜汗

自汗者汗自出屬陽虛宜玉屏風散加牡蠣浮小麥之類以實表補陽盜汗者睡而汗出醒而汗收屬陰虛宜當歸六黃湯以補陰清火然陰陽有互根之理有陽虛而治其陰者陰虛而治其陽者不可不知又汗為心液宜補其心以人參養榮湯主之液主於腎宜補其腎以左右歸飲六味丸主之總之汗以元氣為樞機苟大汗身冷必以六味回陽飲人參加至兩許方可挽回傷寒誤發其汗上焦津液乾枯必引腎水上泛外溢如水湧出名曰亡陽必以真武湯救之蓋以此湯君茯苓以鎮水佐附子以回陽也

汗出不治症

汗出而喘

汗出而脈絕

汗出而身痛

汗出髮潤至巔

汗出如油汗出如珠

凡見此類

皆不得妄藥

脈息

宜陰脈若漸緩者吉

忌陽脈兼短澹促結代散革者難治

方藥

玉屏風散

白朮 二錢 炒

黃耆 二錢 炙

防風 五分

水煎服按宜以黃耆為君可加至五七錢

當歸六黃湯

治發熱盜汗如神

當歸

熟地

生地

黃柏

黃連

黃芩 各一錢

黃耆 二錢 炙

水一鍾半煎六七分服

加浮小麥牡蠣各一錢更效

六味回陽飲

治陰陽俱脫汗出不止

熟地

四五錢 或一兩

當歸 二三錢

乾薑 一二錢 炮

附子 二三錢 五錢

人參 二三錢 至一兩

炙草 一二錢 三錢

水煎

服按汗出亡陽者以茯苓換當歸再加烏梅二枚

真武湯 方見 傷寒

外治法 用五倍子研末口水為丸貼臍中

男用女津 女用男津

外以膏藥封之不走氣隔宿即止

又以龍骨牡蠣煨

研為末包稀布內擦汗粉自出以實毛竅

備方

參附湯

朮附湯

耆附湯

俱見時方 俱見氣喘

喻氏曰衛外之陽不固而自汗則用耆附湯脾中之陽遏鬱而自汗則用朮附湯腎中之陽浮游而自汗則用參附湯凡屬陽虛自汗不能舍三方為治又曰耆附可以治風虛朮附可以治寒濕參附可以壯元神三者亦

交相為用 按用方之妙得其性味化合如珠之走盤不拘成法

蓮棗麥豆湯 治盜汗方

蓮子七粒 黑棗七個 浮麥一合 馬料豆一合 用水一大碗煎八分服三劑

黃耆豆湯 用黃耆馬料豆二味全煎服半月愈

五倍子膏 用五倍子去蛙末炙乾研末男用女唾女用男唾調厚糊填臍中外用舊膏藥貼之勿令泄氣兩

次愈

黑豆麥梅湯 俱見種福堂

止汗方

黑豆三錢 浮麥三錢 烏梅二個 水煎服

五

...

...

...

...

閩吳航陳念祖修園甫著

泄瀉

次男元犀靈石參訂孫男心典微卷同校字

泄瀉之證有五而總不離於濕初起只以平胃散加猪苓澤瀉治之他方皆不逮也又有五更天將明時必洞瀉一二次名曰脾腎泄難治蓋以腎旺於亥子今腎大虛閉藏失職故五更之時而特甚也亦謂之脾者以泄瀉之時一定不移五行之土猶五常之信也四神丸加味主之大抵初瀉與瀉之未甚宜利水次補脾久瀉大瀉宜補腎以胃關煎八味丸之類為主兼服補中益氣湯以升其下陷之氣蓋以腎為胃關二便開闔皆腎所主也

脈息 宜沉細 忌浮大

加味平胃散

蒼朮二錢 炙甘草 陳皮各一 猪苓 厚朴薑汁 澤瀉各錢 生薑片 水煎服
炒 如頭痛發熱惡寒者外感風寒也如紫蘇一錢川芎防風各一錢 如傷食飽悶脹痛等證加山查麥芽之類大醉之後更加乾薑一錢 如腹痛不休脈細手足冷中寒也加乾薑一錢肉桂吳萸各一錢 如脈洪數有力口中熱舌紅腹痛時作時止小便短澀火瀉痛也如木通一錢乾薑一錢五分若兼腸垢裏急後重再加黃連一錢白芍三錢 如暑月水瀉口渴小便不利加滑石三錢研末 如瀉而腹痛不止為土傷木

賊加酒白芍三錢防風一錢 如服前藥不能效者是脾腎虛寒宜加補骨脂炒扁豆白朮各二錢吳萸八分乾薑一錢以溫之如滑脫不止必加訶子肉豆蔻一錢五分櫻粟殼一錢以晉之

四神丸方見時方

鄉前輩林公諱祖成加白朮八兩櫻粟殼二兩肉桂一兩醋調炒米粉為丸名六神丸治同再

加杜仲四兩茯苓四兩名曰固腎啟脾丸自註云久服此丸俾脾元足而榮衛通斯分消之力旺腎元足而開闔神斯固攝之權行也

溫補脾腎元氣主方 林公傳

杜仲二錢

人參

白朮各錢半

茯苓

肉豆蔻

去油各一錢

補骨脂

砂仁各五分

五味二分

水煎空心午前服

小腹隱痛加肉桂五分

小便不利加澤瀉一錢

胃關煎 治大瀉將脫久瀉不止

熟地三四五錢

白朮二三錢

乾薑一二錢炒

吳萸五七分

炙草一錢

扁豆炒研

山藥炒各二錢

水煎服

按以上為治瀉之恒法又有變通活法不可不知如久瀉服溫補及固澀之藥不止或愈而復

作或既愈次年又應期而作俱是錮積未除宜通因通用之法本事溫脾湯主之又有感秋金燥氣始則

欬嗽久則往來寒熱泄瀉無度服溫補藥更甚或穀不化有似虛寒而不知肺中之熱無處可宣急奔

大腸食入則不待傳化而直出食不入則腸中之垢亦隨氣奔而出是以瀉利無休也宜以黃芩地骨皮

甘草杏仁阿膠潤肺之藥兼潤其腸則源流俱清寒熱欬嗽泄瀉一齊俱止矣又有瀉久亡陰過服香燥

之品發熱口渴微喘汗出煩燥陰氣虛盡陽氣不能久留宜急養其陰以阿膠地黃門冬等類熬膏三四勛

日服十餘次半月藥盡遂效另製補脾藥末然後全愈此喻嘉言之驗案也

溫脾湯 本事方 見時方 主治錮冷在腸胃間泄瀉腹痛宜先取去然後調治不可畏虛以養病也

千金溫脾湯 方見實 在易 治積久熱痢赤白

生薑瀉心湯 治心下痞鞭乾噫食臭脇下有水氣腹中雷鳴下利者

甘草瀉心湯 下後痞益甚日利數十行穀不化此非熱結但以胃中虛空氣上逆故便鞭也

半夏瀉心湯 嘔而發熱心下滿而不痛

黃芩湯 太陽少陽合病自利者 若嘔者加生薑一錢五分半夏一錢名黃芩加半夏生薑湯

黃連湯 胸中熱胃中有邪氣腹中痛欲嘔者 卽半夏瀉心湯去黃芩加桂枝以和表裏

乾薑黃連黃芩人參湯 下利醫復吐下之食入口卽吐 此方治嘔家夾熱不利於香砂橘半者服此如神

張石頑先生借治脾胃虛寒腸有積熱之泄甚效

厚朴生薑甘草半夏人參湯 此仲景治汗後腹脹滿之方也今石頑借治瀉後腹脹滿甚效

石頑治總戎陳孟庸瀉利腹脹作痛服黃芩白芍之類脹急愈甚其脈洪盛而數按之則濡此濕熱傷脾胃之

氣也與厚朴生薑甘草半夏人參湯二劑痛止脹減而泄利未已與乾薑黃芩黃連人參湯二劑瀉止而飲食

不思與半夏瀉心湯二劑而安

葛根黃芩黃連湯各見傷寒 此湯仲景治桂枝證醫反下之利遂不止脈促喘而汗出之證今借治表邪未解腸胃

俱熱之瀉甚效 按君臣氣質輕清之葛根以解肌而止利佐苦寒清肅之芩連以止汗而除喘又加甘草以

和中先煮葛根後納諸藥解肌之力緩清中之氣銳又與補中逐邪者殊法矣

鍋粳蓮肉糖散 治老幼脾瀉久不愈神方

飯鍋粳四兩淨末 蓮肉四兩去心淨末 白糖四兩 右共和勻每服三五匙一日三次食遠服

丹礬蠟榴丸 治一切久瀉諸藥不效宜服此丸

黃丹 枯礬 黃蠟各一兩 石榴皮八錢炒研 將蠟溶化小銅杓內再以丹礬榴皮三味細末乘熱

為丸如草大空心服五丸兼治紅痢用清茶下白痢用薑湯下

鍋粳松花散 治白瀉不止神效方 飯鍋粳二兩 松花二兩炒 臘肉骨頭五錢烘脆 共為末砂糖調不

拘時服

火腿紅麴散各見種福堂 治脾泄

陳火腿骨煨存性研末 紅麴 松花 右三味各等分為細末砂糖調陳酒送下

風痺痿

風痺痿三證不同近世不能為辨而混同施治誤人不淺茲特分別之

風者肢節走痛也內經謂之賊風後人謂之痛風又謂之白虎歷節風其中表裏寒熱虛實宜因脈辨證而藥

之至又痛必入絡如木通刺蒺藜紅花金銀花鈎藤之類最能通絡可隨宜加入久痛必挾鬱鬱而成熱熱感則生痰如南星半夏括蕁根黃栢鬱金川貝竹瀝薑汁之類俱能解鬱清熱化痰可隨宜加入多用桑枝桑寄生者蓋以桑為箕星之精也多用虎骨者以風從虎亦以骨治骨之義也用烏附辛桂之藥而不效者宜用威靈麥冬桑葉升麻生首菊花蒺藜阿膠甘草之類為膏滋養陽明亦是柔潤熄肝風之法

痺者閉也風寒濕雜至合而為痺與痛風相似但風則陽受之痺則陰受之雖行痺屬風痺痛屬寒著痺屬濕而三氣之合自當以寒濕為主蓋以風為陽邪寒濕為陰邪陰主閉閉則重著而沉痛是痺證不外寒濕而寒濕亦必挾風寒曰風寒濕曰風濕此三氣雜合之說也內經云在陽命曰風在陰命曰痺以此分別則兩證自不混治矣至於治法不外三痺湯及景岳三氣飲之類為主如黃耆五物湯黃耆防己湯桂枝芍藥知母湯烏頭湯之類皆古聖經方當知擇用張景岳云祇宜峻補真陰宣通脈絡使氣血得以流行不得過用驅風等藥再傷陰氣必反增其病矣若胸痺胞痺及臟腑之痺當另立一門方能分曉醫門法律分別甚詳宜熟玩之痿者兩足痿弱而不痛也內經分為五臟肺痿者主皮毛痿也心痿者脈痿也肝痿者筋痿也脾痿者肉痿也腎痿者骨痿也而其要旨在獨取陽明蓋陽明為五臟六腑之海主潤宗筋宗筋主束骨而利機關若陽明虛不能藏受水穀之氣而布化則五臟無所稟宗筋無所養而痿躄作矣醫者不知誤投薑獨風藥則火得風而益熾誤投烏附劫藥則陰被劫而速亡要知此證無寒當導張子和為定論若用痛風三痺蒸湯熨燔等法立見其危至於方治以虎潛丸加減四筋丸為主痰多者間服六君子湯加黃柏蒼朮竹瀝薑汁黑瘦人血虛多

燥宜間服二妙地黄丸肥白人氣虛多痰宜間服當歸補血湯加竹瀝薑汁定不可誤服辛熱之藥或間辛熱既不可用何張石頑云老人痿厥用虎潛丸而不愈少加附子而即愈乎不知此法是借附子辛熱之力以開通經隧原非為腎臟虛寒而設也

脈息 宜浮數 忌虛弱

四物湯 治風先治血

四君子湯

十全大補湯

八珍湯

六君子湯

當歸補血湯 血主於氣各見時方

桂枝湯

麻黃湯 各見傷寒

防己黃耆湯 方見金匱

治風濕相搏客在皮膚關節疼痛腰以下痠重脈浮自汗惡風等證服後當如蟲行皮中

腰以下如冰後坐被上又以被遠腰下溫令微汗差 喘加麻黃胃氣不和加芍藥氣上衝心加桂枝有陳

氣加細辛 陳氣又積之寒氣也

防己湯 干金

治歷節四肢痛如錐刺即前方去黃耆大棗本方防己又朮生薑各四錢甘草三錢加桂心茯苓

各四錢烏頭一枚 去皮 人參二錢以苦酒和水煮日三夜一服當覺焦熱瘳忽然慎勿怪也若不覺復服

以覺乃止 忌醋物桃李生葱豬肉冷水

黃耆桂枝五物湯

治血痺陰陽俱微寸口關上微尺中小緊外證身體不仁狀如風痺

桂枝芍藥知母湯

治肢節疼痛身體羸瘦脚腫如脫頭眩氣短溫溫欲吐此方為補藥之妙解見徐忠可金

匱論註

烏頭湯俱見金匱 治歷節疼痛不可屈伸

獨活寄生湯金匱 治風寒濕痺偏枯脚氣

獨活二錢 桑寄生 秦艽 細辛 歸身 生地 芍藥 川芎 桂心 茯苓

杜仲 牛膝 人參 甘草各一錢 以水煎服

舒筋保安散見癩症 按此方治痛行痺極效

三痺湯 治血氣凝滯手足拘攣風寒濕三痺

人參 黃耆 當歸 川芎 白芍 生地 杜仲 續斷 防風 桂心

細辛 秦艽 白茯苓 牛膝 川獨活 甘草各等分 生薑三片 紅棗一枚 水三盞煎五分不

拘時服

三氣飲景岳 治氣血虧損風寒濕三氣乘虛內侵筋骨歷節痺痛之極及痢後鶴膝等風痛等證

當歸 枸杞 杜仲各二錢 熟地三錢或五錢 牛膝 茯苓 芍藥酒炒 肉桂各一錢

細辛或代以獨活 白芷 炙草各一錢 附子隨宜用一二錢 生薑三片 水二鍾煎服 氣

虛如參朮風寒勝加麻黃一二錢亦可浸酒飲之

加減四助丸三因 治肝腎虛熱淫於內致筋骨痿弱足不任地驚恐戰掉潮熱時作飯食無味不生氣力

肉苁蓉酒浸 牛膝 木瓜俱酒浸 鹿茸酥炙 熟地或用生地 杜仲 兔絲子各等 共為

末煉密丸桐子大每服五十九丸温酒米飲下

虎潛丸丹溪方見時方

治腎陰不足筋骨痿不能步履

徐靈胎曰痿證自屬於熱經有明文此方最為合度後人

以温補治痿則相反矣痿有屬痰濕風寒外邪者此方又非所宜

外治法筋骨之病總在軀殼古人多用外治

靈樞治之以馬矢膏其急者以酒白和桂塗其緩者以桑鈎鈎之即以生桑炭置之坎中高下以坐等以膏慰急煩且飲美酒噉美炙肉不飲酒者自強也為之三拊而已靈樞用瀉酒三十升蜀椒一升乾薑一斤桂心一斤凡四種皆咀漬酒中用綿絮一斤細白布四尺並納酒中置酒馬矢煨中蓋對塗勿使泄五日五夜出布綿絮曝乾之乾後復漬以盡其汁每漬必晬其日乃出乾並用滓以綿絮複布為複巾長六七尺為六七巾則用生桑炭炙巾以慰寒濕所刺之處令熱入至於病所寒復炙巾以慰之三十遍而止汗出以巾拭身亦三十遍而止

羌活桂歸酒 治風寒濕痺

羌活 桂枝 秦朮

防風

續斷

附子各一錢

歸身

金毛狗脊

虎骨各錢半

杜仲 晚蠶沙各二錢

川芎八分

桑枝三錢

生薑切片一錢

大棗二枚

陳酒二斤浸二日夜煎服

集寶療癰膏

川烏 草烏 南星 半夏 當歸 紅花 獨活 羌活 大黃 桃仁各四錢

山甲 肉桂各一 白芷五 陀僧二 硫磺半 松香斤 生薑汁錢 麻油一

竹汁碗 右收煎好如乳香沒藥血竭胡椒樟腦細辛牙皂末各二錢 若加商陸根鳳仙鬧楊花鮮烟葉鮮

蘇鮮希蘇等汁更妙

蒼朮黑苳散 治癩方

茅山蒼朮五洗淨泥垢先以米泔水浸三宿用蜜酒浸一宿去皮用黑苳一層拌蒼朮一層蒸二次再用密

酒蒸一次同和在砂鍋內熬濃汁去渣隔湯燉滴水成珠為度每膏一和煉蜜一白湯調服 一老人專用

此方壽至八十餘身輕健甚於少年

七製松香膏 治濕氣第一神方 松香三第一次薑汁煮第二次葱汁煮第三次白鳳仙汁煮第四次燒酒

煮第五次鬧楊花汁煮第六次商陸根汁煮第七次紅醋煮

桐油三斤 川烏 草烏 蒼朮 官桂 乾薑 草麻以上各四兩 血餘八兩 右八味共

入桐油熬至藥枯髮消滴水成珠濾去渣入牛皮膏四兩烱化用前製過松香漸漸收之離火加樟腦一兩

好麝香三錢厚紙攤之貼患處神效

虎骨木通湯 治一切麻木痺證痛風歷節 虎骨 木通各等分 煎湯頻頻多吃即愈

紅花白芷防風飲 治歷節四肢痠痛

江花 白芷 防風各五 威靈仙三 酒煎服取汗三服全愈

山甲白薇澤蘭飲 治箭風俗名鬼箭打及頭項手足筋骨痠痛半身不遂等疾照方一服即愈

山甲一錢 炒研 白薇二錢 澤蘭三錢 照分量好酒煎服

硫磺敷痛膏俱見種福堂 治痛風歷節四肢疼痛用醋磨硫磺敷之或用葱白杵爛炒熱熨之

鶴膝風

喻嘉言曰鶴膝風者即風寒濕之痹於膝也加膝骨日大上下肌肉日枯且未可治其膝先養其氣血使肌肉滋榮後治其膝可也此與治偏枯之證大同小異急溉其未枯者使氣血流行而復榮倘不知此但服麻黃防風等散風之藥鮮不全枯者故治鶴膝風而急攻其痹必並其足痿而不用矣

大防風湯 治邪襲足三陰腿膝皮痛及痢後脛膝痛鶴膝風附骨疽症但赤熱焮腫者禁用 四君子湯去

茯苓加肉桂附子黃耆牛膝杜仲熟地白芍川芎羌活防風

五積散方見時方 治少陰傷寒及外感風寒胸滿惡食嘔吐腹痛寒熱往來脚氣冷秘寒疝寒虛等症孫男心典

按鶴膝風多是虛寒脚氣多是濕熱一補一攻治法各判然脚氣有腎氣素虛氣喘小腹痺者腎氣丸必不

可緩鶴膝赤熱焮腫者二妙散桂枝芍藥知母湯亦所必需此活法也

三妙散 治濕熱痿證 黃柏 蒼朮去皮鹽水炒 水煎服

三氣湯 桂枝芍藥知母湯俱見金匱

見視膏俱見 專治風寒濕骨節痛歷節痛風痿痺麻木不仁鶴膝風偏頭風漏肩風等證並治跌撲閃對等

傷陰證無名腫毒已破爛者勿貼小兒孕婦勿貼

活短頭髮 曬乾二兩用壯年人剃下者

大黃

靈仙

雄鼠真各一兩

川烏

草烏

劉寄奴各八錢

土鱉 大者三個

羌活

獨活

紅花

當歸

蛇床子

蒼朮

生南星 生半夏

白芥子

桃仁略一兩

右十八味俱切碎

樟冰 一兩

甘松

山柰

花椒

猪牙皂

山甲 炙研

萹撥

沒藥

以上各三錢不必去油同乳香炙熱

同眾藥研細

乳香

白芷 略五錢

右十味研極細末

鮮烟葉汁 一斤松香六兩收曬乾

鮮商陸根汁 一斤松香六兩收

鮮開楊花汁 三兩收

鮮艾葉汁 三兩收

白鳳仙花汁 三兩收

半斤松香 三兩收

生薑汁 半斤松香三兩收

韭汁 半斤松香三兩收

葱汁 半斤松香三兩收

大蘇汁 四兩松香三兩收

用足秤麻油三斤四

兩先將頭髮入油熬半炷香再將前藥入油熬至焦黃色不可太枯即濾去渣入前松香熬化再將絲綿濾去渣再熬至油面起核桃花紋先加入極細蜜陀僧四兩再徐徐加入西硫磺末一斤投此二味時務須慢慢酒入不可太多太驟以滴水成珠離火待溫然後摻入細藥攪勻滋器收貯熬時須用桑枝不佳手攪青布攤貼每張淨藥重四錢臨時加肉桂末五釐細辛末二釐

脚氣

東垣云脚氣實由水濕然有二焉南方卑濕清濕襲虛則疾起於下此是外感北方常食羶乳又飲酒太過脾胃有傷不能運化水濕下流此內而外者也 脚氣有乾濕不同如兩脛腫大名濕脚氣是為壅疾不宜驟

補宜雞鳴散疎通其下不使其壅若壅既成者宜先去惡血然後服藥如兩脛不腫或頑痺或攣急或緩縱名乾脚氣宜四物湯加牛膝木瓜蒼朮黃柏肉桂澤瀉之類主之二證雖不宜驟補而三陰受病上氣喘急及上入少腹不仁急宜八味丸補火以利水外以礬石一兩酸漿水一斗五升煎三五沸浸之丹溪以白芥子自止等分為末薑汁調敷之 脚氣證小腹頑痺不仁不過三五日即令嘔吐名脚氣入心死證 治脚氣入心仲景用腎氣丸通膀胱之氣安其腎水不使攻心巢氏用風引湯取石性易於下達勝其濕熱不使攻心二方皆為救危之神劑一治腎氣之虛一治濕熱之盛宜憑證擇用之

診法

脈浮弦起於風濡弱起於濕洪數起於熱遲濇起於寒沉而伏毒在筋骨也指下濇濇不調毒在血分也夏暑脚膝冷痛其脈陽濡陰弱濕溫也脚氣多從暑濕得之

論冷熱不同

問曰何故得者有冷有熱答曰足有三陰三陽寒中三陽所患必冷暑中三陰所患必熱故有表裏冷熱冷熱不同熱者療以涼藥冷者療以熱藥以意消息之脾受陽毒即熱頑腎受陰濕即寒痺

論腫不腫

凡有人久患脚氣不自知別於後因他病發動療之得差後直患嘔吐而復脚弱余為診之乃告為脚氣病者曰我平生不患脚腫何因為脚氣不肯服湯餘醫以為石發狐疑之間不過一旬而死故脚氣不得拘定以

腫以候有腫者亦有不腫者其以小腹頑痺不仁者脚多不腫小腹頑後不過三五日即令人嘔吐者名脚氣入心如此者死在旦夕凡患脚氣到心難治以其腎水尅心火故也

脚氣腫滿

病源此由風濕毒氣搏於腎經腎主水今為邪所搏則腎氣不能宣通水液不傳於小腸致水氣擁溢膀胱浸漬皮膚故腫滿也

千金翼溫腎湯主腰脊膝脚浮腫不遂方

茯苓 乾薑 澤瀉各二兩 桂心三兩 右四味切以水六升煮取二升分為三服

又療脚氣初發從足起至膝脛腫骨痠者方 烏牛屎一服一升日二服腫消止羸瘦者二分尿一分牛乳

合煮乳結乃服之 又方用生猪肝一具細切以淡蒜齏食之令盡若不盡者分再食之

崔氏 療脚氣遍身腫方 大豆二大升 桑白皮一握 檳榔十四枚 茯苓二兩 右四味和老酒二

升煎服

療脚氣滿小便少者方 檳榔四十枚 大豆三升 桑白皮一握 水煎服

徐王積實散宜春秋服消腫利小便兼補療風虛冷脹不能食方

枳實半斤 桂心尺 茯苓五兩 白朮五兩 右四味為散酒服方寸七日三服

手足酸痛兼微腫方 烏麻五升微熬研碎 右一味以酒一升漬一宿隨多少飲之

唐侍中瘰苦脚氣攻心此方正散腫氣極驗

檳榔七

生薑二

橘皮

吳萸

紫蘇

木瓜各一

以水三升煎服

脚氣上氣入腹腫方

野椒根一

酒二升投安瓶中泥頭煆火燒得一沸然後温服

常山甘草湯方

常山三

甘草兩

若寒熱日三服

寒甚陰傷者腎氣衰微者

鹿茸

淮山藥

石棗各三

地黃

黃耆

茯苓

丹皮各二

川附半

澤瀉半

水煎服

千金風引湯 瘰兩脚疲痺腫或不仁拘急屈不得行癰腫方

麻黃二兩

吳萸

秦朮

桂心

人參

細辛

乾薑

防己

川芎

甘草

附子各一

石膏二

杏仁六十

白朮三

茯苓二

生蒜

桑枝各一

鳳仙二

右諸味杵末用麻油五斤將藥浸入油內春五夏三秋七冬六候日數已足入

潔淨大鍋內慢火熬至藥枯浮起為度佳火片時用布袋搥去渣將油稱準每油一斤對定黃丹六兩用桃

柳枝不時攪之以黑如漆亮如鏡為度滴入水內成珠用布攤貼隨時貼此膏應用麝香一分敷在患處

風引湯方見

雞鳴散方見

治脚氣第一品藥不問男女可服如感風濕流注脚痛不可忍筋脈腫者並宜服之如鹿茸者其效如神

醫學從衆錄卷七終

閩吳航陳念祖修園甫著

次男元犀靈石參訂孫男心典徵卷全校字

婦人雜病方

烏骨雞丸秘旨

治婦人鬱結不舒蒸熱效嗽月事不調或久閉不行或倒經血溢於上或產後褥勞或崩淋不

止及帶下赤白淫諸證兼療男子斷喪大早勞嗽吐紅成虛損者

烏骨毛絲白雞一隻男雌女雄取嗽長者溺倒泡去毛竹刀剖

五味兩

熟地黄四兩如血熱加
生地黃二兩

右二味入雞腹內用陳酒量便各二碗水數碗砂鍋中旋煮旋添糜爛汁盡全下五藥搗爛焙乾骨用酥炙

共為細木

綿黃耆去皮蜜酒拌炒

於潛木飯上蒸九次各三兩

白茯苓去皮

當歸身酒洗

白芍藥酒炒各二兩

五味預為粗末同雞肉搗焙共為細末入下諸藥

人參三兩虛甚者加至六兩

牡丹皮二兩酒潤勿曬

川芎一兩童便浸切炒

右三味各為細末和前藥中另用乾山藥

六兩打糊眾手丸成曬乾勿令餽磁罐收貯清晨人參或沸湯送下三錢卧時酒再服二錢大便實者煉蜜

為丸亦可 隨證加入溫涼調氣等藥 雞屬巽補肝尤妙在烏骨益腎變巽歸坎乙癸同源兼滋衝任也

四烏鯽骨一蘆茹丸

方見女科要旨

治氣竭肝傷血枯婦人血枯經閉丈夫陰痿精傷 按此方以蒐血之品為補

血之用乾血勞證以此方為上劑金匱治五勞虛極肌肉甲錯內有乾血用大黃蠱蟲丸實本於此 雀卵

功專煖胃如無雀肉煮搗可代雞卵及肝亦可代雞屬巽而肝主血也

地黃龍牡榴梅散 治血崩 大生地一兩 龍骨煨研末 牡蠣煨各四錢 石榴皮炒 烏梅肉炒

陳棕皮 百草霜各三錢 阿膠六兩蒲黃拌炒 陳京墨二錢炒 右研極細末用淮山五錢研末醋水打

糊為丸分作七日服內加人參三錢尤效或用人參湯下

百草血餘棕灰散 治血崩 陳棕灰 百草霜 頭髮灰各一兩 共為細末每服一錢陳酒下

棉花子散 治血崩不止

陳棕 棉花子各等分 二味燒灰存性研細末每服一錢五分陳酒送下

韭汁童便湯 治月水逆行上行口鼻搗韭汁以童便沖溫服

髮灰藕汁飲 治血淋痛脹甚者髮灰二錢藕汁調服

麝香琥珀丸 治經閉 土蟄蟲一兩炙存性 血珀末五錢 麝香三錢 酒打和為丸每服三分

芡實茯苓牛角散 治女子帶下虛脫證極效

芡實粉二兩 白茯苓二錢 赤石脂一兩煨 牡蠣一兩醋煨 禹餘糧一兩煨 牛角腮一兩炙黃 共為

末好米醋一杯拌煎藥曬乾再研末打糊為丸每服三錢

白鴿血竭飲 治乾血勞奇驗方此證過三年者不治 白鴿子一隻 赤毛肝腸淨入血竭一年一兩二年二

兩三年三兩以針線縫住用無灰酒煮數沸令病人吃之瘀血即行如心中慌亂者食白煮肉一塊即止

雞子黃丹飲 治孕婦下痢

雞蛋一枚破一孔如指大以銀簪腳攪勻加入黃丹^{三錢}用紙封口放在飯鍋上蒸熟食之

安胎方 治胎氣不安或腹痛或腰痛或飲食不甘宜服或五六月常服數貼最妙足月亦可服

人參五分虛者加倍 白朮土炒 當歸 白芍炒 紫蘇 黃芩炒各一錢 陳皮五分 甘草三分

川芎八分 砂仁七分 香附六分 腹痛倍加白芍 腰痛加鹽水炒杜仲續斷 內熱口渴去砂

仁加麥冬見紅加酒炒地榆生地以上各一錢

熟蠶豆散 治胎漏以炒熟蠶豆殼磨末每服三四錢加砂糖少許調服

皮硝湯 治死胎不下 皮硝三錢 北著三錢 寒月加製附子五分 酒半杯童便一杯煎二三沸溫服

牛膝葵子湯 治胎衣不下 牛膝三錢 葵子五分 水煎服

大麥芽散 治產後腹脹閉結膨悶氣結坐卧不安大麥芽炒一合 每服陳酒調三錢服

山查湯 治產後面黑乃惡血及肺發喘欲死蘇木兩 水三杯煎至一杯調人參末五錢服

韭菜開鼻湯 治產後血暈韭菜切入有嘴瓶內將醋三碗煎滾入瓶內將瓶嘴塞產婦鼻孔即醒

澤蘭洗方 治產後陰翻澤蘭葉煎濃湯熏洗即收

豬脚湯 治婦人吹乳不通豬脚爪一個鬼饅頭一個并煮食之一日即通雖無子女人食之亦有乳

絲瓜子散 治乳不通絲瓜子連子燒存性燒酒下一二錢被蓋取汗即通

蟹殼散 治乳巖此證先因乳中一粒大如豈漸漸大如雞蛋七八年後方破爛一破則不可治矣宜急服此

藥用生蟹殼數十枚放砂鍋內焙焦為末每服二錢好酒調下須日日服不可間斷

青皮散 治乳癰初起 青皮去瓢 山甲炒 白芷 甘草 貝母各八錢 共為細末溫酒調服

鯽魚敷乳膏 治乳癰乳痛 活鯽魚一個 鮮山藥一段如魚長者 全搗敷上以紙蓋之

南星半夏散 治吹爛乳癰

南星 半夏 皂角去皮弦子炒黃 五倍子去窠蟲炒黃 各等分研極細末米醋調敷一宿立效

乳沒湯 治乳癰

乳香 防風 知母 陳皮 木通 香附各一錢 沒藥 川芎 甘草 當歸

貝母各五分 杏仁 銀花 瓜蒌仁各二錢 橘葉二十斤鮮者更妙 水酒各半煎食後服四五服必愈

蝦蟆餅方 治乳癖用大蝦蟆一個去皮令淨入半夏三錢麝香五錢共搗爛為一大餅敷患處用帛縛之約三時許解去其效如神

許解去其效如神

貝母白芷內消湯 內消乳癰方 大貝母 白芷 各等分為末每服二錢白酒下有鬱加白茯苓若

有孕婦忌用白芷

鼠竄散 治乳癰癰潰爛者方可用神效 雄鼠竄三錢兩頭失者便是 土棟樹子三錢經霜者佳川者不用 露蜂房三錢

俱煨存性為細末分作三服酒下間兩日服一服痛止膿盡收斂奇效

雄黃麝香散 治婦人陰中突出如蛇或雞冠等樣者

雄黃一錢 冰片二錢 輕粉一錢 整頭煨黃色一錢 葱管藜蘆二錢研細如麪樣 俱為末和勻再研磁罐

收貼先用芎歸湯煎洗隨後搽藥早晚兩次其後漸收

芎歸湯 川芎 當歸 白芷 甘草 膽草各等分 每服用五錢煎湯洗患處搽藥

必消散 治婦人乳腫不論內外吹取五穀大楊樹上木耳菌拭淨淨瓦上炙焦存性為細末每服三錢砂糖

調陳酒送下即消

猪肝條方 治婦人陰戶內生瘡痒痛難堪用猪肝切成條於香油中微湯過抹樟腦川椒末挿入戶內引蛆

蟲候一吋辰取出再換二三條即愈

合蚌散 治婦人陰戶內生瘡作痒用活蚌一個剖開將蚌肉半個手拏對陰戶一夜次日又用一個全安

蛇床洗方 俱見種福堂 治女人陰痒用蛇床子煎湯洗之立愈

當歸散 瘦而有火胎不安宜此 娠常服即易產胎中疾苦產後百病主之

白朮散 肥白有寒胎不安者此能養胎

竹葉湯 治產後中風病癢發熱面正赤喘而頭痛

甘麥大棗湯 俱見金匱 婦人臟燥悲傷欲哭

四物湯 方見時方 統治婦人百病

米魚膠糯米散 治婦人白帶 米魚膠一斤炒 糯米二升炒 拌好開水冲服

猪肚胡椒湯 治婦人經寒往來時有痛猪肚一個洗淨胡椒八兩裝入肚內炖爛食

傷寒附法 太醫院院使錢編輯

傷寒傳變大法已詳傷寒論註及心中要訣中矣然近世治四時傷寒者咸用河間兩解等法每多神效誠治斯證之捷法也今復採雙解散防風通聖散諸經驗名方編為歌訣俾後之學者知所變通庶幾於傷寒一證經權常變有所遵循而無遺法矣

雙解散完素解和初法

雙解通聖合六一四時溫熱正傷寒兩許為劑葱薑豉汗下兼行表裏宜強者加倍弱減半不解連進自然安若因汗少麻倍大便鞅硝黃加倍添 名曰雙解散者以其能發表攻裏即防風通聖散六一散二方合劑也河間製此解利四時久溫春溫夏熱秋燥者正令傷寒凡邪在三陽表裏不解者以兩許為劑如葱薑淡豉煎服之候汗下兼行表裏即解形氣強者兩半為劑形氣弱者五錢為劑若初服因汗少不解則為表實倍加麻黃以汗之因便鞅不解則為裏實倍加硝黃以下之連進二三服必令汗出下利而解也今人不知其妙以河間過用寒涼仲景傷寒初無下法棄而不用真可惜也不知其法神捷莫不應手取效從無寒中痞結之變即有一二不解者亦未盡法之善則必已傳陽明故不解也防風通聖散詳在後

河間解利後法

汗下已通仍不解皆因不徹已傳經內熱煩渴甘露飲甚用白虎解毒清有表熱煩柴葛解表實大熱三黃瀉

表熱尿赤涼天水胃實不便大柴承 服雙解散汗下已通而仍不解者皆因汗之不徹或已傳經治之不及也若表已解而裏有微熱煩渴者用桂苓甘露飲以和太陽之裏若內熱大甚大熱大渴者用白虎湯合黃連解毒湯以清陽明之裏若表未解又傳陽明身熱而煩用柴葛解肌湯以解兩陽之邪若表實無汗大熱而煩用三黃石膏湯以清表裏之熱若裏有熱尿赤而澀者用涼膈散合天水散以清和之若胃實潮熱不大便有微表者用柴胡湯下之無表者三承氣湯下之桂苓甘露飲白虎湯大柴胡湯三承氣湯已詳傷寒要訣六一散涼膈散詳在雜病要訣

防風通聖散

防風通聖治風熱鬱在三焦表裏中氣血不宣經絡壅滯梔翹芥薄荷歸芍黃硝芍朮膏滑石麻黃桔梗與防荆利減硝黃嘔薑半自汗麻去桂枝增 此方治一切風火之邪鬱於三焦表裏經絡氣血不得宣通初感發熱頭痛膚疹傳經斑黃抽搐煩渴不眠便秘尿澀皆可服之功效甚奇用之自知其妙也

柴葛解肌湯

四時合病在三陽柴葛解肌柴葛薑白芷桔苓膏芍草利減石膏嘔半羌 此方陶華所製以代葛根湯凡四時太陽陽明少陽合病輕證均宜以此湯增減治之增減者謂如無太陽證者減羌活無少陽證者減柴胡也即柴胡葛根羌活白芷桔梗赤芍石膏黃芩甘草也下利減石膏以避裏虛也嘔加半夏生薑以降裏逆

黃連解毒湯

梔子金花湯

三黃石膏湯

陽毒熱極疹斑嘔煩渴呻吟譫語狂下後便軟熱不已連芩梔藥解毒湯裏實便鞭當攻下梔子金花加大黃表實膏麻葱豆豉下利除膏入葛良 陽毒熱極等證或下後便軟壯熱不已宜黃連解毒湯即黃連黃芩黃蘗梔子也若裏實當攻下便鞭者宜加大黃名梔子金花湯若表實無汗當發汗者宜加石膏麻黃淡豆豉葱白名三黃石膏湯下利者減石膏加葛根避裏不實也

消毒犀角飲

消毒犀角表疹斑毒壅咽喉腫痛難犀角牛蒡荆防草熱盛加薄荷芩連 消毒犀角飲即消毒飲之防風荆芥牛蒡子甘草加犀角也熱甚加連翹薄荷黃芩黃連也

消斑青黛飲

消斑青黛消斑毒參虎柴犀地元黃連熱實減參去苦酒加入大黃煎 消斑青黛飲即青黛參虎謂人參白虎湯即人參石膏知母甘草柴胡犀角山梔生地元參黃連用苦酒與水煎也熱甚便實者減去人參加大黃可也

普濟消毒飲

普濟大頭天行病無裏邪熱客高巔冷連薄荷柴升桔蠶草陳勃麥藍元 普濟消毒飲治天行傳染大頭瘟疫無裏可下者是其邪熱客於高巔即黃芩黃連薄荷連翹柴胡升麻桔梗殭蠶甘草陳皮馬勃牛蒡子板藍根元參也

連翹敗毒散

連翹敗毒散發頤高腫掀紅痛可除花粉連翹柴胡荊防升草桔羌獨紅花蘇木芎歸尾腫面還加芷漏蘆
腫堅皂刺穿山甲便燥應添大黃疏 連翹敗毒散治時毒發頤高腫焮紅疼痛之陽證也即連翹天花粉柴
胡牛蒡子荊芥防風升麻甘草桔梗羌活獨活紅花蘇木川芎歸尾兩頤連面皆腫加白芷漏蘆腫堅不消
加皂刺穿山甲大便燥結加酒炒大黃

都氣湯 橘葉竹茹湯

呃逆腎虛都氣湯六味肉桂五味方橘葉竹茹虛熱主橘竹參草棗生薑 都氣湯即六味地黃湯加肉桂五
味子也橘皮竹茹湯即橘皮竹茹人參甘草大棗生薑

葳蕤湯

風溫浮盛葳蕤湯羌麻葛芷青木香芎草石膏葳蕤杏裏實熱甚入硝黃 風溫初起六脈浮盛表實壯熱汗
少者宜葳蕤湯以發表風邪也即羌活麻黃葛根白芷青木香川芎甘草石膏葳蕤杏仁也裏實熱甚汗多
者加芒硝大黃以攻裏熱也

桂枝白虎湯

風溫虛熱汗出多難任葳蕤可奈何須是鼾睡而燥渴方宜桂枝虎參合 風溫初起脈浮有力汗少壯熱宜
於葳蕤湯若脈虛生熱汗多難用葳蕤湯合與桂枝白虎人參湯如不鼾睡口中和而不燥不渴身熱汗多

脈浮盛者乃亡陽之證非風溫也即桂枝白虎加人參湯亦可用也

瀉心導赤各半湯

越經無證如醉熱脈和導赤各半湯苓連梔子神參參知滑犀草棗燈薑 越經病名也無證謂無表裏證脈和而身熱不解形如醉人者是越經證也宜瀉心導赤各半湯治之即黃芩黃連梔子茯苓人參麥冬知母滑石犀角甘草燈心生薑大棗也

大羌活湯

兩感傷寒病二經大羌活湯草川芎二防二朮二活細生地苓連知母同 兩感傷寒病名也二經謂一日太陽少陽二日陽明太陰三日少陽厥陰同病也張潔古製大羌活湯治之即甘草川芎防風防己蒼朮白朮羌活獨活細辛生地黃芩黃連知母也詳在傷寒要訣

還陽散 退陰散 黑奴丸

陰毒還陽硫黃末退陰炮烏乾薑均陽毒黑奴小麥疸苓麻硝黃金灶塵 還陽散即石硫黃末每服二錢新汲水調下良久寒熱不出再服之汗出愈退陰散即炮變色川烏微炒乾薑等分為末每服一錢鹽湯滾數沸服四肢不溫連服三次即溫熱服若吐冷服亦可黑奴丸即小麥成黑疸者名曰小麥奴黃芩麻黃芒硝大黃金底煤灶突煙梁上塵也為末蜜丸重四錢新汲水下服後若渴飲冷水者令恣意飲之須臾自當寒振汗出腹响微利而解也若不渴者恐是陰極似陽服之反為害耳

九味羌活湯

九味羌活即冲和四時不正氣為痾潔古製此代麻桂羌活防蒼細芷芎生地草苓喘加杏無汗加麻有桂多胸滿去地加枳桔煩渴知高熱自瘥 此湯即冲和湯張潔古製此以代麻黃桂枝二湯即羌活防風蒼木細辛白芷川芎生地甘草黃芩也喘加杏仁無汗加麻黃有汗加桂枝胸膈滿悶去生地加枳殼桔梗快膈氣也煩渴引飲加知母石膏熱自瘥也

十神湯

十神外感寒氣病功在溫經利氣殊升葛芎麻甘草芍薑葱香附芷陳蘇 此方即升麻葛根川芎麻黃甘草芍藥香附白芷陳皮葱白生薑蘇葉也能外發寒邪內舒鬱氣故曰寒氣病較之他劑有溫經利氣之功也

人參敗毒散 荆防敗毒散 倉廩散

人參敗毒虛感冒發散時毒疹痢良參苓枳桔芎草共柴前薄荷與獨羌時毒減參加翹芎血風時疹入荆防表熱嘔痢加蒼木溫熱苓連實確黃 人參敗毒散治氣虛感冒時氣之病即枳殼桔梗川芎茯苓人參甘草柴胡前薄荷獨活羌活也時毒謂受四時不正之氣或腫兩腮兩頰或咽喉腫痛依本方減人參加牛蒡連翹治之時疹謂初病即有之疹血風謂遍身騷癢之疹俱依本方減人參加荆芥防風治之名荆防敗毒散表熱無汗嘔口痢疾依本方加蒼木治之名倉廩散溫病熱病熱甚俱加黃連黃芩胃實便鞭俱加芒硝

大黃也

五積散

內傷生冷外感寒五積平胃半夏攢麻桂枳桔歸芎薑芷加附逐陰寒腹痛嘔逆吳萸入有汗除麻桂枝添虛加參朮除枳桔婦人經痛又醋煎 五積散即蒼朮陳皮厚朴甘草半夏茯苓麻黃官桂枳殼桔梗當歸川芎白芍乾薑白芷也表重用桂陰寒肢冷加附子腹痛嘔逆加吳萸有汗除去麻黃加桂枝氣虛加人參白朮除去枳桔婦人經痛加艾葉醋煎服之

升麻葛根湯

升葛芍草表陽明下利斑疹兩收功麻黃太陽無汗入柴苓同病少陽經 升麻葛根白芍甘草即升麻葛根湯也陽明表邪不解或數下利及斑疹不透者均宜主之若兼太陽無汗之表證入麻黃若兼少陽口苦耳聾寒熱往來半表半裏之證加柴胡黃芩也

二聖救苦丹

初起時疫溫熱病救苦汗出下俱全熱實百發而百中大黃皂角水為丸 此丹即大黃四兩皂角二兩為末水為丸也每服三錢無根水下弱者老者幼者量減服之此藥施治於初起時疫傳染傷寒溫病熱病熱盛形氣俱實者百發百中服後或汗或吐或下三法俱全其病立解

溫膽湯

傷寒病後津液乾虛煩燥渴不成眠乃是竹葉石膏證膽經餘熱此方先口苦嘔涎煩驚悸半夏橘草枳竹煎

氣虛加參渴去半再加麥粉熟苓連 傷寒病後燥渴虛煩乃竹葉石膏湯證非溫膽湯證詳在傷寒要訣若

少陽膽經餘熱則口苦嘔煩驚悸是溫膽證也即半夏茯苓橘皮甘草枳實竹茹也形氣俱虛或因汗吐下後及氣虛者均加人參渴去半夏加麥冬花粉以生津也有熱加黃芩黃連以清熱也

傷寒附法補

錢院使主河間兩解之法利於實熱之病余又續景岳內託之法利於虛寒之病正法之外得此兩法治傷寒無餘蘊矣

發表無汗病為逆須審陰陽施補益陽虛再造散如神小建中湯生津脈東垣變用益氣湯只緣飢飽與勞後

又有無汗屬陰虛理陰歸柴二方擇若宜涼解歸葛煎陽明溫暑及時疫陰陽兩虛汗最難大溫中飲富考核

仲景驅外是恒經各家內托亦上策 李東垣云傷寒內傷者用仲景法挾內傷者十居八九勞役飢飽過只度謂之內傷

用補中益氣湯加減又云尺脈遲者不可發汗當與小建中湯和之而邪解設不解服至尺脈有力乃

與麻黃湯汗之喻嘉言云宜小建中湯生其津液津液充便自汗而愈陶節菴曰傷寒服發表藥而不作汗

名無陽證宜再造散助陽以作汗張景岳云陽根於陰汗化於液從補血而散此雲騰致雨之妙則猶仲景

所未及觀其自製數方平散如歸柴飲溫散如大溫中飲及理陰煎涼散如歸葛飲皆取邪從榮解之義也

仲景重在驅邪此則重在補正驅邪是逐之於外補正是託之於內法雖不同而散寒之意則一也

再造散 陽虛再造散稱奇附子辛薑草桂者羌活芍防參棗入或加芍藥水煎之人參一錢黃耆二錢桂枝一錢甘草五分附子

炮一錢細辛七分羌活八分防風七分川芎一錢煨薑二片大棗三枚加芍藥一撮夏加黃芩石膏用之

小建中湯

陽氣素虛之津液傷寒溫補必須急桂枝倍芍加膠飴小建中大有益白芍三錢桂枝生薑各錢半炙草一錢水煎入飴糖三錢拌服

補中益氣湯

補中益氣木歸耆炙草人參與橘皮薑棗柴升煎水服六經加味始相宜炙耆二錢人參白朮當歸炙草各一錢陳橘皮五分柴胡升麻各三

厚朴 少陰加甘草橘皮 厥陰加川芎 如其發斑加乾葛元參倍升麻

理陰煎

熟地當歸炙草薑理陰煎劑最為良方中加減須消息肉桂加之用亦強熟地四錢當歸錢半炙草一錢

歸柴飲

歸柴二味及甘草傷寒平散用之好大便多溼歸易木還有加減方中討當歸一兩柴胡五錢

大溫中湯

傷寒溫散大溫中參朮柴胡肉桂同草地麻黃薑入用水煎去沫服為功熟地五錢白朮三錢

炙草八分柴胡一錢麻黃一錢肉桂一分乾薑一錢白朮二錢水二鍾煎七分去浮沫溫服或略蓋微汗

歸葛飲

當歸乾葛兩般宜涼散方中此最奇煎後好將涼水浸徐徐服下汗來時當歸三錢乾葛一錢水二鍾煎一鍾冷水浸涼服之